

CHHÔNG-SÈ-KÌ (1)

1 Goân-khí-thâu Siōng-tè chhòng-chō thiⁿ kap toē. Toē sī khang-khang hūn-tūn; chhim-ian ê bīn-chiūⁿ o·-àm; Siōng-tè ê Sìn ũn-tōng tī chúí-bīm. ³Siōng-tè kóng, Tiōh ũ kng, chiū ũ kng. ⁴Siōng-tè khoàⁿ kng, sī hó; Siōng-tè chiong kng àm pun-khui. ⁵Siōng-tè kiò hit ê kng choè Jit, kiò àm choè Mí. Ū ê-hng ũ chá-khí, sī thâu chít-jit.

⁶Siōng-tè kóng, Chiah ê chúí ê tiong-kan tiōh ũ kiong-chhong, chiong chúí kap chúí pun-khui. ⁷Siōng-tè chiū chō kiong-chhong, lâi hun-khui kiong-chhong-ê ê chúí kap kiong-chhong-téng ê chúí; chiū ũ án-ni. ⁸Siōng-tè kiò kiong-chhong choè Thiⁿ. Ū ê-hng ũ chá-khí, sī tē-jī jit.

⁹Siōng-tè kóng, Thiⁿ-ē chiah ê chúí tiōh chū-chíp kàu chít só·-chāi, ta-toē tiōh chhut-hiān; chiū ũ án-ni. ¹⁰Siōng-tè kiò ta-toē choè Toē; kiò chū-chíp ê chúí choè Hái; Siōng-tè khoàⁿ--i sī hó. ¹¹Siōng-tè kóng, Toē tiōh hoat-chháu, í-kíp kiát-chí ê chhài-soe, kap chiàu-lūi siⁿ ké-chí ê chhiū, hit lâi-bīn ũ i ê chí, tī toē-chiūⁿ; chiū ũ án-ni. ¹²Toē chiū hoat-chháu, kap chiàu-lūi kiát-chí ê chhài-soe, kap chiàu-lūi siⁿ ké-chí ê chhiū, lâi-bīn ũ i ê chí; Siōng-tè khoàⁿ--i sī hó. ¹³Ū ê-hng ũ chá-khí, sī tē-saⁿ jit.

¹⁴Siōng-tè kóng, Thiⁿ--nih ê kiong-chhong tiōh ũ hoat-kng ê thé, lâi hun-piat jit-mí; ¹⁵iā thang choè tiāu-thâu, sù-kùi, jit, nî; iáh hō·

in choè kng-thé tī thiⁿ ê kiong-chhong, chiò-kng tī toē-chiūⁿ; chiū ũ án-ni. ¹⁶Siōng-tè chiū chō toā ê kng-thé nng-ê; toā ê kng-thé lâi koán jit--sī, soè ê kng-thé lâi koán mí--sī; iā chō chhiⁿ-sín. ¹⁷Siōng-tè hē in tī thiⁿ--nih ê kiong-chhong, hō· in chiò kng tī toē--nih; ¹⁸iā beh koán ũ jit mí, hun-piat kng àm. Siōng-tè khoàⁿ--i sī hó. ¹⁹Ū ê-hng ũ chá-khí, sī tē-sì jit.

²⁰Siōng-tè kóng, Chúí tiōh siⁿ-thoàⁿ choē-choē ũ oáh-miā ê tōng-bút; chiáu pe tī toē ê téng-bīn, thiⁿ--nih ê kiong-chhong. ²¹Siōng-tè chiū chhòng-chō hái--nih ê toā-hí, í-kíp chúí só· siⁿ choē-choē ũ oáh-miā ê tōng-bút, kok chiàu i ê lūi, koh chhòng-chō ták-iūⁿ ê pe-chiáu, chiàu i ê lūi; Siōng-tè khoàⁿ--i sī hó. ²²Siōng-tè sù-hok in, kóng, Tiōh siⁿ-thoàⁿ ke-thiⁿ chin-choē, chhiong-moá tī hái--nih ê chúí, iā hō· chiáu-chiah siⁿ-thoàⁿ choē-choē tī toē--nih. ²³Ū ê-hng ũ chá-khí, sī tē-gō· jit.

²⁴Siōng-tè kóng, Toē tiōh siⁿ ũ oáh-miā ê tōng-bút, chiàu i ê lūi, cheng-siⁿ thāng-thoā, toē-chiūⁿ ê cháu-siù, chiàu i ê lūi; chiū ũ án-ni. ²⁵Siōng-tè chiū chō toē-chiūⁿ ê cháu-siù chiàu i ê lūi, cheng-siⁿ chiàu i ê lūi, toē-chiūⁿ it-chhè ê thāng-thoā chiàu i ê lūi; Siōng-tè khoàⁿ--i sī hó. ²⁶Siōng-tè kóng, Lán tiōh chō lāng chhin-chhiūⁿ lán ê siōng, chiàu lán ê khoán; hō· in koán-lí hái--nih ê hí, thiⁿ--nih ê chiáu, kap cheng-siⁿ, kap choân-toē,

í-kip toē-chiūⁿ teh sô ê thâng-thoā. ²⁷Siōng-tè chiū chhòng-chō lāng chhin-chhiūⁿ I ka-kī ê siōng, chiàu Siōng-tè ê siōng chhòng-chō i; chhòng-chō in lâm--ê lú--ê. Siōng-tè sù-hok in; ²⁸Siōng-tè koh tui in kóng, Tiōh siⁿ-thoàⁿ chin-choē, chhiong-moá tī toē-chiūⁿ, lâi khah-iáⁿ i; iā tiōh tī-lí hái--nih ê hī, thiⁿ--nih ê chiáu, kap toē-chiūⁿ it-chhè só· tín-tāng ê oáh-mih. ²⁹Siōng-tè kóng, Goá ū hō· lín piàn toē-chiūⁿ it-chhè kiát-chí ê chhài-soe, koh it-chhè ê chhiū, kī-tiong ū kiát-chí ê chhiū ê ké-chí; lóng hō· lín choē chiáh-mih. ³⁰Lūn-kàu toē-chiūⁿ it-chhè ê cháu-siū, thiⁿ-tiong it-chhè ê chiáu, kap toē-chiūⁿ it-chhè oē tín-tāng ū oáh-miā ê mih, Goá chiong it-chhè chhiⁿ-chháu hō· in choē chiáh-mih; chiū ū án-ni. ³¹Siōng-tè khoàⁿ I it-chhè só· chō--ê, khoàⁿ ah, chin-hó. Ū ê-hng ū chá-khí, sī tē-lák jít.

2 Thiⁿ toē kap i it-chhè só·-ū--ê í-keng choē-oân. Tī tē-chhit jít, Siōng-tè oân I só· chō ê kang; chiū tī tē-chhit jít hioh I it-chhè só· chō ê kang. ³Siōng-tè sù-hok tī tē-chhit jít, tēng choē sèng-jít; in-ūi tī chit-jít Siōng-tè theng I it-chhè chhòng-chō ê kang, chiū an-hioh.

⁴Thiⁿ toē chhòng-chō ê lâi-lék, tī Iâ-hô-hoa Siōng-tè chō toē kap thiⁿ ê jít, chhin-chhiūⁿ ē-toé. ⁵Soaⁿ-iá it-chhè ê chháu-bák bē ū tī toē--nih; soaⁿ-iá it-chhè ê chhài-soe bē ū hoat; in-ūi Iâ-hô-hoa Siōng-tè bô lóh-hō· tī toē--nih, iā bô lāng thang cheng-choh hit ê thó·-toē. ⁶Chóng-sī ū bû tui toē khí, lūn-ték piàn toē-bīn. ⁷Iâ-hô-hoa Siōng-tè ēng toē-chiūⁿ ê thō· hún chiaui choē lāng, pún oáh ê khi jlp i ê phīⁿ-khang; lāng chiū chiāⁿ-choē oáh ê lēng-hūn. ⁸Iâ-hô-hoa Siōng-tè tī tang-hng, tī Ai-tiān, cheng chit ê hng; chiong só· chō ê lāng hē tī-hia. ⁹Iâ-hô-hoa Siōng-tè hō· ták-iūⁿ ê

chhiū tui toē--nih hoat--khí-lâi, hó-khoàⁿ iā hó-chiáh; tī hng ê tiong-kan koh ū oáh-miā ê chhiū, kap hun-piat hó-pháiⁿ ê chhiū. ¹⁰Ai-tiān ū hô lâu-chhut lâi koan-ak hit ê hng; tui-hia hun-khui choē sì-tiâu. ¹¹Thâu-chit-tiâu miā-kiò Pí-sùn; chiū-sī sēh-lâu tī Hap-hui-lah choân-toē--ê; ¹²tī-hia ū chhut kim; hit-ūi ê kim sī chin-hó; iáh chhut chin-chu pheh-gék. ¹³Tē-jī-tiâu miā kiò Ki-hùn, chiū-sī sēh-lâu tī Kó·sít choân-toē--ê. ¹⁴Tē-saⁿ-tiâu miā-kiò Hi-tí-kiat, chiū-sī lâu tī A-sút ê tang-si-ê. Tē-si-tiâu chiū-sī Pek-lat. ¹⁵Iâ-hô-hoa Siōng-tè chiong hit ê lāng hē tī Ai-tiān hng, lâi cheng-choh kò·siú. ¹⁶Iâ-hô-hoa Siōng-tè hoan-hù hit ê lāng kóng, Hng-lâi ták-hō chhiū ê ké-chí, thang sūi-lâi chiáh. ¹⁷Chóng-sī hun-piat hó-pháiⁿ ê chhiū, i ê ké-chí m̄-thang chiáh; in-ūi chiáh ê jít lí tek-khak sí.

¹⁸Iâ-hô-hoa Siōng-tè kóng, Lāng toaⁿ-sin ka-kī toà m̄-hó; Goá beh kā i chō chit ê pang-chān--ê, lâi phit-phoē i. ¹⁹Iâ-hô-hoa Siōng-tè ēng thō· choē soaⁿ-iá ták-iūⁿ ê cháu-siū, í-kip khong-tiong ták-iūⁿ ê pe-chiáu; chhoā kàu hit-lāng ê bīn-cheng, khoàⁿ i beh chheng in sím-mih miā; kīⁿ-nā i só· chheng ták-iūⁿ oáh-mih--ê, chiū choē hit ê mih ê miā. ²⁰Hit ê lāng chiū kā it-chhè ê cheng-siⁿ, kap khong-tiong ê pe-chiáu, kap soaⁿ-iá it-chhè ê cháu-siū lóng hō miā; chóng-sī chhē bô chit-ê thang choē hit lāng ê pang-chān, lâi phit-phoē i. ²¹Iâ-hô-hoa Siōng-tè hō· hit ê lāng khùn tâng-bīn, i chiū khùn; chiū thēh i ê hiáp-kut chit-ki, pau-bát i ê bah. ²²Iâ-hô-hoa Siōng-tè chiū chiong tui hit-lāng só· thēh-chhut ê hiáp-kut, chō-chiāⁿ chit ê cha-bó·lāng, chhoā lâi chiū-kūn hit-lāng. ²³Hit-lāng kóng, Taⁿ chit-ê sī goá kut-lâi ê kut, bah-lâi ê bah; beh chheng-choē cha-bó·lāng; in-ūi i sī tui ta-po·lāng thēh-chhut.

²⁴Só·-í lāng beh lī-khui i ê pē-bú, kiāt-liân i ê bó·, in chiū chiān-choè chit-thé. ²⁵Ang-bó· nāg-lāng pīn-pīn thng-pak-theh, iā bô kiàn-siàu.

3 Iā-hô-hoa Siōng-tè só· chō soaⁿ-iá it-chhè ê oáh-mih, choá sī pí in khah káu-khiat. Choá tui hū-jîn-lāng kóng, Siōng-tè kiám ū-iáⁿ kóng, Hng-lāi it-chhè ê chhiū, lín lóng m̄-thang chiáh mah? ²Hū-jîn-lāng tui choá kóng, Hng-lāi chhiū-nih ê ké-chí goán thang chiáh; chí-ū hng tiōng-ng hit chāng chhiū ê ké-chí Siōng-tè bat kóng, Lín m̄-thang chiáh-i, iáh m̄-thang bong, kiaⁿ-liáu oē sí. ⁴Choá tui hū-jîn-lāng kóng, Lín bô tek-khak oē sí. ⁵In-ūi Siōng-tè chai lín chiáh ê jlt, lín ê bák-chiu chiū oē khui, lín beh chhin-chhiūⁿ Siōng-tè, oē hun-piat hó-pháiⁿ. ⁶Hū-jîn-lāng khoàⁿ hit chāng chhiū, hó-chiáh iáh kah-bák; koh hit chāng chhiū sī thang him-bō·, hō· lāng ū tì-hūi; chiū bán i ê ké-chí chiáh i, soà hō· i ê tiōng-hu, i iáh chiáh i. ⁷In nāg-lāng ê bák-chiu chiū khui, chiah chai in sī thng-pak-theh; chiū pín bū-hoa-kó hióh, ūi ka-kī choè kún. ⁸Jlt liāng-léng ê sí, Iā-hô-hoa Siōng-tè kiāⁿ-iū tī hng-lāi; thiaⁿ-kìⁿ I ê siaⁿ, hit-lāng kap i ê hū-jîn-lāng chiū bih tī hng-lāi ê chhiū-tiong, lâi siám-pī Iā-hô-hoa Siōng-tè ê bīn. ⁹Iā-hô-hoa Siōng-tè kiò hit-lāng, tui i kóng, Lí tī tah-lóh? ¹⁰I chiū kóng, Goá thiaⁿ-kìⁿ Lí ê siaⁿ tī hng-lāi, goá chiū kiaⁿ, in-ūi goá thng-pak-theh; chiū ka-kī bih. ¹¹Kóng, Chī-chūi ká lí kóng, lí thng-pak-theh? Goá hoan-hù lí m̄-thang chiáh hit chāng chhiū, lí chiáh i mah? ¹²Hit-lāng kóng, Lí só· hō· goá choè-phoāⁿ ê hū-jîn-lāng, i ēng hit chāng chhiū ê ké-chí hō· goá, goá chiū chiáh i. ¹³Iā-hô-hoa Siōng-tè tui hū-jîn-lāng kóng, Lí só· choè sī sím-mih sū? Hū-jîn-lāng kóng, Choá ín-iú

goá, goá chiū chiáh. ¹⁴Iā-hô-hoa Siōng-tè tui choá kóng, Lí í-keng choè chit-ê, só·-í lí siū chiū-chó·, pí it-chhè ê cheng-siⁿ, kap soaⁿ-iá it-chhè ê chāu-siū, khah-tāng; lí beh ēng pak-tó· kiāⁿ, it-seng chiáh thô·-hún. ¹⁵Goá beh hō· lí kap hū-jîn-lāng kiāt oan-siū, lí ê hō·-è kap i ê hō·-è iáh kiāt oan-siū; i beh siong lí ê thau-khak, lí beh siong i ê kha-āu-tiⁿ. ¹⁶Koh tui hū-jîn-lāng kóng, Goá tek-khak toā-toā ke-thiⁿ lí hoai-īn ê kan-khó·; lí beh kan-khó· siⁿ-kiāⁿ; lí beh loan-bō· lí ê tiōng-hu, i beh koán-hat lí. ¹⁷Iā tui A-tong kóng, Lí í-keng thiaⁿ-thàn lí ê hū-jîn-lāng ê oē, lâi chiáh Goá só· hoan-hù lí kóng, Lí m̄-thang chiáh-i ê; só·-í thó·-toē in-ūi lí ê iān-kò·, siū chiū-chó·; lí chit-si-lāng lô-khó·, chiah tui i tit-tiòh chiáh. ¹⁸Thó·-toē beh ūi-tiòh lí hoat chhi-phê kap chék-lê; lí iā beh chiáh hng--nih ê chhai-soe. ¹⁹Lí beh koāⁿ-lāu moá-bīn chiah thang tit-tiòh chiáh, kàu lí kui thó·; in-ūi lí sī tui thô·-thé--chhut-lâi; lí pún sī thô·-hún, iā beh kui tī thô·-hún. ²⁰Hit-lāng ká i ê bó· hō miā, kiò Hā-oa; in-ūi i choè chng-lāng ê lāu-bú. ²¹Iā-hô-hoa Siōng-tè ūi-tiòh hit-lāng kap i ê bó· ēng phê choè i-hók, hō· in chhēng.

²²Iā-hô-hoa Siōng-tè kóng, Khoàⁿ ah, chit-lāng í-keng kap lán saⁿ chhin-chhiūⁿ, oē hun-piat hó-pháiⁿ; taⁿ kiaⁿ-liáu i chhun-chhiú koh tui oáh-miā chhiū bán, lâi chiáh chiū oáh kàu éng-oán; ²³só·-í Iā-hô-hoa Siōng-tè kah i chhut Ai-tiān hng, lâi chng-choh hit ê thô·, chiū-sī i só· tui i chhut ê. ²⁴Só·-í koáⁿ hit ê lāng chhut; iā tī Ai-tiān hng ê tang--sì an-tì Ki-lō-peng kap si-bīn tng-séh hoat hé-iām ê kiām, lâi hong-siú oáh-miā chhiū ê lô·.

4 Hit-lāng kap i ê bó· Hā-oa tng-pāng; Hā-oa chiū hoai-īn siⁿ Kai-ún, kóng, Goá tui Iā-hô-hoa pī-iū tit-tiòh kiāⁿ. ²Koh siⁿ i ê sió-

tī A-pek. A-pek sī kò·iūⁿ--ê, Kai-ún sī choh-chhân--ê. ³Kàu jīt-āu, Kai-ún chiong thó·sán choè lé-mih hiàn hō· Iâ-hô-hoa. ⁴A-pek iā chiong iūⁿ-kūn-tiong thâu-chiūⁿ-sīⁿ ê iūⁿ kap i ê iū thêh--lâi hiàn. Iâ-hô-hoa koàn-kò· A-pek kap i ê lé-mih; ⁵chóng-sī bô koàn-kò· Kai-ún kap i ê lé-mih. Kai-ún chiū toā siū-khì, pìⁿ-bīn. ⁶Iâ-hô-hoa tùi Kai-ún kóng, Lí siáⁿ-sū siū-khì? Lí siáⁿ-sū pìⁿ-bīn? ⁷Lí nā kiāⁿ-hó, kiám bô tit-tiòh kàm-láp? nā bô kiāⁿ-hó, choē-giát bân-hók tī mng-kháu; i beh loan-bō· lí, lí beh koán-hat i. ⁸Kai-ún ká i ê sió-tī kóng. Í-āu in tī soaⁿ--nih ê sī, Kai-ún kong-kek i ê sió-tī A-pek, ká i thâi-sí. ⁹Iâ-hô-hoa tùi Kai-ún kóng, Lí ê sió-tī A-pek tī tah-lóh? I kóng, M̄-chai; goá kiám-sī kò·siū goá ê sió-tī--ê mah? ¹⁰I kóng, Lí ū choè sím-mih? Lín sió-tī ê huìh ê siaⁿ tùi toē--nih âu-kiò Goá. ¹¹Toē ū khui-chhùi tùi lí ê chhiú lâi chiap-siū lín sió-tī ê huìh, taⁿ lí tùi chit ê toē siū chiū-chó·. ¹²Lí cheng-choh, toē bô beh chhut thó·sán hō· lí; lí beh sì-koè cháu, phiau-liú toē-chiūⁿ. ¹³Kai-ún tùi Iâ-hô-hoa kóng, Goá ê hêng-hoat thài-tāng, kè-thâu tī goá só· oē-tng--ê. ¹⁴Lí kin-á-jīt koáⁿ goá lī-khui chit ê toē-bīn, bô thang toà tī Lí ê bīn-chêng; goá sì-koè cháu phiau-liú toē-chiūⁿ; kīⁿ-nā tú-tiòh goá ê beh thâi-sí goá. ¹⁵Iâ-hô-hoa tùi i kóng, In-tūi án-ni, kīⁿ-nā thâi-sí Kai-ún ê, beh siū chhit-pē ê pò-èng. Iâ-hô-hoa chiū ká Kai-ún līp chit ê kì-hō, bián-tit tú-tiòh i ê thâi-sí i.

¹⁶Kai-ún chiū lī-khui Iâ-hô-hoa ê bīn-chêng, khi tī Ai-tiân ê tang--sì, Lô-tek ê toē, khiā-khí. ¹⁷Kai-ún kap i ê bó· tāng-pāng; i ê bó· hoài-īn siⁿ Í-lók; Kai-ún khí siáⁿ, chiū chiàu i ê kiáⁿ ê miâ chheng hit ê siáⁿ ê miâ choè Í-lók. ¹⁸Í-lók siⁿ Í-ná; Í-ná siⁿ Bí-hō·ngá-lī; Bí-hō·ngá-lī siⁿ Má-thó·sat-lī; Má-thó·sat-lī

siⁿ Láh-bék. ¹⁹Láh-bék chhoā nng ê bó·; chit ê miâ A-tāi, chit ê miâ Sé-láh. ²⁰A-tāi siⁿ Ngá-pat; i choè khiā-khí pò·pīⁿ chhi cheng-siⁿ ê lāng ê chó·. ²¹I ê sió-tī miâ Iū-pat; i sī choè it-chhè toāⁿ-khim pūn-siau ê lāng ê chó·. ²²Sé-láh iā siⁿ Thó·pat-kai-ún; i chiū-sī chè-chō ták-iūⁿ tâng thih lâi-khì ê; Thó·pat-kai-ún ê chí-bē chiū-sī Ná-má. ²³Láh-bék tùi i nng ê bó· kóng,

A-tāi kap Sé-láh ah, tiòh thiaⁿ goá ê siaⁿ,
Láh-bék ê bó· ah, tiòh tì-i thiaⁿ goá ê oē;
Lāng siong goá, goá thâi i,
Siàu-liân lāng hâi goá, goá thâi i.

²⁴Kai-ún ê sin-oan nā sī chhit-pē,
Chiū Láh-bék ê sin-oan tek-khak chhit-cháp-chhit pē.

²⁵A-tong koh kap i ê bó· tāng-pāng; i ê bó· siⁿ-kiáⁿ, piáu-miâ kiò Siat; sī kóng, Siōng-tè koh ká goá siat-līp chit ê kiáⁿ lâi thoè A-pek, in-tūi Kai-ún ká i thâi-sí. ²⁶Siat iā siⁿ-kiáⁿ, piáu-miâ Í-lô-sū; hit-sī lāng chiah khí thâu kiū-kiò Iâ-hô-hoa ê miâ.

5 A-tong ê sè-hē kì tī ē-toé. Tng Siōng-tè chhòng-chō lāng ê jīt, sī chiàu Siōng-tè ê khoán-sit lâi chō i; ²chhòng-chō in ta-po· kap cha-bó·; tī in siū chhòng-chō ê jīt, sū in hok-khì, chheng in ê miâ kiò Lāng. ³A-tong chit-pah saⁿ-cháp hē siⁿ-kiáⁿ chiàu i ê khoán, chhin-chhiūⁿ i ê siōng, piáu miâ kiò Siat. ⁴A-tong siⁿ Siat liáu-āu koh lèk-kè poeh-pah nī; kīⁿ-tong iáu ū siⁿ kiáⁿ cha-bó·-kiáⁿ. ⁵A-tong kè-kiōng hióng-siū káu-pah saⁿ-cháp hē, chiah sí.

⁶Siat chit-pah liân gō· hē, siⁿ Í-lô-sū. ⁷Siat siⁿ Í-lô-sū ê liáu-āu iáu oáh poeh-pah liân chhit nī; kī-tiong ū koh siⁿ kiáⁿ cha-bó·-kiáⁿ. ⁸Siat kè-kiōng hióng-siū káu-pah it-cháp-jī hē, chiah sí.

⁹Í-lô-sū káu-cháp hè, siⁿ Kai-lâm. ¹⁰Í-lô-sū siⁿ Kai-lâm ê liáu-āu iáu oáh poeh-pah it-cháp-gō· nî; kî-tiong ū koh siⁿ kiáⁿ cha-bó·-kiáⁿ. ¹¹Í-lô-sū kè-kiōng hióng-siū káu-pah liân gō· hè, chiah sí.

¹²Kai-lâm chhit-cháp hè, siⁿ Má-lèk-liát. ¹³Kai-lâm siⁿ Má-lèk-liát ê liáu-āu iáu oáh poeh-pah sì-cháp nî; kî-tiong ū koh siⁿ kiáⁿ cha-bó·-kiáⁿ. ¹⁴Kai-lâm kè-kiōng hióng-siū káu-pah it-cháp hè, chiah sí.

¹⁵Má-lèk-liát lák-cháp gō· hè, siⁿ Ngá-liát. ¹⁶Má-lèk-liát siⁿ Ngá-liát ê liáu-āu iáu oáh poeh-pah saⁿ-cháp nî; kî-tiong ū koh siⁿ kiáⁿ cha-bó·-kiáⁿ. ¹⁷Má-lèk-liát kè-kiōng hióng-siū poeh-pah káu-cháp gō· hè, chiah sí.

¹⁸Ngá-liát chit-pah lák-cháp jī hè, siⁿ Í-lók. ¹⁹Ngá-liát siⁿ Í-lók ê liáu-āu iáu oáh poeh-pah nî; kî-tiong ū koh siⁿ kiáⁿ cha-bó·-kiáⁿ. ²⁰Ngá-liát kè-kiōng hióng-siū káu-pah lák-cháp jī hè, chiah sí.

Í-lók lák-cháp gō· hè, siⁿ Má-thó·-sat-láh. ²²Í-lók siⁿ Má-thó·-sat-láh ê liáu-āu kap Siōng-tè saⁿ-kap kiāⁿ saⁿ-pah nî; kî-tiong ū koh siⁿ kiáⁿ cha-bó·-kiáⁿ. ²³Í-lók kè-kiōng hióng-siū saⁿ-pah lák-cháp gō· hè. ²⁴Í-lók kap Siōng-tè saⁿ-kap kiāⁿ, Siōng-tè chiap i khi; i chiū bô tī-teh.

²⁵Má-thó·-sat-láh chit-pah poeh-cháp chhit hè, siⁿ Láh-bék. ²⁶Má-thó·-sat-láh siⁿ Láh-bék ê liáu-āu iáu oáh chhit-pah poeh-cháp jī nî; kî-tiong ū koh siⁿ kiáⁿ cha-bó·-kiáⁿ. ²⁷Má-thó·-sat-láh kè-kiōng hióng-siū káu-pah lák-cháp káu hè, chiah sí.

²⁸Láh-bék chit-pah poeh-cháp jī hè, siⁿ chit ê kiáⁿ, piáu-miā kiò Ná-a, kóng, Iâ-hô-hoa bat chiū-chó· toē, hō· lán choè kang lô-khó·; taⁿ chit ê kiáⁿ beh an-ùi lán. ³⁰Láh-bék siⁿ Ná-a ê liáu-āu iáu oáh gō·-pah káu-cháp gō·

nî; kî-tiong ū koh siⁿ kiáⁿ cha-bó·-kiáⁿ. ³¹Láh-bék kè-kiōng hióng-siū chhit-pah chhit-cháp chhit hè, chiah-sí.

³²Ná-a gō·-pah hè; siⁿ Siám, Hâm, Ngá-hut.

6 Lâng tī toē-chiūⁿ ná khah-choē, iā siⁿ cha-bó·-kiáⁿ ê sī, ²Siōng-tè ê kiáⁿ khoàⁿ-kìⁿ lâng ê cha-bó·-kiáⁿ súi, chiū chiàu in só· ài, chhoā in choè bó·. ³Iâ-hô-hoa kóng, Lâng kì-jian siók tī jiók-thé, Goá ê Sîn bô beh éng-oán tiàm tī in; nā-sī in ê jīt-chí beh kàu chit-pah jī-cháp nî. ⁴Tī hit-sī ū toā-hàn lâng tī toē-bīn-chiūⁿ; āu-lāi Siōng-tè ê kiáⁿ kap lâng ê cha-bó·-kiáⁿ tàng-pâng, in chiū siⁿ kiáⁿ, chiū-sī tui kó·-chá eng-hiōng ū miā-siaⁿ ê lâng.

⁵Iâ-hô-hoa khoàⁿ-kìⁿ lâng tī toē-chiūⁿ, choē-ok chin toā, sim-lāi só· siūⁿ ê liām-thâu ták-jit lóng sī pháiⁿ. ⁶Iâ-hô-hoa thè-hoé I chō lâng tī sè-kan; sim-lāi iu-būn. ⁷Iâ-hô-hoa kóng, Goá beh tui toē-chiūⁿ châu-biát Goá só· chhòng-chō ê lâng; chiong lâng kap cháu-siū, thàng-thoā, pe-chiáu, lóng châu-biát; in-ūi Goá chō in liáu ū thè-hoé. ⁸Chí-ū Ná-a tit-tiōh un-tián tī Iâ-hô-hoa ê bīn-chêng.

⁹Ná-a ê sè-hē kì tī ē-toé. Ná-a sī gī-lâng; tī hit sè-tāi ê tiong-kan sī oan-choân ê lâng; Ná-a kap Siōng-tè saⁿ-kap kiāⁿ. ¹⁰Ná-a siⁿ saⁿ ê kiáⁿ, chiū-sī Siám, Hâm, Ngá-hut. ¹¹Sè-kài pāi-hoāi tī Siōng-tè ê bīn-chêng; sè-kài chhiong-moá kiōng-pō. ¹²Siōng-tè khoàⁿ sè-kài lóng pāi-hoāi; in-ūi kìⁿ ū jiók-thé--ê in tī sè-kài ê kiāⁿ-choè lóng sī pāi-hoāi.

¹³Siōng-tè tui Ná-a kóng, Kìⁿ ū jiók-thé--ê goá khoàⁿ in ê boat-kī í-keng kàu, in-ūi in ê kiōng-pō chhiong-moá tī sè-kài; lí khoàⁿ, Goá beh chiong in kap toē choè chit-ē hui-biát. ¹⁴Lí tiōh ēng chhêng-peh-chhâ choè toā-chûn, chûn-lāi tiōh keh pâng-keng, lāi-goā ēng lèk-chhiⁿ-iū kô· i. ¹⁵Toā-chûn ê chō-hoat sī án-

ni; tng saⁿ-pah tiú, khoah gō·cháp tiú, koaiⁿ saⁿ-cháp tiú. ¹⁶Chun tióh choè thang-á, koaiⁿ chít tiú; mng tióh hē tī chūn-piⁿ; chūn tióh choè saⁿ-chān, hun siōng, tiong, hā. ¹⁷Lí khoàⁿ, Goá, Goá beh hō· toā chúí hoàn-lām tī toē-chiūⁿ, lái húi-biát thiⁿ-ē kìⁿ-nā ū oáh-khì ê jiók-thé; kìⁿ-nā tī toē-chiūⁿ--ê lóng oē sí. ¹⁸Chóng-sī Goá beh kap lí lẹp Goá ê iok. Lí kap lí ê kiáⁿ, lí ê bó·, lí ê sim-pū, lóng tióh jíp toā-chūn. ¹⁹Kìⁿ-nā ū oáh-khì ê jiók-thé, ták-iūⁿ chít-tùi, chít-chiah kang--ê, chít-chiah bú--ê, lí tióh toà in jíp toā-chūn, kap lí saⁿ-kap pó-choân oáh-miā. ²⁰Pe-chiáu kok chiàu i ê lūi, cheng-siⁿ kok chiàu i ê lūi, toē-chiūⁿ ê thāng-thoā kok chiàu i ê lūi, ták-iūⁿ chít-tùi beh kàu lí hia lái pó-choân in ê oáh-miā. ²¹Lí tióh thèh ták-iūⁿ ê chiáh-mih chek-chū--teh, thang choè lí kap in ê chiáh-mih. ²²Ná-a chiū án-ni kiāⁿ; chiàu Siōng-tè lóng-chóng só· bēng-lēng--ê khi kiāⁿ.

7 Iā-hô-hoa tui Ná-a kóng, Lí kap lí choân-ke lóng tióh jíp toā-chūn; in-ūi tī chít sè-tāi ê tiong-kan Goá khoàⁿ-kìⁿ lí tī Goá ê bīn-chēng sī gī-lāng. ²Kìⁿ-nā chheng-khì ê cheng-siⁿ, lí tióh toà chhit-chiah kang--ê, chhit-chiah bú--ê; bô chheng-khì ê cheng-siⁿ, lí tióh toà chít-chiah kang--ê, chít-chiah bú--ê. ³Thiⁿ--nih ê chiáu iā tióh toà, chhit-chiah kang--ê, chhit-chiáh bú--ê, thang lâu in ê chéng oáh tī choân-toē. ⁴In-ūi koh kè chhit-jít, Goá beh lóh-hō· tī toē-chiūⁿ, sì-cháp jít sì-cháp mī; chiong Goá só· chō ták-hō ê oáh-mih lóng tui toē-chiūⁿ châu-biát. ⁵Ná-a chiū chiàu Iā-hô-hoa só· bēng-lēng i ê, it-chīn khi kiāⁿ.

⁶Tng toā-chúí hoàn-lām tī toē chiūⁿ ê sī, Ná-a lāk-pah hē. ⁷Ná-a chiū kap i ê kiáⁿ, i ê bó·, i ê sim-pū, lóng jíp toā-chūn, siám-pī toā-chúí. ⁸Chheng-khì ê cheng-siⁿ, kap

bô chheng-khì ê cheng-siⁿ, pe-chiáu, kap toē-chiūⁿ it-chhè ê thāng-thoā, lóng chít-tùi chít-tùi, ū kang--ê ū bú--ê, kàu Ná-a hia, chìn-jíp toā-chūn, chiàu Siōng-tè bēng-lēng Ná-a ê. ¹⁰Kè hiah ê chhit-jít toā-chúí hoàn-lām tī toē-chiūⁿ. ¹¹Tng Ná-a lāk-pah hē, jī-gēh cháp-chhit jít, hit-jít chhim-ian ê chúí-goân lóng līh-khui, thiⁿ iā phoà-khiah. ¹²Sì-cháp jít sì-cháp mī lóh-hō· tī toē-bīn-chiūⁿ. ¹³Tú hit-jít Ná-a kap i ê kiáⁿ, Siám, Hām, Ngá-hut, kap Ná-a ê bó·, kap i ê saⁿ ê sim-pū, lóng jíp toā-chūn; ¹⁴in kap pah-siū kok chiàu i ê lūi, it-chhè ê cheng-siⁿ kok chiàu i ê lūi, it-chhè sô tī toē-chiūⁿ ê thāng-thoā kok chiàu i ê lūi, it-chhè ū-sit--ê kok chiàu i ê lūi, it-chhè ê pe-chiáu kok chiàu i ê lūi, lóng-chóng chìn-jíp toā-chūn. ¹⁵Kìⁿ-nā jiók-thé lái-bīn ū oáh-khì--ê, lóng chít-tùi chít-tùi, kàu Ná-a hia, jíp toā-chūn. ¹⁶Kìⁿ-nā jíp toā-chūn--ê, sī ū kang ū bú ê jiók-thé, chiàu Siōng-tè só· bēng-lēng i--ê; Iā-hô-hoa chiū ká i koaiⁿ--teh. ¹⁷Chúí hoàn-lām tī toē-chiūⁿ sì-cháp-jít; chúí tiòng ná koaiⁿ, hō· toā-chūn chheng-phū, chūn chiū lī toē. ¹⁸Chúí-sè chìn-toā, tī toē-chiūⁿ tít-tít tiòng--khí-lái; chūn phiau-liú tī chúí-bīn. ¹⁹Chúí-sè tī toē-chiūⁿ kék-kī toā; thiⁿ-ē ê koaiⁿ-soaⁿ lóng hō· i im-bát. ²⁰Chúí-sè pí soaⁿ ke-tiòng koaiⁿ cháp-gō· tiú; soaⁿ lóng hō· i im-bát. ²¹Kìⁿ-nā tī toē-chiūⁿ ū jiók-thé ê tōng-bút, chiū-sī pe-chiáu, cheng-siⁿ, cháu-siū, kap it-chhè sô tī toē-chiūⁿ ê thāng-thoā, í-kíp só· ū ê chēng-lāng, lóng sí. ²²Kìⁿ-nā tī ta-toē ū phīⁿ-khang chhoán-khùi ê seng-lēng lóng sí. ²³Kìⁿ-nā toē-chiūⁿ it-chhè ê oáh-mih lóng châu-biát; lāng kap cheng-siⁿ, thāng-thoā, í-kíp thiⁿ-tiong ê pe-chiáu, in lóng tui toē-chiūⁿ siū châu-biát; chí-ū Ná-a chham hiah--ê kap i tī chūn-nih--ê lâu-teh.

²⁴Chúi-sè chin-toā tī toē-chiūⁿ, lèk-kè chít-pah gō·cháp-jít.

8 Siōng-tè kì-tit Ná-a, kap it-chhè ê oáh-mih, í-kíp kap i tī toā-chûn it-chhè ê cheng-siⁿ; Siōng-tè hō· hong chhe toē, chúi chiū chiām-chiām siau-sih. ²Chhim-ian ê chúi-goân, kap thiⁿ ê khang-khiah, lóng koaiⁿ-bát; thiⁿ--nih ê hō· iáh soah. ³Chúi tùi toē-chiūⁿ tít-tít thè; chít-pah gō·cháp jít āu, chúi chiū chiām-chiām siau. ⁴Chhit-géh chap chhit jít, chûn khoà tī A-láh-liáp ê soaⁿ. ⁵Chúi koh chiām-chiām siau, tít-tít kàu chap-géh. Chap-géh chhoe-it jít, soaⁿ-thâu chiah chhut-hiān. ⁶Kè sì-cháp jít, Ná-a khui i só· choè toā-chûn ê thang-á; ⁷pàng chít chiah o·-a chhut-khì; o·-a pe-lái pe-khì, tít-tít kàu toē-chiūⁿ ê chúi ta. ⁸I koh pàng chít chiah chíⁿ-á chhut-khì, beh khoàⁿ chúi tùi toē-chiūⁿ thè á-bē. ⁹Chóng-sī chíⁿ-á chhē bô hioh-kha ê só·-chāi, chiū tò-túg lái toā-chûn Ná-a hia; in-ūi piàn-toē-bīn iáu ū chúi; Ná-a chhun-chhiú chih i, liáh jíp toā-chûn. ¹⁰I koh thèng-hāu chhit-jít, koh pàng chíⁿ-á chhut toā-chûn. ¹¹Kàu ê-hng chíⁿ-á tò-lái i hia, chhui kā chít-hioh sin ê kaⁿ-ná-hioh; Ná-a chiah chai chúi tùi toē-chiūⁿ thè lah. ¹²I koh thèng-hāu chhit-jít, pàng chíⁿ-á chhut-khì; chíⁿ-á lóng bô koh tò-lái. ¹³Kàu Ná-a lák-pah lian chít hē, chiaⁿ-géh chhoe-it jít, toē-chiūⁿ ê chúi lóng ta; Ná-a chiū hian-khui toā-chûn ê koà, lái khoàⁿ; chiū khoàⁿ-kìⁿ toē-bīn í-keng ta. ¹⁴Jī-géh jī-chhit-jít, thô·toē lóng ta.

¹⁵Siōng-tè tùi Ná-a kóng, ¹⁶Lí kap lí ê bó·, lí ê kiáⁿ, lí ê sim-pū, lóng tióh chhut toā-chûn. ¹⁷Tī lí hia kìⁿ-ū jiók-thé ê oáh-mih, chiū-sī pe-chiáu, cheng-siⁿ, kap it-chhè sô tī toē-chiūⁿ ê thàng-thoā, lóng tióh toà in chhut; hō· in heng-ōng tī toē--nih, siⁿ-thoàⁿ chin-

choē. ¹⁸Tùi hit-tiáp Ná-a kap i ê kiáⁿ, i ê bó·, i ê sim-pū, lóng chhut-lái. ¹⁹It-chhè ê cháu-siù, it-chhè ê thàng-thoā, it-chhè ê pe-chiáu, kìⁿ-nā toē-chiūⁿ só· ū ê tōng-bút, kok chiàu i ê chók-lūi, iáh lóng chhut toā-chûn.

²⁰Ná-a ūi-tióh Iâ-hô-hoa khí chít chō toāⁿ; tùi ták-iūⁿ chheng-khì ê cheng-siⁿ, ták-iūⁿ chheng-khì ê pe-chiáu, chhui lái hiàn tī toā-téng choè sio-chè. ²¹Iâ-hô-hoa phīⁿ i ê phang-bī; Iâ-hô-hoa sim-lái chiū kóng, Goá bô koh in-ūi lāng ê iān-kò· chiū-chó· toē, in-ūi lāng tùi soè-hàn ê sí, sim só· siūⁿ chiū pháiⁿ, Goá bô beh chiàu Goá só· ū kiāⁿ--ê, koh biát kok-chéng ê oáh-mih. ²²Toē iáu tī-teh ê sí, chai-chèng siu-sèng, koāⁿ joáh, tang-thiⁿ, hē-thiⁿ, jít mī, lóng bô hioh.

9 Siōng-tè sù-hok Ná-a, kap i ê kiáⁿ, iáh tùi in kóng, Lín tióh siⁿ-thoàⁿ choē-choē, chhiong-moá toē-chiūⁿ. ²Kìⁿ-nā toē-chiūⁿ ê cháu-siù, kap thiⁿ--nih ê chiáu, lóng beh kiaⁿ lín ùi lín; lian toē-chiūⁿ it-chhè ê thàng-thoā, kap hái--nih it-chhè ê hī, lóng kau-hù lín ê chhiú. ³Kìⁿ-nā oáh ê tōng-bút lóng choè lín ê chiáh-mih; chiah-ê it-chhè Goá lóng hō· lín, chhin-chhiūⁿ hō· lín chhai-soe chít-iūⁿ. ⁴Tók-tók ū oáh-miā ê bah, chiū-sī ū kâⁿ-huih--ê, lín m̄-thang chiáh. ⁵Lâu lín ê huih, chiū-sī lâu lín oáh-miā ê huih ê choē, Goá beh thó--i; Goá beh tùi kok-iūⁿ cháu-siù thó, iáh beh tùi lāng ê chhiú, í-kíp ták-lāng hiaⁿ-tī ê chhiú, lái thó lāng ê oáh-miā. ⁶Kìⁿ-nā hō· lāng lâu huih--ê, lāng iā beh hō· i lâu-huih; in-ūi Siōng-tè chō lāng, sī chhin-chhiūⁿ I ka-kī ê siōng. ⁷Lín tióh siⁿ-thoàⁿ choē-choē, tī toē-bīn-chiūⁿ tióh heng-ōng, ke-thiⁿ chin-choē.

⁸Siōng-tè kā Ná-a kap i ê kiáⁿ kóng, ⁹Goá, Goá kap lín í-kíp lín ê hō·-è líp Goá ê iok; ¹⁰iáh kap hiah ê kap lín tī-teh it-chhè ê

oáh-mih, chiū-sī kap lín tī-teh ê pe-chiáu, cheng-siⁿ, it-chhè cháu-siū; kìⁿ-nā tùi toā-chûn chhut-lâi toē-chiūⁿ it-chhè ê cháu-siū lîp-iok. ¹¹Goá kap lín lîp Goá ê iok; kìⁿ ū jiók-thé ê, bô koh hō toā-chúi biát-bô, iáh bô koh ū toā-chúi húi-hoài thó-toē. ¹²Siōng-tè kóng, Goá kap lín iáh kap hiah-ê kap lín tī-teh ták-iūⁿ ê oáh-mih só lîp éng sè-tāi ê iok, sī ū kì-hō. ¹³Goá chiong Goá ê kheng hē tī hūn--nih, thang choè Goá kap toē lîp iok ê kì-hō. ¹⁴Í-āu Goá hō hūn khí jia toē ê sī, beh ū kheng chhut-hiān tī hūn--nih. ¹⁵Goá chiū kì-liām Goá kap lín í-kip ták-iūⁿ ū jiók-thé ê oáh-mih só lîp ê iok, chúí bô koh hoàn-lām sún-hoài it-chhè ū jiók-thé ê mih. ¹⁶Kheng beh chhut-hiān tī hūn--nih, Goá beh khoàⁿ--i, hō Goá kì-liām Siōng-tè kap toē-chiūⁿ ták-iūⁿ ū jiók-thé ê oáh-mih só lîp éng-oán ê iok. ¹⁷Siōng-tè tùi Ná-a kóng, Che chiū-sī Goá kap toē-chiūⁿ it-chhè ū jiók-thé ê mih só lîp ê iok ê kì-hō.

¹⁸Ná-a ê kiáⁿ, chhut toā-chûn--ê, chiū-sī Siám, Hâm, Ngá-hut; Hâm sī Ka-lâm ê iāu-pē. ¹⁹Chí saⁿ-ê sī Ná-a ê kiáⁿ; tùi in piàn-moá choân-toē.

²⁰Ná-a khí-chhiú choè lông-hu, chai-chèng phû-tô-hûng; lim hit ê chiú lăi chùi, tī pò-piⁿ-lăi theng-theh-theh. ²²Ka-lâm ê lău-pē, Hâm, khoàⁿ in lău-pē theng-theh, khi goā-bīn kâ in nng ê hiaⁿ-tī kóng. ²³Siám kap Ngá-hut theh chit niá saⁿ, khoàⁿ tī in ê keng-thâu; tò-thè kiáⁿ lăi jia lău-pē ê theng-theh; in ê bīn òng-chhut, bô khoàⁿ-khi lău-pē ê theng-theh. ²⁴Ná-a chiú-chui chhiⁿ, chiaⁿ chai tē jī-kiáⁿ ê só-choè. ²⁵Chiū kóng,

Ka-lâm tióh siū chiū-chó;

I beh choè i ê hiaⁿ-tī lô-pók ê lô-pók.

Koh kóng,

²⁶Tiòh o-ló Iâ-hô-hoa, Siám ê Siōng-tè; Ka-lâm choè Siám ê lô-pók.

²⁷Goân Siōng-tè hō Ngá-hut hoat-tián, Hō i toà tī Siám ê pò-piⁿ; Ka-lâm iáh choè i ê lô-pók.

²⁸Toā-chúi liáu-āu Ná-a iáu oáh saⁿ-pah gō-cháp nī. ²⁹Ná-a kè-kiōng hióng-siū káu-pah gō-cháp hé, chiaⁿ sí.

10 Ná-a ê kiáⁿ Siám, Hâm, Ngá-hut ê sè-hē kì tī ē-toé. Toā-chúi í-āu, in ū siⁿ kiáⁿ.

²Ngá-hut ê kiáⁿ; Khó-biát, Má-kok, Má-tāi, Ngá-oân, Thó-pat, Bí-siat, Thé-láh. ³Khó-biát ê kiáⁿ; A-sit-ki-ná, Lī-hoat, Tô-kamá. ⁴Ngá-oân ê kiáⁿ; Í-lī-sa, Tāi-sit, Kí-tí lāng, To-tan lāng. ⁵Chiaⁿ ê lāng ê hō-è, chiong ták-kok ê toē-thó, hái-sū, pun-khui khiā-khi, kok chiàu i ê khiuⁿ-kháu, chiàu in ê chong-chók, chiàu in ê pang-kok.

⁶Hâm ê kiáⁿ; Kó-sit, Bék-se-im, Hut, Ka-lâm. ⁷Kó-sit ê kiáⁿ; Se-pa, Hap-hui-láh, Sat-hut-tha, Láh-má, Sat-hut-thē-ka. Láh-má ê kiáⁿ; Sī-pa, Tí-tàn. ⁸Kó-sit iáh siⁿ Lêng-liók; i choè sè-chiūⁿ eng-hiōng ê khí-thâu. ⁹I tī Iâ-hô-hoa ê bīn-cheng sī chit ê eng-hiōng phah-láh--ê; só-í lāng kóng, Chhin-chhiūⁿ Lêng-liók tī Iâ-hô-hoa ê bīn-cheng, sī chit ê eng-hiōng phah-láh--ê. ¹⁰I ê kok ê khí-thâu, chiū-sī Pa-piát, Í-lék, A-kah, Kah-nī, tī Sī-ná ê toē.

¹¹I tùi-hia chhut-lâi, khi A-sút, khí-chō Nī-nī-bī, Lí-hô-pek-i-ní, Ka-láh, ¹²í-kip Nī-nī-bī Ka-láh tiong-kan ê Lī-sián; che chiū-sī hit ê toā-siáⁿ. ¹³Bék-se lāng siⁿ Lō-teng lāng, A-ná-bí lāng, Lī-hap lāng, Ná-hut-thó lāng; ¹⁴Phàⁿ-su-ló lāng, Ka-su-ló lāng, (tùi in chhut Hui-lī-sū lāng), Ka-hui-thok lāng.

¹⁵Ka-lâm siⁿ toā-kiáⁿ Se-tùn kap Hek; ¹⁶í-kip Iâ-pò-su lāng, A-mô-lī lāng, Kek-ka-sat lāng; ¹⁷Hi-bí lāng, A-ki lāng, Se-nī lāng; ¹⁸A-

oá-tí lāng, Sé-má-lí lāng, Hap-boát lāng; āu-lāi Ka-lām chia ē chók hun-soàⁿ. ¹⁹Ka-lām ē keng-kài sī tui Se-tùn ñg Ki-lāh-ní ē lō, kàu Ka-sat; koh ñg Só-to-má, Gô-mô-lāh, Ap-má, Sé-phian ē lō, kàu Lāh-sa. ²⁰Che chiū-sī Hām ē hō-è, kok chiàu in ē chong-chók, in ē khiuⁿ-kháu, tī in ē toē-thó, in ē pang-kok.

²¹Ngá-hut ē hiaⁿ Siám, choē Hi-pek choân-chók ē chók, iah siⁿ-kiáⁿ. ²²Siám ē kiáⁿ; Í-lân, A-sút, A-hoat-sat, Lō-tek, A-lân. ²³A-lân ē kiáⁿ; O-su, Hō-lèk, Ki-thiap, Má-si. ²⁴A-hoat-sat siⁿ Sa-lāh; Sa-lāh siⁿ Hi-pek. ²⁵Hi-pek siⁿ nng ē kiáⁿ; chit-ē miâ-kiò Hoat-lèk, in-ūi tī i hit-sī toē chiū hun-kài; Hoat-lèk ē sió-tī miâ-kiò Iok-tan. ²⁶Iok-tan siⁿ A-mô-tap, Sa-liát, Hap-sat-má-hui, Iā-lāh; ²⁷Hap-to-lân, O-sat, Tek-lāh; ²⁸Gô-pa-lō, A-pí-má-lī, Sī-pa; ²⁹O-húi, Hap-hui-lāh, Iok-pa; chia ē lóng sī Iok-tan ē kiáⁿ. ³⁰In só khiā-khi ē toē hng sī tui Bí-sa kàu Se-hoat tang-si ē soaⁿ. ³¹Che chiū-sī Siám ē kiáⁿ-sun, kok chiàu in ē chong-chók, in ē khiuⁿ-kháu, tī in ē thó-toē, chiàu in ē pang-kok.

³²Chiah-ē lóng sī Ná-a ē kiáⁿ ē chong-chók, kok chiàu in ē sè-hē, in ē pang-kok; toā-chúi í-āu, in tī toē-chiūⁿ pun-choē pang-kok.

11 Hit-sī thiⁿ-ē ē kháu-im, giân-gú, lóng chit-iūⁿ. In soá-khi tang-si ē sī-chūn, tī Sī-ná toē tú-tiòh chit-phian ē pīⁿ-iūⁿ, chiū toà tī-hia. ³In tãi-ke chham-siông kóng, Lāi ah, lán tiòh choē chng, sio hō i sèk. ⁴In ū chng thang thoē chiòh, koh ū chiòh-iū thang thoē he-thô. ⁵Koh kóng, Lāi ah, lán tiòh khí siāⁿ kap thah, thah-téng tú-thiⁿ, ūi lán lip chit ē miâ, biân-tit lán si-soàⁿ tī choân-toē.

⁵Iâ-hô-hoa kàng-lim, beh khoàⁿ sè-kan lāng só khí ē siāⁿ kap thah. ⁶Iâ-hô-hoa kóng, Khoàⁿ ah, chia ē peh-siⁿ lóng háp-it, giân-gú

iah chit-iūⁿ; hiân-kim í-keng khí-chhiú choē chit ē sū; í-āu in só beh choē ē, bô chit-hāng oē kìm-chí. ⁷Lāi ah, lán lōh--lāi-khi, tī-hia phah-loān in ē kháu-im, hō in ē giân-gú tãi-ke boē siong-thong. ⁸Tui án-ni, Iâ-hô-hoa hō in tui-hia si-soàⁿ tī choân-toē; in chiū thêng-kang, bô khí hit ē siāⁿ. ⁹Só-í hit ē siāⁿ miâ-kiò Pa-piát, in-ūi Iâ-hô-hoa tī-hia phah-loān thiⁿ-ē ē giân-gú; Iâ-hô-hoa hō lāng tui-hia si-soàⁿ tī choân-toē-chiūⁿ.

¹⁰Siám ē sè-hē kì tī ē-toē. Siám chit-pah hē, toā-chiú í-āu nng-ni siⁿ A-hoat-sat. ¹¹Siám siⁿ A-hoat-sat liáu-āu, iáu oáh gō-pah nī, koh ū siⁿ kiáⁿ cha-bó-kiáⁿ.

¹²A-hoat-sat saⁿ-cháp gō hē siⁿ Sa-lāh.

¹³A-hoat-sat siⁿ Sa-lāh liáu-āu, iáu oáh si-pah liân saⁿ nī, koh ū siⁿ kiáⁿ cha-bó-kiáⁿ.

¹⁴Sa-lāh saⁿ-cháp hē siⁿ Hi-pek. ¹⁵Sa-lāh siⁿ Hi-pek liáu-āu, iáu oáh si-pah liân saⁿ nī, koh ū siⁿ kiáⁿ cha-bó-kiáⁿ.

¹⁶Hi-pek saⁿ-cháp-si hē siⁿ Hoat-lèk. ¹⁷Hi-pek siⁿ Hoat-lèk liáu-āu, iáu oáh si-pah saⁿ-cháp nī, koh ū siⁿ kiáⁿ cha-bó-kiáⁿ.

¹⁸Hoat-lèk saⁿ-cháp hē siⁿ lāh-ngô. Hoat-lèk siⁿ Lāh-ngô liáu-āu, iáu oáh nng-pah liân káu nī, koh ū siⁿ kiáⁿ cha-bó-kiáⁿ.

²⁰Lāh-ngô saⁿ-cháp jī hē siⁿ Se-lók. Lāh-ngô siⁿ Se-lók liáu-āu, iáu oáh nng-pah liân chhit nī, koh ū siⁿ kiáⁿ cha-bó-kiáⁿ.

²²Se-lók saⁿ-cháp hē siⁿ Ná-hók. ²³Se-lók siⁿ Ná-hók liáu-āu, iáu oáh nng-pah nī, koh ū siⁿ kiáⁿ cha-bó-kiáⁿ.

²⁴Ná-hók jī-cháp káu hē siⁿ Tha-lāh. ²⁵Ná-hók siⁿ Tha-lāh liáu-āu, iáu oáh chit-pah cháp-káu nī, koh ū siⁿ kiáⁿ cha-bó-kiáⁿ.

²⁶Tha-lāh chhit-cháp hē siⁿ A-pek-lân, Ná-hók, Hap-lân.

²⁷Tha-lāh ē sè-hē kì tī ē-toē. Tha-lāh siⁿ

A-pek-lân, Ná-hók, Hap-lân; Hap-lân siⁿ Lô-tek. ²⁸Hap-lân sí tī i ê lâu-pē Tha-láh ê bīn-chêng, tī i ê pún-toē Ka-lék-tí ê Jíⁿ siáⁿ. ²⁹A-pek-lân, Ná-hók, kok ũ chhoā-bó. A-pek-lân ê bó· miâ kiò Sat-lāi; Ná-hók ê bó· miâ-kiò Bít-ka, sī Hap-lân ê cha-bó·-kiáⁿ; Hap-lân sī Bít-ka ê lâu-pē, iáh sī Í-sū-ka ê lâu-pē. ³⁰Sat-lāi bô hoai-in, bô kiáⁿ.

³¹Tha-láh chhoā i ê kiáⁿ A-pek-lân, kap i ê sun Lô-tek, chiū-sī Hap-lân ê kiáⁿ, í-kip i ê sim-pū Sat-lāi, chiū-sī i ê kiáⁿ A-pek-lân ê bó·, in saⁿ-kap chhut Ka-lék-tí ê Jíⁿ siáⁿ; beh khi Ka-lâm toē; in kàu Hap-lân chiū toà tī-hia. ³²Tha-láh hióng-siū nŋg-pah liên gō· hē; Tha-láh sí tī Hap-lân.

12 Iâ-hô-hoa tui A-pek-lân kóng, Lí tiòh lī-khui pún-toē, pún-chók, lâu-pē ê ke, khi Goá só· beh chí-sī lí ê toē. ²Goá beh hō· lí chiāⁿ-choè toā-kok, Goá beh sù-hok lí, hō· lí ê miâ choè toā, lí iáh beh hō· lāng tit-tiòh hok-khi; ³chiok-hok lí-ê, Goá beh sù-hok hō· in; chiū-chó· lí-ê, Goá beh chek-hoat i; toē-chiūⁿ bān-chók beh in-ūi lí tit-tiòh hok-khi. ⁴A-pek-lân chiàu Iâ-hô-hoa hoan-hù ê oē, chiū khi; Lô-tek iáh kap i khi. A-pek-lân chhut Hap-lân ê sī chhit-cháp-gō· hē. ⁵A-pek-lân toà i ê bó· Sat-lāi, kap i ê tit-á Lô-tek; í-kip in tī Hap-lân só· chek-chū ê chāi-bút, só· tit-tiòh ê lāng-giáh; in chiū chhut-khi beh khi Ka-lâm toē; in chiū kàu Ka-lâm toē. ⁶A-pek-lân keng-kè hit ê toē, kàu tī Sī-kiām ê só· chāi, kàu Mô·-lí ê siōng-chhiū; hit-sī Ka-lâm chók iáu teh toà. ⁷Iâ-hô-hoa tui A-pek-lân chhut-hiān kóng, goá beh chiong chit ê toē-hng siúⁿ-sù lí ê hō·-è; i chiū tī-hia ũi-tiòh tui i chhut-hiān ê Iâ-hô-hoa khí chit chō toāⁿ. ⁸Tui hia i soá kàu Pek-ték-lī tang--sì ê soaⁿ, tah pò·-pīⁿ; sai--sì sī Pek-ték-lī, tang--sì sī Ai;

tī-hia ũi-tiòh Iâ-hô-hoa khí chit chō toāⁿ, kiū-kiò Iâ-hô-hoa ê miâ. ⁹A-pek-lân chiām-chiām soá--khi lâm--sì ê toē.

¹⁰Hit ê toē tú-tiòh ki-hng, A-pek-lân lōh--khi Ai-kip, beh tī-hia chiām-sī khiā-khi; in-ūi hit ê toē ki-hng chin toā. ¹¹chiong-kūn jlp Ai-kip, chiū tui i ê bó· Sat-lāi kóng, Goá chai lí sī bīn-māu hó-khoàⁿ ê hū-jîn-lāng; ¹²Ai-kip lāng khoàⁿ-kìⁿ lí ê sī beh kóng, Chit-ê sī i ê bó·, in beh thāi-sí goá, lāi lâu lí oáh--teh. ¹³Kiū lí tiòh kóng, lí sī goá ê sió-bē, hō· goá in-ūi lí tit-tiòh pēng-an; goá ê sīⁿ-miâ iáh tui lí lāi tit-tiòh oáh. ¹⁴A-pek-lân kàu Ai-kip ê sī, Ai-kip lāng khoàⁿ-kìⁿ hit ê hū-jîn-lāng kék-kí súi. ¹⁵Hoat-ló ê jîn-sīn khoàⁿ-kìⁿ i, chiū tui Hoat-ló o-ló i; hit ê hū-jîn-lāng chiū hō· lāng toà i jlp Hoat-ló ê ông-kiong. ¹⁶Hoat-ló in-ūi chit ê hū-jîn-lāng chiū hó khoán-thāi A-pek-lân; A-pek-lân chiū tit-tiòh iūⁿ, gū, kang ê lū, lô-pók, lú-pī, bú ê lū, í-kip lók-tô. ¹⁷Iâ-hô-hoa in-ūi A-pek-lân ê bó· Sat-lāi ê iān-kò, kàng toā chai-ē tī Hoat-ló kap i ê choān-ke. ¹⁸Hoat-ló chiū kiò A-pek-lân lāi kóng, Lí tui goá só·-choè--ê sī sím-mih sū? siáⁿ-sū bô ká goá kóng i sī lí ê bó·? ¹⁹Siáⁿ-sū chheng i choè sió-bē? tì-kàu goá chiong i chhoā lāi choè goá ê bó·; taⁿ lí ê bó· tī-chia, thang chhoā i, choè lí khí. ²⁰Tui hit-tiáp Hoat-ló ũi-tiòh i lāi hoan-hù lāng; in chiū chiong i kap i ê bó· kap i só·-ū--ê, lóng sàng i khi.

13 A-pek-lân tui Ai-kip chiūⁿ--khi, i kap i ê bó· kap i só· ũ--ê, liên Lô-tek, lóng khi Lâm-toē. ²A-pek-lân ê gū, gūn, kim chin-choē. ³I tui Lâm-toē chāim-chiām khi Pek-ték-lī, kàu Pek-ték-lī kap Ai ê tiong-kan, chá-chêng tah pò·-pīⁿ ê só·-chāi; kàu i khí-thâu khí toāⁿ ê só·-chāi; A-pek-lân tī-hia kiū-kiò Iâ-hô-hoa ê miâ. ⁵Kap A-pek-lân tâng kiáⁿ ê Lô-tek iáh

ū iūⁿ-kūn, gū-kūn, pò·pīⁿ. ⁶Hit ê toē chiū boē iōng-ún--tit in saⁿ-kap khiā; in-ūi in ê chài-bút choē, in chiah boē-oē saⁿ-kap khiā. ⁷A-pek-lân ê bók-chiá kap Lô-tek ê bók-chiá saⁿ-chiⁿ; tng-sī Ka-lâm lāng kap Pí-lī-sé lāng tī hit ê toē khiā-khí. ⁸A-pek-lân ká Lô-tek kóng, Lí goá m̄-thang oan-ke, lí ê bók-chiá kap goá ê bók-chiá iáh m̄-thang oan-ke; in-ūi lán sī kut-jiók ê chhin. ⁹Choân-toē kiám bô tī lí ê bók-chiu-chêng mah? chhiáⁿ lí lī-khui goá; lí tò-pêng, goá chiū chiāⁿ-pêng; lí chiāⁿ-pêng, goá chiū tò-pêng. ¹⁰Lô-tek kiáh-bák khoàⁿ Iok-tàn hô it-phiàn ê Píⁿ-iūⁿ, tít-kàu Sók-jíⁿ ê lô, lóng chin lūn-ték; hit ê toē tī Iâ-hô-hoa bē biát Sók-to-má Gô-mô-láh í-chêng, chhin-chhiūⁿ Iâ-hô-hoa ê hng, iáh chhin-chhiūⁿ Ai-kip ê toē. ¹¹Tùi án-ni Lô-tek keng Iok-tàn hô it-phiàn ê Píⁿ-iūⁿ, chhian-soá khi tang-sì; in chiū tãi-ke pun-khui. ¹²A-pek-lân khiā-khí Ka-lâm toē, Lô-tek khiā-khí Píⁿ-iūⁿ chiah ê siāⁿ; soá i ê pò·pīⁿ kàu Sók-to-má. ¹³Sók-to-má lāng kék-pháiⁿ, toā-toā tek-choē Iâ-hô-hoa.

¹⁴Lô-tek lī-piát liáu-āu, Iâ-hô-hoa tùi A-pek-lân kóng, Lí kiáh-bák, tùi lí só· tiàm ê só·chāi, òng tang sai lām pak lāi khoàⁿ; ¹⁵in-ūi lí só· khoàⁿ-kìⁿ it-chhè ê toē, Goá lóng beh hō· lí, kap lí ê hō·-è, tít-kàu éng-oán. ¹⁶Goá iáh beh hō· lí ê hō·-è chhin-chhiūⁿ toē-chiūⁿ ê thô·soa; lāng nā oē sng toē-chiūⁿ ê thô·soa, chiah oē sng lí ê hō·-è. ¹⁷Lí khi-lāi piàn-kiāⁿ chit ê toē ê hoaiⁿ-tít, in-ūi Goá beh chiong chit ê toē hō· lí. ¹⁸A-pek-lân chiū poaⁿ-soá pò·pīⁿ kàu Hi-pek-lūn, óa Bān-lī hiah ê siōng-chhiū khiā-khí; tī-hia ūi Iâ-hô-hoa khi chit chō toāⁿ.

14 Tng Àm-láh-hui choē Sī-ná ông, A-liók choē Í-láh-sat ông, Ki-tāi-ló-má choē Í-

lân ông, Thê-tát choē Ko-in ông ê sī, ²in lāi kong-kek Sók-to-má ông Pí-láh, Gô-mô-láh ông Pí-sa, Ap-má ông Sī-láp, Sé-phian ông Sī-bí-piát, í-klp Pí-láh ông (Pí-láh chiū-sī Sók-jíⁿ). ³In lóng chū-hoē tī Se-têng ê soaⁿ-kok; Se-têng soaⁿ-kok chiū-sī Iām-hái. ⁴In hók-sāi Ki-tāi-ló-má chấp-jī nī kú; kàu chấp-saⁿ-nī poē-poān. ⁵Cháp-si--nī Ki-tāi-ló-má, kap tâng hoē-bêng chiah ê ông, lóng lāi, tī A-ték-lút-ka-lêng thài-iāⁿ Lí-hoát-im lāng, tī Hām So·se lāng, tī Sa-bi-ki-liát-têng Í-bí lāng, tī Hô-lī lāng ê Se-jíⁿ soaⁿ Hô-lī lāng, kàu kūn tī khòng-iá ê Í-lék-pa-lân. ⁷In tò-túg kàu An-bit-pa, chiū-sī Ka-te-su, kong-kek A-má-lék choân-toē, kap khiā-khí tī Hap-sé-sūn-tha-má ê A-mô·lī lāng. ⁸Tùi hit-tiáp Sók-to-má ông, Gô-mô-láh ông, Ap-má ông, Sé-phian ông, Pí-láh ông, (Pí-láh chiū-sī Sók-jíⁿ), lóng chhut-lāi tī Se-têng ê soaⁿ-kok pài-tīn, kap in kàu-chiàn; ⁹chiū-sī kap Í-lân ông Ki-tāi-ló-má, Ko-in ông Thê-tát, Sī-ná ông Àm-láh-hui, Í-láh-sat ông A-liók kau-chiàn; sī ê ông tùi-ték gō· ê ông. ¹⁰Se-têng soaⁿ-kok lóng sī chiòh-iū khiⁿ; Sók-to-má Gô-mô-láh chiah ê ông tô-cháu, poáh tī-hia; kī-ū--ê cháu chiūⁿ-soaⁿ. ¹¹In chiū chiong Sók-to-má Gô-mô-láh ê chài-bút, í-klp in ê kan-niū lóng chhiúⁿ, choē in khi. ¹²Koh chiong A-pek-lân ê tít Lô-tek, kap i ê chài-bút chhiúⁿ-khi; hit-sī Lô-tek toà tī Sók-to-má.

¹³Ū chit ê tô-cháu ê lāng lāi ká Hi-pek-lāi lāng A-pek-lân kóng; hit-sī A-pek-lân khiā-khí tī A-mô·lī lāng Bān-lī ê siōng-chhiū hit só·chāi, Bān-lī kap Í-sít-kok kap A-nái lóng sī hiaⁿ-tī, ū kap A-pek-lân liân-bêng. ¹⁴A-pek-lân thiaⁿ-kìⁿ i ê tít hō· lāng liáh--khi, chiū chhoā seng-ióng tī i ê ke--nih cheng-liān ê chòng-teng, saⁿ-pah chấp-poeh lāng, tui-jip kàu Tàn. ¹⁵I kap i ê lô-pók thau-mī pun-

tui, kong-kek--in; tui kàu Tāi-má-sek tò-pêng ê Hô-pa. ¹⁶Chiong it-chhè ê chài-bút chhiúⁿ tò-túg, liân i ê tit-á Lô-tek kap i ê chài-bút, í-kíp hū-lú peh-siⁿ, iah lóng chhiúⁿ tò-túg.

¹⁷A-pek-lân thài-iāⁿ Ki-tāi-ló-má, í-kíp kap i choè-tīn chiaⁿ ê ông, tò--lâi ê si, Sô-to-má ông chhut-lâi, kàu Sa-bí ê soaⁿ-kok, ngiā-chih i; Sa-bí ê soaⁿ-kok chiū-sī Ông ê soaⁿ-kok. ¹⁸Iah ū Sat-léng ông Bèk-ki-sé-tek toà piáⁿ kap chiú chhut-lâi; i sī Chì-koāiⁿ Siōng-tè ê chè-si; ¹⁹chiok-hok i kóng, Goān thiⁿ-toē ê Chú, Chì-koāiⁿ ê Siōng-tè sù-hok A-pek-lân. ²⁰Chì-koāiⁿ ê Siōng-tè chiong tui-ték kau tī lí ê chhiú, eng-kai o-ló I. A-pek-lân chiong lóng-chóng só tit-tiòh--ê, chấp-hūn thèh chit-hūn hō i. ²¹Sô-to-má ông ká A-pek-lân kóng, Chiong lāng kui goá; mih lóng hō lí. ²²A-pek-lân ká Sô-to-má ông kóng, Goá ū kí thiⁿ-toē ê Chú Chì-koāiⁿ ê Siōng-tè Iā-hô-hoa lâi chiū-choā, ²³hoān-nā lí ê mih, chiū chit tiâu soaⁿ chit tiâu oē-toà, goá lóng m̄-thèh, bián-tit lí kóng, Goá hō A-pek-lân hó-giáh; ²⁴chí-ū siàu-liân lāng só chiah ê, í-kíp kap goá tâng-kiāⁿ ê lāng A-nái, Í-sit-kok, Bān-lī, só eng-tit ê hūn-giáh, thang chhut-chāi in thèh.

15 Chiaⁿ ê tãi-chì liáu-āu, Iā-hô-hoa ê oē tī iⁿ-siōng-tiong līm-kàu A-pek-lân, kóng, A-pek-lân ah, lí m̄-bián kiaⁿ, Goá sī lí ê tīn-pāi, sī lí kék-toā ê pò-siúⁿ. ²A-pek-lân kóng, Chú Iā-hô-hoa ah, Lí beh hō goá sím-mih, goá í-keng bô kiáⁿ; sêng-chiap goá ê ke-giáp--ê, chiū-sī Tāi-má-sek lāng Í-lī-í-siā? ³A-pek-lân koh kóng, Lí bô hō goá ū hō--ê, hit ê siⁿ tī goá ke-lāi--ê sī goá ê hō-sū. ⁴Iā-hô-hoa koh līm-kàu, ká i kóng, Chit-lāng m̄-sī beh choè lí ê hō-sū; tui lí pún-sin chhut--ê, chiaⁿ sī choè lí ê hō-sū. ⁵Chiū chhoā i chhut-khì goā-bīn kóng, Lí khoàⁿ thiⁿ, sng hiah ê chhiⁿ, lí

sng oē liáu á-boē; koh tui i kóng, Lí ê hō--ê iah beh chhin-chhiūⁿ án-ni. ⁶A-pek-lân sìn Iā-hô-hoa; I chiū ká i sng choè gī. ⁷Koh tui i kóng, Goá sī Iā-hô-hoa, bat choā lí chhut Ka-lék-tí ê Jíⁿ siāⁿ, ūi-tiòh beh chiong chit ê toē hō lí choè-giáp. ⁸A-pek-lân kóng, Chú Iā-hô-hoa ah, goá cháiⁿ-iūⁿ oē chai beh tit-tiòh chit ê toē choè-giáp ah? ⁹I ká i kóng, Lí ká Goá chú chit-chiah saⁿ-nī bú ê gū, chit-chiah saⁿ-nī bú ê soaⁿ-iūⁿ, chit-chiah saⁿ-nī kang ê mī-iūⁿ, chit-chiah ka-chui, chit-chiah chíⁿ-á. ¹⁰I chiū chú chiaⁿ ê mih lâi, ták-iūⁿ tui-tiong phoà-khui choè nng-pêng, chit-pêng kap hit-pêng pāi saⁿ-tùi; chí-ū chiáu bô phoà-khui. ¹¹Ū eng-chiáu lōh--lâi tī sí ê cheng-siⁿ ê téng-bīn; A-pek-lân chiū koáⁿ i khi. ¹²Jit beh lōh ê si, A-pek-lân khùn tâng-bīn; hut-jiân ū chin o--àm ê toā kiaⁿ-hiāⁿ kàu tī i. ¹³Iā-hô-hoa tui A-pek-lân kóng, Lí tek-khak tiòh chai, lí ê hō--ê beh chhut-goā tī pát-lāng ê toē, koh hók-sāi hit-ūi ê lāng; hit-ūi ê lāng beh khó-chhó in sì-pah nī. ¹⁴In só beh hók-sāi ê kok, Goá beh pān in; āu-lâi in beh toà choē-choē chài-bút tui-hia chhut-lâi. ¹⁵Lí beh an-jiân tò-chó, chiah tng-hè-siū, hō lāng bāi-chòng. ¹⁶Kàu tē-si tãi, in beh tò--lâi chia; in-ūi A-mô-lī chók ê choē iáu-bē koān-boán. ¹⁷Jit-lōh thiⁿ-àm, ū chhut ian ê lô, kap teh-tóh ê hé-pé, tui hiah ê phoà-pêng ê bah keng-kè. ¹⁸Tng hit-jit Iā-hô-hoa kap A-pek-lân līp-iok, kóng Goá ū chiong chit ê toē, tui Ai-kíp hô kàu hit ê toā-hô, chiū-sī Pek-lat hô, hō lí ê hō--ê; ¹⁹chiū-sī Ki-nī, Ki-nī-sé, Kah-mô-nī, Hek, Pí-lī-sé, Lí-hoát-im, A-mô-lī, Ka-lām, Kek-ka-sat, Iā-pò-su, chiaⁿ ê chók ê toē.

16 A-pek-lân ê bó Sat-lāi bô ká i siⁿ-kiáⁿ; i ū chit ê lú-pī miā Hā-kah; sī Ai-kíp lāng. ²Sat-lāi ká A-pek-lân kóng, Iā-hô-hoa

kìm goá siⁿ-kiáⁿ; chhiáⁿ lí kap goá ê lú-pī tâng-pâng; kiám-chhái goá thang tùi i tit-tiòh gín-á. A-pek-lân thiaⁿ-thàn Sat-lāi ê oē. ³Tùi hit-tiáp A-pek-lân ê bó· Sat-lāi chiong i ê lú-pī Ai-kíp lāng Hā-kah hō· i tiōng-hu A-pek-lân choē-bó·; hit-sī A-pek-lân í-keng toà Ka-lâm chấp nī. ⁴I kap Hā-kah tâng-pâng, Hā-kah chiū hoai-in; i chai ka-kī ū-sin, chiū khoàⁿ-khin chú-bú. ⁵Sat-lāi ká A-pek-lân kóng, Goá ê oan-óng kui tī lí; goá chiong goá ê lú-pī hē tī lí ê sim-hoai-tiong; i khoàⁿ ka-kī ū-sin, chiū khoàⁿ-khin goá; goān Iā-hô-hoa tī lí goá ê tiōng-kan phoàⁿ-toàn. ⁶A-pek-lân tùi Sat-lāi kóng, Lí ê lú-pī tī lí ê chhiú, lí thang sūi-ì khoán-thāi i. Sat-lāi khó·-chhó· i, i chiū tùi Sat-lāi ê bīn-chêng tô-cháu. ⁷Iā-hô-hoa ê sù-chiá tú-tiòh i tī không-iá ê chú-choāⁿ-piⁿ; hit ê chú-choāⁿ tī Su-jí^m ê lō·-chiūⁿ. ⁸Tùi i kóng, Sat-lāi ê lú-pī Hā-kah, lí tùi tah-lòh lāi? beh tah-lòh khi? I kóng, Goá tùi goá ê chú-bú Sat-lāi ê bīn-chêng cháu-chhut-lāi. ⁹Iā-hô-hoa ê sù-chiá tùi i kóng, Lí tò--khi lí ê chú-bú hia, hāng-hók tī i ê chhiú-ē. ¹⁰Iā-hô-hoa ê sù-chiá koh tùi i kóng, Goá beh hō· lí ê hō·-è kék-kí choē, sīm-chi boē-sng--tit. ¹¹Iā-hô-hoa ê sù-chiá koh tùi i kóng, Lí taⁿ hoai-in, beh siⁿ chit ê kiáⁿ, tiòh ká i hō miâ Í-sit-má-lī, in-ūi Iā-hô-hoa thiaⁿ-kìⁿ lí ê khó·-chêng. ¹²I choē lāng beh chhin-chhiūⁿ iá-lū, i ê chhiú beh kong-kek chêng-lāng, chêng-lāng ê chhiú beh kong-kek i; i beh khiā-khi tī chêng hiaⁿ-tī ê thau-chêng. ¹⁸Hā-kah chiū chheng hit ê tùi i kóng oē ê Iā-hô-hoa ê miâ kóng, Lí sī khoàⁿ-kìⁿ ták-hāng ê Siōng-tè; in-ūi kóng, Liân tī chia goá iah khoàⁿ-kìⁿ hit ê khoàⁿ-kìⁿ goá ê mah? ¹⁴Só·-í chit ê chí^m miâ-kiò Pí-jíⁿ-láh-hái-lāi, chiū-sī Ka-te-su kap Pa-liát ê tiōng-kan. ¹⁵Āu-lāi Hā-kah ká A-pek-lân siⁿ chit ê

kiáⁿ; A-pek-lân ká i ê kiáⁿ hō miâ kiò Í-sit-má-lī, chiū-sī Hā-kah só· siⁿ--ê. ¹⁶Hā-kah ká A-pek-lân siⁿ Í-sit-má-lī ê sī, A-pek-lân poeh-cháp-lák hē.

17 A-pek-lân káu-cháp-káu hē ê sī, Iā-hô-hoa tùi A-pek-lân hián-hián, ká i kóng, Goá sī choān-lêng ê Siōng-tè, lí tī Goá ê bīn-chêng kiāⁿ-choē tiòh oan-choān. ²Goá beh kap lí líp Goá ê iok, hō· lí ê hō·-è kék-kí choē. ³A-pek-lân chiū phak-lòh tī toē--nih; Siōng-tè koh kap i kóng-oē, kóng, ⁴Goá kap lí líp Goá ê iok, lí beh choē choē-choē kok ê pē. ⁵Tùi taⁿ í-āu, lí ê miâ bô koh kiò-choē A-pek-lân, sī beh kiò-choē A-pek-láh-hán, in-ūi Goá í-keng líp lí choē choē-choē kok ê pē. ⁶Goá beh hō· lí ê hō·-è kék-kí choē, kok-tō· tùi lí lāi líp, kun-ông tùi lí lāi chhut. ⁷Goá beh kap lí, í-kíp lí lèk-tāi ê hō·-è, siat-líp Goá ê iok choē éng-oán ê iok; sī beh choē lí kap lí ê hō·-è ê Siōng-tè. ⁸Goá beh chiong lí hián-chāi chhut-goā ê toē, chiū-sī Ka-lâm choān-toē, siúⁿ-sù lí kap lí ê hō·-è, choē éng-oán ê giáp; Goá iah beh choē in ê Siōng-tè. ⁹Siōng-tè koh tùi A-pek-láh-hán kóng, Lí kap lí ê hō·-è tiòh lèk-tāi chun-siú Goá ê iok. ¹⁰Lín tiōng-kan só· ū ê ta-po·--ê, lóng tiòh siū kat-lé; che chiū-sī Goá kap lí í-kíp lí ê hō·-è só· líp ê iok, sī lín só· tiòh chun-siú--ê. ¹¹Lín tiòh koah lín iōng-bút ê phê; che sī beh choē Goá kap lín só· líp ê iok ê kì-hō. ¹²Lín lèk-tāi ê ta-po·--ê, bô-lūn ke-lāi siⁿ--ê, á-sī lí ê hō·-è í-goā, ēng gūn tùi goā-bīn lāng boē--ê, í-keng chhut-si poeh-jit, lóng tiòh siū kat-lé. ¹³Lí ke-lāi siⁿ--ê, kap lí ēng gūn boē--ê, lóng tek-khak tiòh siū kat-lé; án-ni Goá ê iok beh hē tī lín ê sin-chiūⁿ, choē éng-oán ê iok. ¹⁴Bô siū kat-lé ê ta-po·--ê, i sin-khu kì-jian bô siū kat-lé, sī poē Goá ê iok; tek-khak tùi peh-siⁿ ê tiōng-kan tū--khi.

¹⁵Siōng-tè koh tui A-pek-láh-hán kóng, Lí ê bó· Sat-lāi, m̄-thang koh kiò i ê miâ Sat-lāi; i ê miâ beh kiò-choè Sat-láh. ¹⁶Goá beh sù-hok i, goá iáh beh hō· lí tui i tit-tiòh chit ê kiáⁿ; Goá beh sù-hok i, i iáh beh choè liát-kok ê lāu-bú; beh ū pang-kok ê ông tui i chhut. ¹⁷A-pek-láh-hán chiū phak--teh chhiò, sim-lāi kóng, Chit-pah hē ê lāng iáu oē siⁿ-kiáⁿ mah? Sat-láh í-keng káu-cháp hē, iáu oē seng-ióng mah? ¹⁸A-pek-láh-hán tui Siōng-tè kóng, Tân goān Í-sit-má-lī oah tī Lí ê bīn-chêng. ¹⁹Siōng-tè kóng, M̄-sī lah, lí ê bó· Sat-láh beh kā lí siⁿ chit ê kiáⁿ, lí beh kā i hō-miâ kiò Í-sat; Goá beh kap i siat-líp Goá ê iok, choè i ê hō·-è éng-oán ê iok. ²⁰Lūn-kàu Í-sit-má-lī, Goá iáh thiaⁿ lí kiū; lí khoàⁿ, Goá í-keng sù-hok i, beh hō· i heng-ōng, ke-thiⁿ kék-kí choē. I beh siⁿ cháp-jī ê chók-tiúⁿ, Goá iáh beh hō· i chiāⁿ-choè toā-kok. ²¹Kàu mē-nī chit-sī, Sat-láh beh kā lí siⁿ Í-sat; Goá beh kap i siat-líp Goá ê iok. ²²Siōng-tè kap A-pek-láh-hán kóng soah, chiū lī-khui i chiūⁿ--khì. ²³Tú-tú hit-jit, A-pek-láh-hán chiàu Siōng-tè só· kā i kóng--ê, kā i ê kiáⁿ Í-sit-má-lī, kap A-pek-láh-hán ke-lāi it-chhè ê ta-po·lāng, bô-lūn tī ke-nih siⁿ--ê, á-sī ēng i ê gūn boé--ê lóng kiāⁿ kat-lé. ²⁴A-pek-láh-hán siū kat-lé ê sī káu-cháp-káu hē; ²⁵i ê kiáⁿ Í-sit-má-lī siū kat-lé ê sī cháp-saⁿ hē. ²⁶Tú-tú hit jit A-pek-láh-hán kap i ê kiáⁿ Í-sit-má-lī tâng siū kat-lé. ²⁷Ke-lāi só·-ū ê lāng, bô-lūn tī ke-nih siⁿ--ê, á-sī ēng gūn tui goā-bīn lāng boé--ê, lóng kap i tâng siū kat-lé.

18 Iā-hô-hoa tī Bān-lī ê siōng-chhiū hia, tui A-pek-láh-hán chhut-hiān; hit-sī jit tng joah; A-pek-láh-hán chē tī pò·pīⁿ m̄ng-kháu; ²kiáh-bák khí-lāi khoàⁿ, khoàⁿ-kìⁿ saⁿ lāng tī tui-bīn teh khiā; i chit-ē khoàⁿ-kìⁿ, chiū

tui pò·pīⁿ m̄ng-kháu, cháu khi ngiā-chih in, phak tī toē--nih, kóng, goá ê chú, goá nā tī lí ê bīn-chêng tit-tiòh un-tián, kiū lí m̄-thang lī-khui lô·pók choè lí khi; ⁴iōng-ún thēh tām-pòh chú, hō· lín soé-kha; chhiáⁿ hioh-khùn tī chhiū-kha; ⁵goá koh thēh tām-pòh piáⁿ, hō· lín tiám-sim; jiān-āu chìn-chêng khi; in-ūi lín sī ūi-tiòh án-ni, chiah kàu lín ê lô·pók chia. In kóng, Thang chiàu lí ê oē khi kiáⁿ. ⁶A-pek-láh-hán koáⁿ-kín jlp pò·pīⁿ, kìⁿ Sat-láh kóng, Lí kín-kín ēng saⁿ sè-a ê mī-hún, noá choè piáⁿ. ⁷A-pek-láh-hán koh cháu kàu gū-kūn ê só·-chāi, khan chit chiah chíⁿ koh hó ê gū-á lāi; kau hō· lô·pók, i chiū koáⁿ-kín khi pī-pān. ⁸A-pek-láh-hán koh thēh lin-iū kap lín, kap só· pī-pān ê gū-á lāi, pāi tī in ê bīn-chêng; ka-kī tī chhiū-kha khiā tī in ê sin-piⁿ; in chiū chiah. ⁹In kā i kóng, Lí ê bó· Sat-láh tī tah-lòh? I kóng, Tī pò·pīⁿ-lāi. ¹⁰In tiong-kan chit-ê kóng, Kàu-kī Goá tek-khak beh koh lāi lí chia; lí ê bó· Sat-láh beh siⁿ chit ê kiáⁿ. Sat-láh tī āu-bīn, pò·pīⁿ m̄ng-kháu, teh thiaⁿ. ¹¹A-pek-láh-hán kap Sat-láh nī-hē í-keng lāu; Sat-láh ê gēh-keng í-keng choát. ¹²Sat-láh sim-lāi chhiò kóng, Goá í-keng soe-lám, goá ê chú iáh lāu-lah; kiám iáu ū chit-hō ê hoaⁿ-hí? ¹³Iā-hô-hoa tui A-pek-láh-hán kóng, Sat-láh ūi siáⁿ-sū chhiò, kóng, Goá í-keng lāu, kó-chin oē siⁿ-kiáⁿ mah? ¹⁴Kiám Iā-hô-hoa ū choè-boē-lāi ê sū mah? Kàu-kī, mē-nī chit-sī, Goá beh koh lāi lí chia, Sat-láh beh siⁿ chit ê kiáⁿ. ¹⁵Sat-láh kiaⁿ, m̄-jīm, kóng, Goá bô chhiò. Hit-lāng kóng, Bô-iaⁿ; lí sit-chāi ū chhiò.

¹⁶Hiah ê lāng chiū tui hia khí--lāi, òng Só·to-má khi; A-pek-láh-hán iā kap in saⁿ-kap kiáⁿ, beh sàng in chit-chām. ¹⁷Iā-hô-hoa kóng, Goá só· beh choè ê sū, kiám thang tui

A-pek-láh-hán ún-khèng mah? ¹⁸In-ūi A-pek-láh-hán tek-khak beh chiāⁿ-choè kiông-toā ē kok, toē-chiūⁿ bân-kok beh in-ūi i lâi tit-tiòh hok-khì. ¹⁹Goá bat i, sī beh hō· i bēng-lēng i ē kiáⁿ kap i ē ke-koàn; hō· in tng-tng siú Iâ-hô-hoa ē tō-lí, péng-kong kiāⁿ-gī; tì-kàu Iâ-hô-hoa chí A-pek-láh-hán só· kóng ē oē, lóng kui hō· i. ²⁰Iâ-hô-hoa kóng, Só·-to-má, Gô-mô-láh hoah-hiàm ē siaⁿ chin-toā, in ē choē-ok sít-chāi tâng. ²¹Goá taⁿ beh lóh--khì, khoàⁿ in só· kiāⁿ--ê, kó-jiân it-chīn chiàu Goá só· thiaⁿ ē siaⁿ á bô; nā bô án-ni, Goá iáh oē chai.

²²Hiah ē lāng tui-hia oát-túg-sin, òng Só·-to-má khì; A-pek-láh-hán iáu khiā tī Iâ-hô-hoa ē bīn-chēng. ²³A-pek-láh-hán kūn-chēng lâi kóng, Hó-lāng kap pháiⁿ-lāng, Lí lóng beh châu-biát mah? ²⁴Siat-sú siāⁿ-lāi ū gō·-cháp ē hó-lāng, Lí iū-goân beh châu-biát hit só·-chāi mah? bô-beh ūi-tiòh siāⁿ-lāi chí gō·-cháp ē hó-lāng, lâi sià-bián in mah? ²⁵Goân Lí koat-toàn bô án-ni kiāⁿ, chiong hó-lāng kap pháiⁿ-lāng choè-chit-ē hāi-sí; tì-kàu hó-lāng kap pháiⁿ-lāng saⁿ-tâng; goân Lí koat-toàn bô án-ni kiāⁿ; sím-phoàⁿ choân-toē ē Chú kiám bô kiāⁿ kong-gī mah? ²⁶Iâ-hô-hoa kóng, Goá nā tī Só·-to-má siāⁿ-lāi tú-tiòh ū gō·-cháp ē hó-lāng, Goá chiū ūi-tiòh in ē iân-kò· khoan-iông hit só·-chāi. ²⁷A-pek-láh-hán in kóng, Goá sui-jiân sī hé-hu thô·-hún, iáu-kú káⁿ tui Chú kóng-oē; siat-sú chiah ē gō·-cháp ē hó-lāng khiàm gō·-ê; Lí chiū in-ūi khiàm gō·-ê, châu-biát choân-siāⁿ mah? I kóng, Goá tī-hia nā tú-tiòh ū sî-cháp-gō· ê, iáh bô beh châu-biát. ²⁹A-pek-láh-hán koh tui I kóng, Siat-sú tī-hia tú-tiòh sî-cháp-ê--nih? I kóng, Ūi-tiòh chiah ē sî-cháp-ê ē iân-kò·, Goá iáh bô beh choè chit ē sū. ³⁰I koh kóng, Kiū Chú bôh-

tit siū-khì, goá beh koh kóng; siat-sú tī-hia nā tú-tiòh saⁿ-cháp-ê--nih? I kóng, Goá tī-hia nā tú-tiòh ū saⁿ-cháp-ê, Goá iáh bô beh choè chit ē sū. ³¹I kóng, Goá iáu-kú káⁿ tui Chú kóng; siat-sú tī-hia tú-tiòh ū jī-cháp-ê--nih? I kóng, Ūi-tiòh chiah ē jī-cháp-ê ē iân-kò·, Goá iáh bô beh châu-biát. ³²I kóng, Kiū Chú bôh-tit siū-khì, goá koh kóng chí chit-pái; siat-sú tī-hia tú-tiòh ū cháp-ê--nih? I kóng, Ūi-tiòh chiah ē cháp-ê ē iân-kò·, Goá iáh bô beh châu-biát. ³³Iâ-hô-hoa kap A-pek-láh-hán kóng bēng-pék, chiū chiūⁿ--khì. A-pek-láh-hán iáh tò-khì i ē só·-chāi.

19 Jit-àm, hit nng ē sù-chiá kàu Só·-to-má; Lô-tek chē tī Só·-to-má siāⁿ-mng--nih; Lô-tek khoàⁿ-kìⁿ in, chiū khí-lâi ngiā-chih in; kiok-kiong bīn òng toē, kóng, ²Goá ē chú ah, chhiáⁿ oat lâi lô·-pók ē chhù hiòh-mî, soé-kha; bīn-á-chá-khí khí-lâi, kiāⁿ lín ē lô·. In kóng, M-bián; goán beh tī toā koe-bīn kè-mî. ³Lô-tek chhiat-chhiat chhiáⁿ in; in chiah oát-túg-kha, oat-jíp i ē chhù; Lô-tek ūi in pī-pān iân-siáh, pek bû-kàⁿ-piáⁿ; in chiū chiah. ⁴In iáu-bē khì khùn, siāⁿ-lāi ē lāng, chiū-sī Só·-to-má lāng, tui siàu-liân kàu lâu, sî-bīn lâi ūi i ē chhù; ⁵kiò Lô-tek kóng, Kin-àm kàu lí chia ē lāng tī tah-lóh? hō· in chhut-lâi, chiàu goán só· ài choè. ⁶Lô-tek chhut-khì kàu mng-goā, chēng-lāng hia, chiū chiong mng koaiⁿ--teh; ⁷kóng, Hiaⁿ-tī ah, chhiáⁿ lín bôh-tit choè chit-hō pháiⁿ; lí khoàⁿ, goá ū nng ē cha-bó·-kiáⁿ, iáu sī chāi-sek-lú; iông-ún goá chhoā--chhut-lâi, chhut-chāi lín só· ài lâi kiāⁿ; tók-tók chí nng-lāng, í-keng kàu goá ē chhù, m-thang tui in choè sím-mih. ⁹Chēng-lāng kóng, Lí thè--khì. Koh kóng, Chit-lāng kià-ku tī chia, soà beh koán-hat goán mah? taⁿ goán beh hāi lí pí hāi in khah siông-tiōng. Chiū

oe-khoeh Lô-tek, chìn-chêng beh kong-phoà i ê mng. ¹⁰Chóng-sī hit nng-lâng chhun-chhiú khan Lô-tek jlp chhù, chiong mng koaiⁿ--khì. ¹¹Koh hō· nng-goā ê lâng, tui soè kàu toā, bák-chiu ian-n̄g, lóng boē khoàⁿ-kìⁿ; chhē kàu siān chhē bô mng.

¹²Hit nng-lâng tui Lô-tek kóng, Lí tī chia iáu ū sím-mih lâng? hék-sī kiáⁿ-sài, hék-sī kiáⁿ, hék-sī cha-bó·-kiáⁿ, í-kíp siáⁿ-lâi it-chhè siók lí ê lâng; lí tiòh hō· in lóng chhut chit só·-chāi. ¹³In-ūi goán beh châu-biát chit ê só·-chāi, sī ūi-tiòh in hoah-hiām ê siaⁿ tī Iâ-hô-hoa ê bīn-chêng chin-toā; Iâ-hô-hoa chhe goán lâi beh châu-biát--i. ¹⁴Lô-tek chhut-khì, tui chhoā i ê cha-bó·-kiáⁿ ê kiáⁿ-sài kóng, Lín khí-lâi, lī-khui chia; in-ūi Iâ-hô-hoa beh biát-bô chit ê siáⁿ; i ê kiáⁿ-sài liáh-choè i sī kóng-chhiò. ¹⁵Thiⁿ-kng sù-chiá chhui-pek Lô-tek kóng, Khí--lâi, chhoā lí ê bó·, í-kíp lí tī chia nng ê cha-bó·-kiáⁿ khì; kiaⁿ-liáu kap chit ê siáⁿ ê choē-ok saⁿ-kap siū biát-bô. ¹⁶Lô-tek iân-chhiân; hit nng-lâng, in-ūi Iâ-hô-hoa lín bín Lô-tek, chiū khan i ê chhiú, kap i ê bó· ê chhiú, kap i nng ê cha-bó·-kiáⁿ ê chhiú, chiong i chhoā-chhut, an-tì tī siáⁿ-goā.

¹⁷Chhoā in chhut-khì liáu, kóng, Lí tiòh tô-miā, m̄-thang oát-thâu khoàⁿ, iáh m̄-thang toà tī Pīⁿ-iūⁿ; tiòh cháu--khì soaⁿ--nih, kiaⁿ-liáu siū biát-bô. ¹⁸Lô-tek tui in kóng, Goá ê chú ah, m̄-thang án-ni. ¹⁹Lí khoàⁿ, lí ê lô·pók í-keng tit-tiòh un-tián tī lí ê bīn-chêng, lí iáh tui goá hián-chhut kék-toā ê jīn-chū, kiū goá ê sīⁿ-miā; goá boē-oē cháu kàu soaⁿ--nih, kiaⁿ-liáu chit ê chai-ē kàu tī goá, goá chiū sí. ²⁰Lí khoàⁿ, chit ê siáⁿ kūn-kūn thang tô-cháu, iáh sī soè; chhiáⁿ iông-ún goá tô-siám tī-hia, lâi pó-choân goá ê oáh-miā; chit ê siáⁿ kiám m̄-sī soè--ê mah? ²¹I tui i kóng, Chit ê

tāi-chì, goá iáh ún-chún lí; lí só· kóng ê siáⁿ, goá bô beh chia-tó. ²²Lí tiòh kín-kín cháu-khì hia; in-ūi lí iáu-bē kàu hia, goá boē-oē choè sím-mih. In-ūi án-ni hit ê siáⁿ miá-kiò Só·jīⁿ. ²³Lô-tek kàu Só·jīⁿ, jīt í-keng chhut. ²⁴Hit sī Iâ-hô-hoa chiong jiū-n̄g kap hé, tui thiⁿ-téng, tui Iâ-hô-hoa hia, kàng-lóh tī Só·to-má kap Gô-mô·-láh. ²⁵Chiong hiah ê siáⁿ, í-kíp choân Pī-iūⁿ, kap siáⁿ-lâi só·-ū ê peh-sīⁿ, liân toē-bīn-chiūⁿ seng-tióng--ê, lóng hui-hoai. ²⁶Lô-tek ê bó· tī āu-bīn, chit-ē oát-thâu khoàⁿ, chiū pīⁿ-choè chit ki iâm-thiāu. ²⁷A-pek-láh-hán thau-chá khí--lâi, kàu i chêng-jīt khiā tī Iâ-hô-hoa bīn-chêng hit-ūi; ²⁸ng Só·to-má Gô-mô·-láh, kap Pīⁿ-iūⁿ ê choân-toē lâi khoàⁿ; khoàⁿ-kìⁿ hit só·-chāi hé-ian chheng-koaiⁿ, chhin-chhiūⁿ hé-lô· ê ian.

²⁹Tng Siōng-tè châu-biát Pīⁿ-iūⁿ chiah ê siáⁿ ê sī, Siōng-tè siáu-liām A-pek-láh-hán; tú-tú tī chia-tó Lô-tek só· khiā-khí ê siáⁿ ê sī, chiū kah Lô-tek tui chia-tó ê tióng-kan chhut-khì.

³⁰Lô-tek tiām tī Só·jīⁿ kiaⁿ-hiāⁿ; chiū kap i nng ê cha-bó·-kiáⁿ tui Só·jīⁿ chiūⁿ--khì tiām tī soaⁿ--nih; i kap nng ê cha-bó·-kiáⁿ tiām tī chit ê tōng-lâi. ³¹Toā cha-bó·-kiáⁿ tui soè cha-bó·-kiáⁿ kóng, Lán ê lâu-pē lâu-lah, toē-chiūⁿ koh bô lâng kap lán choè phit-phoè, lâi chiàu jīn-tō. ³²Lâi--lah, thang hō· lâu-pē lim chiú, kap i saⁿ-kap khùn; án-ni lán hó thang tui i liū-chūn hō·-è. ³³Hit-mi in hō· lâu-pē lim chiú; toā cha-bó·-kiáⁿ chiū jlp--khì kap lâu-pē saⁿ-kap khùn; i sím-mih sī khì khùn, sím-mih sī khí--lâi, lâu-pē lóng m̄-chai. ³⁴Kè-jīt toā cha-bó·-kiáⁿ ká soè cha-bó·-kiáⁿ kóng, Goá chā-mi kap lâu-pē saⁿ-kap khùn; kin-àm lán koh hō· i lim chiú, lí thang jlp--khì kap i saⁿ-kap khùn. Án-ni, lán hó thang tui lâu-

pē liū-chūn hō·-è. ³⁵Hit-mî in koh hō· lâu-pē lim chiú, soè cha-bó·-kiáⁿ khí--lâi khi kap i khùn; i sím-mih sî khi khùn, sím-mih sî khí--lâi, lâu-pē iáh lóng m̄-chai. ³⁶Án-ni Lô-tek nng è cha-bó·-kiáⁿ lóng tui in lâu-pē lâi hoai-m̄. ³⁷Toā--ê siⁿ kiáⁿ, kiò i è miâ Mô·-ap, chiū-sī hiān-kim Mô·-ap lāng è chó·. ³⁸Soè--ê iáh siⁿ-kiáⁿ, kiò i è miâ Piān-á-bí, chiū-sī hiān-kim A-būn lāng è chó·.

20 A-pek-láh-hán tui-hia chām-chām ñg lâm-hng soà-khi; toà tī Ka-te-su kap Su-jīⁿ è tiong-kan, kià-ku tī Ki-láh-jīⁿ. ²A-pek-láh-hán kóng kàu i è bó· Sat-láh, chiū kóng, Sī goá è sió-bē; Ki-láh-jīⁿ ông A-pí-bí-lèk chhe lāng chiong Sat-láh chhoā--khi. ³Mi-sī, bīn-bāng-tiong, Siōng-tè lâi ká A-pí-bí-lèk kóng, Lí sī kai sí è lāng, in-ūi lí só· chhoā hit è hū-jīn-lāng sī lāng è bó·. ⁴A-pí-bí-lèk iáu-bē chhin-kūn i, chiū kóng, Chú ah, kiáⁿ-gī è peh-siⁿ, Lí iáh beh biát i mah? ⁵Hit-lāng kiám m̄-sī pún-sin tui goá kóng, I sī goá è sió-bē mah? Chiū hū-jīn-lāng iáh pún-sin kóng, I sī goá è hiaⁿ; goá choè chit è sū, sī sim toan-chèng, chhiú chheng-khi. ⁶Siōng-tè tī bāng-tiong tui i kóng, Goá pún chai lí choè chit è sū, sī sim-tiong toan-chèng; Goá chiah chó·-tòng lí, bián-tit lí tek-choē Goá; só·-í Goá bô iông-ún lí bong--tiòh i. ⁷Taⁿ lí tiòh chiong chit lāng è bó· hēng--i, in-ūi i sī sian-ti; i beh thoē lí kī-tó, lí chiah oē oáh; lí nā m̄ hēng--i, lí tiòh chai, lí kap lí só· ū è lāng lóng tit-beh sí. ⁸A-pí-bí-lèk thau-chá khí-lâi, kiò chēng lô·pók lâi, chiong chiah è tãi-chì lóng kóng hō· in thiaⁿ; hiah è lāng lóng chin kiaⁿ. ⁹A-pí-bí-lèk kiò A-pek-láh-hán lâi, tui i kóng, Lí tui goán só· kiáⁿ--ê sī sím-mih sū? goá ū sím-mih tek-choē lí, lí keng-jiân hō· goá kap goá kok-lâi è lāng hām-lóh tâng-choē? lí tui goá kiáⁿ m̄ eng-kai

kiáⁿ è sū. ¹⁰A-pí-bí-lèk koh tui A-pek-láh-hán kóng, Lí khoàⁿ-kìⁿ sím-mih, chiah choè chit è sū? ¹¹A-pek-láh-hán kóng, Goá phah-sùg chit só·-chāi è lāng lóng bô kiaⁿ Siōng-tè; in beh ūi-tiòh goá è bó· è iân-kò· thài-sí goá. ¹²Koh i iáh sít-chāi sī goá è sió-bē, siāng-pē koh-bú, āu-lâi choè goá è bó·. ¹³Tng Siōng-tè kah goá lī-khui lâu-pē è ke, sī-koē kiáⁿ è sī, goá ká i kóng, chiong-lâi lán só· kàu è só·-chāi, chhiáⁿ lí chheng goá kóng, I sī goá è hiaⁿ; che chiū-sī lí khoán-thāi goá è un. ¹⁴A-pí-bí-lèk chiong iūⁿ, gū, lô·pók, lú-pī, hō· A-pek-láh-hán; koh chiong i è bó· Sat-láh hēng--i. ¹⁵A-pí-bí-lèk koh kóng, Lí khoàⁿ, goá è toē lóng tī lí è bīn-chēng, lí thang sūi-ì khiā-khi. ¹⁶Koh ká Sat-láh kóng, Goá hō· lí è hiaⁿ chit chheng gūn, ká lí tui choân-ke choē jia bák-chiu--ê; taⁿ lí tī it-chhè lóng bô put-sī. ¹⁷A-pek-láh-hán kī-tó Siōng-tè; Siōng-tè chiū i-hó A-pí-bí-lèk kap i è bó· kap lú-pī, in chiū oē siⁿ kiáⁿ. ¹⁸In-ūi Iâ-hô-hoa ūi-tiòh A-pek-láh-hán è bó· Sat-láh è iân-kò·, í-keng hō· A-pí-bí-lèk ke-lâi è hū-jīn-lāng boē-oē siⁿ-kiáⁿ.

21 Iâ-hô-hoa chiàu I chēng è oē koân-kò· Sat-láh; tui án-ni Iâ-hô-hoa chiàu I só· kóng--ê ká Sat-láh choè-chiāⁿ. ²A-pek-láh-hán nī-lâu è sī, Sat-láh hoai-m̄; kàu Siōng-tè tui i kóng è jīt-kī, chiū ká i siⁿ chit è kiáⁿ. ³A-pek-láh-hán ká Sat-láh só· siⁿ è kiáⁿ, hō miâ kiò Í-sat. ⁴Í-sat chhut-si poeh-jīt, A-pek-láh-hán chiàu Siōng-tè só· hoan-hù--ê, ká i è kiáⁿ kiáⁿ kat-lé. ⁵I è kiáⁿ Í-sat chhut-si è sī, A-pek-láh-hán chit-pah hē. ⁶Sat-láh kóng, Siōng-tè hō· goá hoaⁿ-hí chhiò; kìⁿ-nā thiaⁿ-kìⁿ--ê, beh kap goá tâng hoaⁿ-hí chhiò. ⁷Koh kóng, Chī-chui oē tãi-seng ká A-pek-láh-hán kóng, Sat-láh beh hō· eⁿ-á suh-leng? in-ūi tī i nī-lâu è sī, goá ká i siⁿ chit è kiáⁿ.

⁸Gín-á chiām-chiām toā, chiū tng-leng; Í-sat tng-leng ê jít, A-pek-láh-hán pài-siat toā iân-siáh. ⁹Tng-sī Ai-kip lâng Hā-kah ká A-pek-láh-hán só· siⁿ ê kiáⁿ teh léng-chhiò, hō· Sat-láh khoàⁿ-kìⁿ; ¹⁰chiū tui A-pek-láh-hán kóng, Tiòh koáⁿ-chhut chit ê lú-pī kap i ê kiáⁿ; in-ūi lú-pī ê kiáⁿ boē-thang kap goá ê kiáⁿ Í-sat tâng choè hō·-sū. ¹¹A-pek-láh-hán in-ūi i ê kiáⁿ ê iân-kò· put-chí iu-būn. ¹²Siōng-tè ká A-pek-láh-hán kóng, Lí m̄-thang ūi-tiòh chit ê gín-á í-kip lí ê lú-pī iu-būn; kìⁿ-nā Sat-láh tui lí kóng ê, lí lóng tiòh thiaⁿ; in-ūi tui Í-sat siⁿ-ê, chiaⁿ beh chheng-choè lí ê hō·-è. ¹³Lūn-kàu lú-pī ê kiáⁿ, Goá iáh beh hō· i chiáⁿ-choè chit-kok, in-ūi i iáh sī lí siⁿ--ê. ¹⁴A-pek-láh-hán chá·chá khí-lâi, theh piáⁿ kap chit phê-tē ê chúi hō· Hā-kah; hē tī i ê keng-thâu-téng; liân gín-á soà kah i khi; i chiū khi, kàu Piát-sī-pa ê không-iá chiū kiáⁿ bô lō·. ¹⁵Phê-tē lâi ê chúi ēng-liáu, Hā-kah chiū chiong gín-á pàng tī soè châng chhiū kha. ¹⁶Pún-sin kiáⁿ-khui, iok-liók chòh chit ki chìn ê hng, saⁿ-tùi-bīn teh chē; kóng, Goá put-jím khoàⁿ gín-á sí; chiū saⁿ-tùi-bīn chē, chhut-siaⁿ toā thi-khau. ¹⁷Siōng-tè thiaⁿ-kìⁿ gín-á ê siaⁿ; Siōng-tè ê sù-chiá tui thiⁿ--nih kiò Hā-kah kóng, Hā-kah, lí ū sím-mih tãi-chì? m̄-bián kiaⁿ; Siōng-tè í-keng thiaⁿ-kìⁿ gín-á tī-hia ê siaⁿ. ¹⁸Khí-lâi, iáh hō· gín-á khí--lâi, khan tī lí ê chhiú; Goá beh hō· i chiáⁿ-choè toā-kok. ¹⁹Siōng-tè khui i ê bák-chiu, i chiū khoàⁿ-kìⁿ chúi-chi^m; chiū chiong phê-tē khi jíp-chúu kàu moá-moá, soà hō· gín-á lim. ²⁰Siōng-tè kap gín-á tī-teh, i chiū chiām-chiām toā; tiàm tī không-iá, chiáⁿ-choè siā-chìn ê lâng. ²¹I khiā-khi tī Pa-lân ê không-iá; i ê lâu-bú tui Ai-kip toē ká i chhoā chit ê bó·.

²²Tng hit-sī A-pí-bí-lèk, kap i ê kun-tiúⁿ

Hui-kok, tui A-pek-láh-hán kóng, Kìⁿ-nā lí só· kiáⁿ ê sū, Siōng-tè kap lí tī-teh. ²³Taⁿ lí tī-chia tiòh kí Siōng-tè kap goá chiū-choā, m̄-thang khi-hū goá, kap goá ê kiáⁿ, í-kip goá ê sun; goá àn-cháiⁿ-iūⁿ hó khoán-thāi lí, lí iáh tiòh chiàu án-ni khoán-thāi goá, í-kip lí só· kiáⁿ-ku ê toē-hng. ²⁴A-pek-láh-hán kóng, Goá beh chiū-choā. ²⁵Cheng A-pí-bí-lèk ê lô·pòk pà-chiām chit kháu chúi-chi^m, A-pek-láh-hán ūi chit ê sū hiām A-pí-bí-lèk. ²⁶A-pí-bí-lèk kóng, Chī-chūi choè chit ê tãi-chì, goá m̄-chai; lí iáh bē ū ká goá kóng, kàu kin-á-jít goá chiaⁿ thiaⁿ-kìⁿ. ²⁷A-pek-láh-hán chiong iūⁿ kap gū hō· A-pí-bí-lèk; nng-lâng chiū saⁿ-kap lip-iok. ²⁸A-pek-láh-hán chiong chhit chiaⁿ bú ê iūⁿ-ko lēng-goā pàng tī chit só·-chāi. ²⁹A-pí-bí-lèk mng A-pek-láh-hán kóng, Lí chiong chhit chiaⁿ bú ê iūⁿ-ko lēng-goā pàng tī chit só·-chāi, sī sím-mih ì-sù? ³⁰In kóng, Lí tiòh tui goá ê chhiú siu chí chhit chiaⁿ bú ê iūⁿ-ko, choè goá khui chit kháu chi^m ê cheng-kù. ³¹Só·-í miá hit só·-chāi kiò Piát-sī-pa, in-ūi in nng-lâng tī-hia ū chiū-choā.

³²In tī Piát-sī-pa lip-iok; A-pí-bí-lèk chiū kap i ê kun-tiúⁿ Hui-kok khí-sin tò--khi Hui-lī-sū toē. ³³A-pek-láh-hán tī Piát-sī-pa chai chit châng sūi-si-liú chhiū; koh tī-hia kiū-kiò Iá-hô-hoa éng-éng tī-teh Siōng-tè ê miá. ³⁴A-pek-láh-hán tī Hui-lī-sū lâng ê toē kiáⁿ-ku choē-choē jít.

22 Chiaⁿ ê tãi-chì í-āu, Siōng-tè chhi A-pek-láh-hán, kiò i kóng, A-pek-láh-hán; i in kóng, Goá tī-chia. ²Siōng-tè kóng, Lí toà lí ê kiáⁿ, chiū-sī lí tòk-siⁿ ê kiáⁿ, lí só· thiáⁿ ê Í-sat, khi Mô·-lī-a ê toē, Goá só· beh chí-sī lí ê soaⁿ; tī-hia chiong i hiàn-choè sio-chè. ³A-pek-láh-hán thau-chá khí--lâi, pī-pān lū, toà i ê nng ê siáu-liân lâng, kap i ê kiáⁿ Í-

sat; iah phoà sio-chè ê chhâ; chiū khí-sin khi Siōng-tè só· chí-sī i ê toē. ⁴Kàu tē-saⁿ jlt, A-pek-láh-hán kiáh-bák hng-hng khoàⁿ hit ê só·chāi. ⁵A-pek-láh-hán tui i ê siàu-liân lāng kóng, Lín kap lū tiām chia theng-hāu, goá kap gín-á khi hia keng-pài, chiū tò--lâi lín chia. ⁶A-pek-láh-hán chiong sio-chè ê chhâ hē tī i ê kiáⁿ Í-sat ê sin-chiūⁿ, ka-kī ê chhiú kiáh hé kap to; tui hit-tiáp nng-lāng saⁿ-kap kiāⁿ. ⁷Í-sat kā i ê lâu-pē A-pek-láh-hán kóng, Pē ah; i kóng, Goá ê kiáⁿ, goá tī chia. I kóng, Lí khoàⁿ, hé kap chhâ lóng ū; chóng-sī sio-chè ê iūⁿ-á tī tah-lòh? ⁸A-pek-láh-hán kóng, Goá ê kiáⁿ, Siōng-tè beh ka-kī pī-pān sio-chè ê iūⁿ-á; tui hit-tiáp nng-lāng saⁿ-kap kiāⁿ.

⁹In kàu Siōng-tè chí-sī i ê só·chāi; A-pek-láh-hán tī-hia khí toāⁿ, chiong chhâ pāi-hó, pāk i ê kiáⁿ Í-sat, hē tī toāⁿ--nih ê chhâ-téng. ¹⁰A-pek-láh-hán chiū chhun-chhiú kiáh-to, beh thāi i ê kiáⁿ. ¹¹Iâ-hô-hoa ê sù-chiá tui thiⁿ kiò i kóng, A-pek-láh-hán, A-pek-láh-hán; i òn kóng, Goá tī chia. ¹²Sù-chiá kóng, Lí m̄-thang tī chit ê gín-á ê sin-chiūⁿ hē-chhiú, iah m̄-thang tui i cháiⁿ-iūⁿ choè; in-ūi goá taⁿ chai lí sī keng-ūi Siōng-tè, iah bô chiong lí ê kiáⁿ, chiū-sī lí tók-siⁿ--ê, lâu--teh, m̄-hō· goá. ¹³A-pek-láh-hán kiáh-bák khoàⁿ, khoàⁿ-kìⁿ āu-bīn ū chit chia iūⁿ-káng, kak tīⁿ tī kui-phō ê chhiū-á; A-pek-láh-hán chiū khi liáh hit chia iūⁿ-káng lâi, hiàn choè sio-chè, lâi thoè i ê kiáⁿ. ¹⁴A-pek-láh-hán miâ hit ê só·chāi kiò Iâ-hô-hoa-í-lék; kàu kin-á-jlt lāng iáu teh kóng, Tī Iâ-hô-hoa ê soaⁿ beh pī-pān. ¹⁵Iâ-hô-hoa ê sù-chiá tē-jī pái tui thiⁿ kiò A-pek-láh-hán kóng, ¹⁶Iâ-hô-hoa kóng, Lí í-keng kiāⁿ chit ê sū, bô lâu lí ê kiáⁿ, chiū-sī lí tók-siⁿ ê kiáⁿ, Goá chiū kí ka-kī chiū-choā kóng, Goá sù-hok beh sù-hok lí, ke-thiⁿ

beh ke-thiⁿ lí ê hō·-è, chhin-chhiūⁿ thiⁿ-téng ê chhiⁿ, hái-piⁿ ê soa; lí ê hō·-è beh tit-tiòh chiah ê tui-ték ê koan-ài. ¹⁸Koh toē-chiūⁿ bān-pang beh in-ūi lí ê hō·-è tit-tiòh hok-khi; in-ūi lí thiaⁿ-thàn Goá ê oē. ¹⁹Tui hit-tiáp A-pek-láh-hán tò--lâi i hiah ê siàu-liân lāng hia; in chiū saⁿ-kap khí-sin khi Piát-sī-pa. A-pek-láh-hán chiū tiām tī Piát-sī-pa.

²⁰Chiah ê tãi-chì liáu-āu, ū lāng kā A-pek-láh-hán kóng, Bít-ka kā lí ê sió-tī Ná-hók siⁿ-kiáⁿ; toā-ê O·su, ²¹sió-tī Pò·su, kap A-lân ê lâu-pē, Ki-bó·lī; ²²kap Ki-siat, Hap-só, Pít-tát, Ek-láh, Pí-thó·lī, (Pí-thó·lī siⁿ Lī-pek-ka). ²³Chí poeh-lāng lóng sī Bít-ka kā A-pek-láh-hán ê sió-tī Ná-hók siⁿ--ê. ²⁴Ná-hók ê soè-î, miâ Liū-má, siⁿ Thê-pat, Ka-hâm, Tha-hat, kap Má-ka.

23 Sat-láh hióng-siū chit-pah jī-cháp-chhit hē; che sī Sat-láh it-seng ê nī-hè. ²Sat-láh sí tī Ka-lâm toē ê Ki-liát-a-pa, chiū-sī Hī-pek-lūn; A-pek-láh-hán lâi, ūi-tiòh Sat-láh ai-siong thi-khau. ³Āu-lâi A-pek-láh-hán tui sí-lāng ê bīn-cheng khí--lâi, kā Hek-lāng kóng, ⁴Goá tī lín tiong-kan sī kià-ku ê chhut-goā lāng; kiū lín tī chia hō· goá chit ê só·chāi choè thióng-toē, thang bài-chòng goá ê sí-lāng, hō· goá bô koh khoàⁿ-kìⁿ i. ⁵Hek-lāng òn A-pek-láh-hán, kā i kóng, ⁶Goá ê chú, chhiáⁿ thiaⁿ; lí tī goán tiong-kan choè Siōng-tè ê bók-pek; chhut-chāi lí tī goán ê thióng-toē-lāi keng tē-it-hó--ê, lâi bài-chòng lí ê sí-lāng; goán bô chit-lāng m̄ iông-ún lí tī i ê thióng-toē-lāi bài-chòng lí ê sí-lāng. ⁷A-pek-láh-hán khí--lâi, tui hit só·chāi ê lāng, chiū-sī Hek-chók, àⁿ-io. ⁸Tui in kóng, Lín nā ū ì-sù beh hō· goá bài-chòng goá ê sí-lāng, hō· goá bô koh khoàⁿ-kìⁿ i, chiū chhiáⁿ thiaⁿ goá, thoè goá kiū Só-hat ê kiáⁿ Í-hut-lūn, chiong i ê chhân-

thâu Bék-pí-láh ê hiát hō· goá; i thang chiàu chiok-giáh ê kè-sò· boē hō· goá; hō· goá tī lín tiong-kan ū giáp thang choē bōng-toē. ¹⁰Tng-sī Í-hut-lún chē tī Hek-lâng ê tiong-kan; tùi hit-tiáp Hek-lâng Í-hut-lún tī it-chhè jlp i ê siáⁿ-m̄ng ê Hek-lâng ê bīn-chêng, ìn A-pek-láh-hán, kóng, ¹¹M̄-bián, goá ê chú thiaⁿ goá; goá beh sàng lí hit khu chhân, lián hit lâi-bīn ê hiát iáh hō· lí; tī goá tâng-chòk ê lêng ê bīn-chêng, goá hō· lí, thang bài-chòng lí ê sí-lâng. ¹²A-pek-láh-hán chiū tī hit só·-chāi ê peh-sìⁿ ê bīn-chêng àⁿ-io; ¹³tī hit só·-chāi peh-sìⁿ ê bīn-chêng, tùi Í-hut-lún kóng, Lí nā khéng, chhiáⁿ thiaⁿ goá; goá beh chiong chhân ê kè-chīⁿ hō· lí, lí tiòh siu; hō· goá thang tī-hia bài-chòng goá ê sí-lâng. ¹⁴Í-hut-lún ìn A-pek-láh-hán kóng, ¹⁵Goá ê chú, chhiáⁿ thiaⁿ goá; chhân tát-tit gūn sì-pah sià-khek-lék, tī lí goá ê tiong-kan, beh sng sím-mih? choē lí bài-chòng lí ê sí-lâng. ¹⁶A-pek-láh-hán thiaⁿ Í-hut-lún ê oē, chiàu i tī Hek-lâng ê bīn-chêng só· kóng--ê, chiong boé-boē thong-ēng ê gūn, phêng sì-pah sià-khek-lék hō· Í-hut-lún.

¹⁷Tùi hit-tiáp Í-hut-lún ê chhân, tī Bék-pí-láh, Bān-lī ê thâu-chêng; hit khu chhân kap hí lâi-bīn ê hiát, kap chhân-lāi í-klp sì-úi it-chhè ê chhiū-bák, ¹⁸tī Hek-chòk lêng kap it-chhè jlp i ê siáⁿ-m̄ng ê lêng ê bīn-chêng, lóng tiāⁿ-tiòh kui hō· A-pek-láh-hán choē giáp. ¹⁹Āu-lāi A-pek-láh-hán chiong i ê bó· Sat-láh bài-chòng tī Ka-lâm toē Bān-lī thâu-chêng ê Bék-pí-láh chhân--nih ê hiát; Bān-lī chiū-sī Hi-pek-lún. ²⁰Tùi án-ni hit khu chhân kap chhân--nih ê hiát, tùi Hek-lâng tiāⁿ-tiòh kui hō· A-pek-láh-hán choē giáp, lâi choē bōng-toē.

24 A-pek-láh-hán hē-siū tng, nī-lāu; Iâ-hô-hoa tī it-chhè ê sū lóng sù-hok hō· A-pek-

láh-hán. ²A-pek-láh-hán tùi i ke-lāi koán-lí choân-giáp ê lāu lô·-pòk kóng, Chhiáⁿ chiong lí ê chhiú hē tī goá ê toā-thúi-ē, goá beh kah lí kí Iâ-hô-hoa, chiū-sī thiⁿ ê Siōng-tè, toē ê Siōng-tè, lâi chiū-choā, goá khiā-khí Ka-lâm lêng ê tiong-kan, lí m̄-thang kā goá ê kiáⁿ chhoā ìn ê cha-bó·-kiáⁿ choē bó·. ⁴Lí tiòh khi goá ê pún-toē pún-chòk, kā goá ê kiáⁿ Í-sat chhoā chit ê bó·. ⁵Lô·-pòk ìn i kóng, Siat-sú cha-bó·-gín-á m̄-khéng tè goá lâi chit só·-chāi, goá chiū tiòh chiong lí ê kiáⁿ toā tò--khi lí só· tùi hia chhut-lâi ê toē mah? ⁶A-pek-láh-hán kā i kóng, Lí tiòh kín-sīm, m̄-thang chhoā goá ê kiáⁿ tò--khi hia; ⁷thiⁿ ê Siōng-tè, Iâ-hô-hoa, bat chhoā goá lī-khui lāu-pē ê ke, kap pún-chòk ê toē, tùi goá kóng-oē, iáh tùi goá chiū-choā kóng, Goá beh chiong chit ê toē siúⁿ-sù lí ê hō·-è; I beh chhe I ê sù-chiá tī lí ê bīn-chêng; lí chiū thang tùi hia kā goá ê kiáⁿ chhoā chit ê bó·. ⁸Siat-sú cha-bó·-gín-á m̄-khéng tè lí lâi, goá kah lí chiū ê choā chiū kap lí bô kan-siáp; tók-tók m̄-thang toā goá ê kiáⁿ tò--khi hia. ⁹Lô·-pòk chiū chiong i ê chhiú hē tī chú-lâng A-pek-láh-hán ê toā-thúi-ē; ūi-tiòh chit ê sū tùi i chiū-choā.

¹⁰Hit ê lô·-pòk tùi i chú-lâng ê lók-tô-tiong, chú chap-chiah lók-tô, soà toā i chú-lâng ták-iūⁿ ê chāi-pó; khí-sin khi Bí-só·-pho-tāi-bí, kàu Ná-hók ê siáⁿ. ¹¹Jit beh àm, cheng cha-bó·-gín-á chhut-lâi chhiūⁿ chú; i chiū hō· lók-tô kúi tī siáⁿ-goā ê chíⁿ-piⁿ. ¹²I kóng, Goá ê chú-lâng A-pek-láh-hán ê Siōng-tè Iâ-hô-hoa ah, kiū Lí si-un hō· goá ê chú-lâng A-pek-láh-hán, hō· goá kin-á-jit ū hó cho-gū. ¹³Goá taⁿ khiā tī chíⁿ-piⁿ, siáⁿ-lāi lêng ê cha-bó·-gín-á teh chhut-lâi chhiūⁿ chú; ¹⁴goá beh tùi chit ê cha-bó·-gín-á kóng, Chhiáⁿ pàng-lòh lí ê chúi-pân, hō· goá lim chú, i nā kóng,

Chhiáⁿ lim, goá iáh beh hō· lí ê lók-tô lim; goān hit ê cha-bó·-gín-á sī Lí só· tiāⁿ-tiòh hō· lí ê lô·-pók Í-sat choè-bó·; án-ni goá chiū chai Lí si-un hō· goá ê chú-lâng. ¹⁵Oē iáu kóng bē soah, Lī-pek-ka keng-thâu pē chú·-pân chhut-lâi, i sī Pí-thó·-lī siⁿ--ê; Pí-thó·-lī sī A-pek-láh-hán ê sio-tī Ná-hók ê bó· Bít-ka ê kiáⁿ. ¹⁶Hit ê cha-bó·-gín-á bīn-māu kék-kí súi, iáu sī chāi-sek-lú, iáh bē-bat ū lâng chhin-kūn i; i lóh-khì chí^m-piⁿ, chhiūⁿ-moá i ê pân chiū khí-lâi. ¹⁷Lô·-pók cháu chìn-chêng ngiá-chih i kóng, Kiū lí chiong pân-lāi ê chúí tām-pòh-á goá lim. ¹⁸Cha-bó·-gín-á kóng, Goá ê chú, chhiáⁿ lim; chiū koáⁿ-kín pàng chú·-pân lóh-lâi, khoà tī chhiū--nih, hō· i lim. ¹⁹Hō· i lim bēng-pék, koh kóng, Goá iáh beh kā lí ê lók-tô chhiūⁿ chúí, hō· in lim kàu-giáh. ²⁰I chiū koáⁿ-kín chiong pân-lāi ê chúí piàⁿ tī chō--nih; koh cháu kàu chíⁿ--nih chhiūⁿ chúí chiū kā i só· ū ê lók-tô chhiūⁿ. ²¹Hit ê lâng chù-bák khoàⁿ--i, tiām-tiām bô kóng-oē, ài chai Iâ-hô-hoa siúⁿ-sù i sūn-sū ê lô· á-bô. ²²Lók-tô lim bēng-pék, hit-lâng chiū thèh chít ê kim-khoân, tâng poàⁿ sià-khek-lék, nng ê kim chhiú-khoân, tâng chấp sià-khek-lék hō· hit ê cha-bó·-gín-á; ²³kóng, Lí sī chī-chūi ê cha-bó·-kiáⁿ? chhiáⁿ kā goá kóng; lín lâu-pē ê ke, ū só·-chāi thang hō· goán hioh á-bô? ²⁴I chiū kā i kóng, Goá sī Bít-ka tui Ná-hók só· siⁿ ê kiáⁿ, Pí-thó·-lī ê cha-bó·-kiáⁿ. ²⁵I koh tui i kóng, Goán ū chháu-liáu bí-niū chhiong-chiok; iáh ū só·-chāi thang hioh. ²⁶Hit-lâng chiū àⁿ-thâu kèng-pài Iâ-hô-hoa, kóng, ²⁷Tiòh o-ló goá ê chú A-pek-láh-hán ê Siōng-tè Iâ-hô-hoa; I ēng chū-ài sēng-sit khoán-thāi goá ê chú-lâng, lóng bô theng-chí; lūn-kàu goá, Iâ-hô-hoa tī lô·-chiūⁿ ín-chhoā goá kàu goá ê chú-lâng hiaⁿ-tī ê ke. ²⁸Cha-

bó·-gín-á cháu tò--khì, chiàu chiah ê oē kā in lâu-bú thong-ke ê lâng kóng. ²⁹Lī-pek-ka ū chít ê hiaⁿ, miâ kiò Láh-pan, i chhut-khì khì chíⁿ-pīⁿ, chiū-kūn hit-lâng. ³⁰I khoàⁿ-kìⁿ hit ê khoân, koh khoàⁿ-kìⁿ chhiú-khoân tī in sió-bē ê chhiú; iáh thiaⁿ-kìⁿ in sió-bē Lī-pek-ka ê oē, kóng, Hit-lâng tui goá kóng án-ni, án-ni; i chiū khì hit-lâng hia, khoàⁿ-kìⁿ hit-lâng iáu khiā tī lók-tô piⁿ, oá-kūn chú·-chí^m. ³¹Chiū kā i kóng, Lí chít ê tit-tiòh Iâ-hô-hoa sù-hok--ê, chhiáⁿ jip--lâi, siáⁿ-sū khiā tī goā-bīn? Goá í-keng pī-pân chhù, kap lók-tô ê só·-chāi. ³²Hit-lâng chiū jip i ê chhù, i chiū tháu lók-tô só· chàì-ê, koh ēng chháu-liáu bí-niū chhī lók-tô; phāng chúí hō· hit-lâng í-kip kun-tè ê lâng soé kha. ³³Chiong chiáh-mih pài tī i ê bīn-chêng, hō· i chiáh; chóng-sī i kóng, Goá bô beh chiáh, theng-hāu goá kóng-bēng goá ê sù-bēng. Láh-pan kóng, Chhiáⁿ lí kóng. ³⁴I chiū kóng, Goá sī A-pek-láh-hán ê lô·-pók. ³⁵Iâ-hô-hoa toā-toā sù-hok tī goá ê chú-lâng, hō· i heng-ōng, koh hō· i iūⁿ, gū, gūn, kim, lô·-pók, lú-pī, lók-tô kap lú. ³⁶Goá ê chú-lâng ê bó· Sat-láh, nī-lāu ê sī, kā goá ê chú-lâng siⁿ chít ê kiáⁿ; goá ê chú-lâng iáh chiong it-chhè só·-ū--ê hō· chít ê kiáⁿ. ³⁷Goá ê chú-lâng kah goá chiū-choā kóng, Goá khiā-khí Ka-lâm lâng ê toē, lí m̄-thang kā goá ê kiáⁿ chhoā in ê cha-bó·-kiáⁿ choè bó·. ³⁸Lí tiòh khì goá ê lâu-pē ê ke, goá pún-chók hia, kā goá ê kiáⁿ chhoā chít ê bó·. ³⁹Goá tui goá ê chú-lâng kóng, Kiaⁿ-liáu cha-bó·-gín-á m̄-khéng tè goá lâi. ⁴⁰I chiū kā goá kóng, Goá só· hók-sāi ê Iâ-hô-hoa beh chhe I ê sù-chiá kap lí saⁿ-kap khì, hō· lí sūn-sū ê lô·, lí chiū thang tui goá ê chong-chók, goá ê pē ê ke, kā goá ê kiáⁿ chhoā chít ê bó·; ⁴¹tók-tók ài lí kàu goá pún-chók hia, goá kah lí só· chiū ê choā, chiū kap lí bô kan-giáp; in

nā m̄ hō· lí, goá kah lí chiù ê choā, iah kap lí bō kan-siáp. ⁴²Kin-á-jit goá kàu chíⁿ-piⁿ, kóng, Goá ê chú-lâng A-pek-láh-hán ê Siōng-tè Iâ-hô-hoa ah, Lí nā hō· goá só· kiáⁿ ê lō· sūn-sū; ⁴³goá taⁿ khiā tī chú-chíⁿ-piⁿ, tùi chit ê chhut-lâi chhiūⁿ chúi ê cha-bó·-gín-á kóng, Chhiáⁿ lí chiong lí pân--nih ê chúi tām-póh hō· goá lim; ⁴⁴i nā kóng, Choè lí lim, goá iah beh kā lí ê lók-tô chhiūⁿ chúi; goān hit ê cha-bó·-gín-á choè Iâ-hô-hoa só· tiāⁿ-tióh hō· goá ê chú-lâng ê kiáⁿ choè bó--ê. ⁴⁵Goá sim-lâi ê oē iáu kóng bē liáu, Lī-pek-ka chiū chhut-lâi, keng-thâu-téng pē chúi-pân; lóh-khì chíⁿ-piⁿ chhiūⁿ chúi; goá chiū kā i kóng, Chhiáⁿ lí hō· goá lim. ⁴⁶I chiū koáⁿ-kín tùi keng-thâu-téng pàng-lóh chúi-pân, kóng, Chhiáⁿ lim, goá iah hō· lí ê lók-tô lim; goá chiū lim, i iah hō· goá ê lók-tô lim. ⁴⁷Goá koh m̄ng i kóng, Lí sī chī-chūi ê cha-bó·-kiáⁿ? I in kóng, Goá sī Bít-ka tùi Ná-hók só· siⁿ ê kiáⁿ, Pí-thó·-lī, ê cha-bó·-kiáⁿ; goá chiū chiong khoān koà tī i ê phīⁿ, chhiú-khoān koà tī i ê chhiú. ⁴⁸Goá chiū àn-thâu pài Iâ-hô-hoa, o-ló goá ê chú A-pek-láh-hán ê Siōng-tè Iâ-hô-hoa; in-tūi I chhoā goá kiáⁿ tú-hó ê lō·, hō· goá tit-tiòh goá ê chú ê sió-tī ê cha-bó·-sun lâi hō· i ê kiáⁿ. ⁴⁹Taⁿ lín nā beh ēng chū-ài sēng-sit khoán-thāi goá ê chú-lâng, chiū kā goá kóng; nā m̄, iah kā goá kóng; hō· goá hó thang òng-chó á-sī òng-iū. ⁵⁰Láh-pan kap Pí-thó·-lī in kóng, Tāi-chì chhut tī Iâ-hô-hoa, goán boē-oē tùi lí kóng hó á pháiⁿ. ⁵¹Lí khoàⁿ, Lī-pek-ka tī lí ê bīn-chēng, thang chiong i chhoā--khì, hō· lí ê chú-lâng ê kiáⁿ choè bó·, chiàu Iâ-hô-hoa só· kóng. ⁵²A-pek-láh-hán ê lô·-pók thiaⁿ-kìⁿ in chiaⁿ ê oē, chiū òng Iâ-hô-hoa phak tī toē--nih. ⁵³Hit-tiáp lô·-pók thèh-chhut gūn-khì kim-khì kap i-hók sàng Lī-pek-ka; koh chiong pó-mih sàng

i ê hiaⁿ kap i ê lāu-bú. ⁵⁴Lô·-pók kap tè i ê lāng lim-chiáh hioh-mi; thau-chá khí-lâi, chiū kóng, Chhiáⁿ chhe goá tò-khì goá ê chú-lâng hia. ⁵⁵Lī-pek-ka ê hiaⁿ kap i ê lāu-bú kóng, Iōng-ún cha-bó·-gín-á kap goán tiām kúi-jit, siāng-chiò cháp-jit, jiān-āu i thang khì. ⁵⁶I tui in kóng, M̄-thang chót-tòng goá, Iâ-hô-hoa í-keng hō· goá sūn-sū ê lō·; chhiáⁿ chhe goá khì, hō· goá tò-khì goá ê chú-lâng hia. ⁵⁷In kóng, Goán kiò cha-bó·-gín-á lâi, thām i ê oē-ì. ⁵⁸Chiū kiò Lī-pek-ka lâi, m̄ng i kóng, Lí beh kap chit-lâng khì mah? i kóng, Goá beh khì. ⁵⁹In chiū chhe sió-bē Lī-pek-ka, kap i ê leng-bú, kap A-pek-láh-hán ê lô·-pók, í-kíp tè i ê lāng khì. ⁶⁰In chiū kā Lī-pek-ka chiok-hok, tui i kóng, Goán sió-bē ah, goān lí choè chheng-bān lāng ê lāu-bú, goān lí ê hō--è tit-tiòh tui-ték ê koan-ài. ⁶¹Lī-pek-ka kap i ê lú-pī khí-lâi khiā lók-tô, tè hit ê lāng; lô·-pók chiū chhoā Lī-pek-ka khì.

⁶²Í-sat khiā-khí tī Lâm-toē, hit-sī tui Pí-jīⁿ-láh-hái-lâi ê lō· lâi. ⁶³Jit beh àm, Í-sat chhut-lâi tī chhân--nih, chēng-chēng teh siūⁿ, kiáh-bák chit-ē khoàⁿ, khoàⁿ-kìⁿ lók-tô lâi. ⁶⁴Lī-pek-ka khoàⁿ-kìⁿ Í-sat, chiū tui lók-tô lóh-lâi. ⁶⁵M̄ng hit ê lô·-pók kóng, Tī chhân--nih kiáⁿ-lâi ngiā-chih lán--ê sī chī-chūi? Lô·-pók kóng, Sī goá ê chú-lâng. Lī-pek-ka chiū thèh phè ka-kī tà. ⁶⁶Lô·-pók chiong só· choè it-chhè ê sū, kā Í-sat kóng. ⁶⁷Í-sat chiū khan Lī-pek-ka jip i ê lāu-bú Sat-láh ê pò·-pīⁿ, chhoā i choè bó·; koh chin thiàⁿ i. Í-sat tui lāu-bú sí-āu, kàu chit-tiáp chiaⁿ tit-tiòh an-ùì.

25 A-pek-láh-hán koh chhoā chit ê bó·, miā kiò Kì-thó·-láh. ²Kì-thó·-láh kā i siⁿ Sim-lân, Iok-san, Bí-tàn, Bí-tiān, I-si-pa, Su-a. ³Iok-san siⁿ Sī-pa kap Tí-tàn. Tí-tàn ê kiáⁿ-sun sī A-su-lī chók, Lī-to·-sī chók, kap Lī-o·-bí

chók. ⁴Bí-tiân ê kiáⁿ sī Í-hoat, Í-hut, Hap-lók, A-pí-tāi, Í-lék-tāi; chiah-ê lóng sī Ki-thó·-láh ê kiáⁿ. ⁵A-pek-láh-hán chiong it-chhè só·-ū-ê hō· Í-sat. ⁶A-pek-láh-hán chiong chài-bút pun hō· i chiah ê soé·i ê kiáⁿ; thàn i pún-sin iáu oáh ê sī, chhe in lī-khui i ê kiáⁿ Í-sat khi tang--sì, kàu tang-pêng ê toē. ⁷A-pek-láh-hán it-seng ê nī-jit sī chit-pah chhit-cháp gō· hē. ⁸A-pek-láh-hán chiah tng hē-siū, chiáⁿ-choè lâu-lâng, nī-hē moá-chiok, tng-khui sí, tò-chó·. ⁹I ê kiáⁿ Í-sat, Í-sit-má-lī, chiong i bài-chòng tī Bék-pí-láh ê hiát; chit ê hiát tī Bān-lī ê thau-chêng, Hek-lâng Só-hat ê kiáⁿ Í-hut-lūn ê chhân-tiong, ¹⁰chiū-sī A-pek-láh-hán tui Hek-lâng só· boé hit khu chhân. A-pek-láh-hán kap i ê bó· Sat-láh lóng bài-chòng tī-hia. ¹¹A-pek-láh-hán sí liáu-āu, Siōng-tē sù-hok hō· i ê kiáⁿ Í-sat; Í-sat oá-kūn Pí-jīm-láh-hái-lái khiā-khí.

¹²A-pek-láh-hán ê kiáⁿ Í-sit-má-lī ê sè-hē, kì tī ē-toé: Í-sit-má-lī chiū-sī Sat-láh ê lú-pī Ai-kíp lāng Hā-kah tui A-pek-láh-hán só· siⁿ-ê. ¹³Í-sit-má-lī chiah ê kiáⁿ ê miâ, chiàu i ê miâ-jī sè-hē, chhin-chhiūⁿ ē-toé: Í-sit-má-lī ê toā-kiáⁿ Nī-pai-iok; koh ū Ki-tát, A-tek-piát, Bí-pí-sam; ¹⁴Bí-si-má, Tō·-má, Má-sat; ¹⁵Hap-tāi, Thē-má, I-tút, Ná-hui-si, Ki-tí-má; ¹⁶chiah-ê chiū-sī Í-sit-má-lī ê kiáⁿ ê miâ; chiàu in ê hiūⁿ-chhng iāⁿ-chē, choè cháp-jī chók ê chók-tiúⁿ. ¹⁷Í-sit-má-lī it-seng hē-siū, chit-pah saⁿ-cháp chhit; khui-tng sí chiū tò-chó·. ¹⁸I ê kiáⁿ-sun toà tī Hap-hui-láh kàu Ai-kíp thau-chêng ê Su-jíⁿ, beh khi A-sút ê lō·; khiā-khí tī i cheng hiaⁿ-tī ê thau-chêng.

¹⁹A-pek-láh-hán ê kiáⁿ Í-sat ê sè-hē, kì tī ē-toé: A-pek-láh-hán siⁿ Í-sat; Í-sat chhoā Lī-pek-ka choè bó· ê sí, tú-á sì-cháp hē. I sī Pa-tàn-a-lân toē ê A-lân lāng Pí-thó·-lī ê cha-

bó·-kiáⁿ, A-lân lāng Láh-pan ê sió-bē. ²¹Í-sat in-ūi i ê bó· bō siⁿ-kiáⁿ, thoē i kí-kiū Iā-hō-hoa; Iā-hō-hoa ún-chún i só· kiū; i ê bó· Lī-pek-ka chiū hoāi-in. ²²gín-á tī i ê pak-lāi saⁿ-khoeh; i chiū kóng, Nā sī chit-khoán, goá mih-sái án-ni? Chiū khi mng Iā-hō-hoa. ²³Iā-hō-hoa kā i kóng, Nng-kok tī lí pak-lāi, nng-chók beh tui lí ê sin-khu chhut; chit-chók beh khah-kiōng hit-chók; sī-toā-ê beh hók-sāi sī-soē-ê. ²⁴Seng-sán ê jít-kí kàu, kó-jiân pak-lāi sī siang-siⁿ--ê. ²⁵Thau-chit-ê chhut-lāi--ê, sin-thé āng-āng, thong sin-khu chhin-chhiūⁿ phê-á-saⁿ; chiū kā i hō-miā choè Í-sò. ²⁶Tē-āu i ê sió-tī koh chhut-lāi, i ê chhiú khīⁿ Í-sò ê kha-āu-tiⁿ; chiū kā i hō-miā kiò Ngá-kok. Nng ê kiáⁿ chhut-si ê sí, Í-sat tú-á lāk-cháp hē.

²⁷Nng ê gín-á chiām-chiām toā; Í-sò gâu phah-láh, siōng-siōng tī soaⁿ-iá; Ngá-kok choè-lāng thiām-chēng, siōng-siōng toà pò· pīⁿ-lāi. ²⁸Í-sat thiāⁿ Í-sò, in-ūi siōng-siōng chiah i ê iá-bī. Lī-pek-ka thiāⁿ Ngá-kok. ²⁹Ū chit jít Ngá-kok chú-thng, Í-sò tui soaⁿ-iá tò-lāi, iā-siān kàu-kék. ³⁰Í-sò tui Ngá-kok kóng, Goá chin iā-siān, kiū lí ēng chit ê āng ê thng hō· goá chiah; in-ūi án-ni Í-sò iāh miā kiò Í-tong. ³¹Ngá-kok kóng, Lí kin-á-jit ēng toā-kiáⁿ ê bēng-hūn boē hō· goá. ³²Í-sò kóng, Goá to beh sí lah; chit ê toā-kiáⁿ ê bēng-hūn, tui tī goá ū siáⁿ lī-ek? ³³Ngá-kok kóng, Kin-á-jit lí tiōh tui goá chiū-choā. I chiū tui i chiū-choā, chiong toā-kiáⁿ ê bēng-hūn boē hō· Ngá-kok. ³⁴Ngá-kok chiū chiong piáⁿ kap āng-tāu-thng hō· Í-sò; i chiū lim-chiah, khí-lāi choè i khi; che chiū-sī Í-sò khoāⁿ-khin toā-kiáⁿ ê bēng-hūn.

26 A-pek-láh-hán ê sí, thau-chit-pái ki-hng í-āu, hit só·-chāi koh ū ki-hng. Í-sat chiū

khì Ki-láh-jíⁿ, kàu Hui-lī-sū ê ông A-pí-bí-lèk hia. ²Iâ-hô-hoa tùi i chhut-hiân kóng, Lí m̄-thang lóh-khì Ai-kíp, tiòh toà tī Goá só· chí-sī lí ê toē. ³Lí kià-ku tī chit ê toē, Goá beh kap lí tī-teh, sù-hok lí; in-ūi Goá beh chiong chiah ê toē lóng hō· lí, kap lí ê hō·-è; Goá beh kian-kò· Goá tùi lí ê pē A-pek-láh-hán só· chiū ê choā. ⁴Goá beh ke-thiⁿ lí ê hō·-è, chhin-chhiūⁿ thiⁿ-nih ê chhiⁿ hiah-choē; koh beh chiong chiah ê toē lóng hō· lí ê hō·-è; koh toē-chiūⁿ bân-kok beh in-ūi lí ê hō·-è tit-tiòh hok-khì. ⁵Sī in-ūi A-pek-láh-hán thiaⁿ Goá ê oē, siú Goá ê hoan-hù, Goá ê bēng-lēng, Goá ê lùt-lē, goá ê hoat-tō. ⁶Í-sat khiā-khí Ki-láh-jíⁿ. ⁷Hit só·-chāi ê lāng m̄ng kàu i ê bó·; i chiū kóng, I sī goá ê sió-bē; m̄-káⁿ kóng, Sī goá ê bó·; sim-lāi siūⁿ, Kiaⁿ-liáu hit só·-chāi ê lāng ūi-tiòh Lī-pek-ka ê iân-kò· thāi goá; in-ūi i bīn-māu chin súi. ⁸I tī-hia í-keng kú, Hui-lī-sū ông, A-pí-bí-lèk, tùi thang-á khoàⁿ, khoàⁿ-kìⁿ Í-sat kap i ê bó· Lī-pek-ka teh kún-chhiò. ⁹A-pí-bí-lèk kiò Í-sat lâi, ká i kóng, I sít-chāi sī lí ê bó·; lí siáⁿ-sū kóng, i sī goá ê sió-bē? Í-sat kóng, Goá sim-lāi siūⁿ, kiaⁿ-liáu goá ūi-tiòh i lâi sí. ¹⁰A-pí-bí-lèk kóng, Lí tùi goán só·-choē--ê sī sim-mih sū? peh-siⁿ ê tiong-kan, hiám-hiám ū lāng kap lí ê bó· saⁿ-kap khùn; lí chiū hō· goán hām-lóh choē. ¹¹Tùi hit-tiáp A-pí-bí-lèk chiū hoan-hù cheng peh-siⁿ kóng, Hoān-nā kháp-tiòh chit-lāng kap i ê bó·--ê, tiāⁿ-tiòh beh hō· i sí.

¹²Í-sat tī hit só·-chāi cheng-choh, hit-nī tit-tiòh pah-pē; Iâ-hô-hoa sù i hok-khì. ¹³I chiū chiāⁿ-choē toā, ná-kú ná-toā, kàu chiāⁿ-choē toā hù-hō. ¹⁴I ū iūⁿ-kūn gū-kūn, iah ū choē-choē lô·-pòk; Hui-lī-sū lāng chiū oàn-tò· i. ¹⁵Tng i ê lāu-pē A-pek-láh-hán tī-teh ê jlt, i ê lāu-pē ê lô·-pòk só· khui ê chíⁿ, Hui-lī-

sū lāng lóng ká i that--khì, ēng thô· thūn-moá. ¹⁶A-pí-bí-lèk ká Í-sat kóng, Lí tiòh lī-khui goán khì, in-ūi lí pí goán chám-jiân kah không-sēng. ¹⁷Í-sat chiū lī-khui hia, tī Ki-láh-jíⁿ ê soaⁿ-kok tah pò·-pīⁿ, tiām hia khiā-khí. ¹⁸Tng i ê lāu-pē A-pek-láh-hán tī-teh ê jlt, só· khui hiah ê chúi-chíⁿ, kàu A-pek-láh-hán sí-āu, hō· Hui-lī-sū lāng thūn--khì; Í-sat tēng-chài ká i khui; iū-goân chiàu in lāu-pē só· hō ê miā lâi miā hiah ê chíⁿ. ¹⁹Í-sat ê lô·-pòk tī soaⁿ-kok teh kút, tú-tiòh chit ê oah-chúⁱ ê chíⁿ. ²⁰Ki-láh-jíⁿ ê bók-chiá kap Í-sat ê bók-chiá saⁿ-chiⁿ, kóng Chit ê chúⁱ sī goán-ê. Í-sat chiū hō hit ê chíⁿ ê miā kiò Ai-sek; in-ūi in kap i saⁿ-chiⁿ. ²¹In koh khui chit ê chíⁿ, ūi chit ê chíⁿ koh saⁿ-chiⁿ; chiū kiò i ê miā Se-thê-ná. ²²Lī-khui hia koh khui chit ê chíⁿ; in bô ūi chit ê chíⁿ koh saⁿ-chiⁿ; chiū ká i hō miā Lī-hô-pok; sī kóng, Iâ-hô-hoa taⁿ hō goán khui-khoah ê toē; goán beh tī chit ê toē heng-ōng.

²³Í-sat tùi hia chiūⁿ-khì Piát-sī-pa. ²⁴Hit-mi Iâ-hô-hoa tùi i chhut-hiân kóng, Goá sī lí ê lāu-pē A-pek-láh-hán ê Siōng-tè, m̄-bián kiaⁿ; in-ūi Goá kap lí tī-teh, beh sù-hok lí, hō· lí ê hō·-è heng-ōng, lóng sī ūi-tiòh Goá ê lô·-pòk A-pek-láh-hán ê iân-kò·. ²⁵I chiū tī-hia khí chit chō toāⁿ, kiū-kiò Iâ-hô-hoa ê miā, tī-hia tah i ê pò·-pīⁿ. Í-sat ê lô·-pòk chiū tī-hia khui chit ê chíⁿ.

²⁶A-pí-bí-lèk kap i ê pēng-iú A-hō·-sat í-kíp i ê kun-tiúⁿ Hui-kok, tùi Ki-láh-jíⁿ lâi kìⁿ--i. ²⁷Í-sat tùi in kóng, Lín kì-jiân oàn-hūn goá, kah goá lī-khui lín; taⁿ siáⁿ-sū lâi goá chia? ²⁸In kóng, Goán bēng-bēng khoàⁿ-kìⁿ Iâ-hô-hoa kap lí tī-teh, m̄-tát--tiòh lán tiong-kan lí goán chiū-choā, hō· goán kap lí lip-iok; ²⁹lí bô hāi goán, chhin-chhiūⁿ goán bē-bat kháp-

tiòh lí, tòk-tòk hó khoán-thāi lí, sàng lí an-jîan tò-khì; taⁿ lí sī Iâ-hô-hoa sù-hok--ê. ³⁰Í-sat chiū ūi in siat iân-siáh, in chiū chiáh chiū lim. ³¹Thàu-chá khí-lâi, tãi-ke chiū-choā; Í-sat sàng in khí-sin, in chiū an-jîan lī-khui i khí. ³²Siăng hit-jlt, Í-sat ê lô-pók lâi, chiong in khui-chíⁿ ê sū thong-ti i; kóng, Goán tit-tiòh chú lah. ³³I chiū kiò hit ê chíⁿ ê miâ kiò Sī-pa; só-í kàu kin-á-jlt hit ê siáⁿ ê miâ kiò-choè Piát-sī-pa.

³⁴Í-sò sì-cháp hê ê sī, chhoā Hek-lâng Pí-lī ê cha-bó-kiáⁿ Iû-tek, kap Hek-lâng Í-lûn ê cha-bó-kiáⁿ Pa-sit-boat choè bó. Chí nng ê hū-jîn-lâng siông-siông hō. Í-sat kap Lī-pek-ka sim-lâi toā iu-hūn.

27 Í-sat nî-lâu, bák-chiu hoe boē khoàⁿ-kìⁿ, chiū kiò i ê toā-kiáⁿ Í-sò lâi, kâ i kóng, Goá ê kiáⁿ ah; i in kóng, Goá tī chia. ²Kóng, Goá taⁿ lâu lah, m̄-chai tah-lóh chit-jlt beh sí. ³Taⁿ kiáh lí ê ke-si, chiū-sī chíⁿ-tê kap keng, khí soaⁿ--nih, kâ goá phah-lâh, ⁴chiàu goá só kah-ì ê, chú hō i hó chu-bī, phâng-lâi hō goá, goá thang chiáh; hō goá tī bē sí ê tãi-seng kâ lí chiok-hok. ⁵Í-sat kâ i ê kiáⁿ Í-sò kóng-oē ê sī, Lī-pek-ka thiaⁿ-kìⁿ. Í-sò khí soaⁿ--nih beh phah-lâh, thang toà tò--lâi. ⁶Lī-pek-ka chiū tùi i ê kiáⁿ Ngá-kok kóng, Lí khoàⁿ, goá thiaⁿ-kìⁿ lín lâu-pē kâ lí ê hiaⁿ Í-sò kóng, Lí chiong iá-siù kâ goá toà--lâi, kâ goá chú hō i hó chu-bī, hō goá chiáh; goá beh tī bē sí ê tãi-seng, tī Iâ-hô-hoa ê bīn-chêng kâ lí chiok-hok. ⁸Taⁿ goá ê kiáⁿ, lí tiòh thiaⁿ goá ê oē, chiàu goá só hoan-hù lí--ê. ⁹Lí khí iûⁿ-kūn hia, kâ goá liáh nng chiaⁿ pui ê soaⁿ-iûⁿ-á lâi; goá beh kâ lí ê lâu-pē chú hó ê bī-sò, chiàu i só kah-ì--ê. ¹⁰Lí phang--khì lín lâu-pē hia, hō i chiáh; hō i tī bē sí ê tãi-seng kâ lí chiok-hok. ¹¹Ngá-kok tùi i ê lâu-bú Lī-

pek-ka kóng, M̄-kú goá ê hiaⁿ Í-sò sin-khu ū m̄ng, goá sī kng-kút. ¹²Siat-sú goá ê lâu-pē bong-tiòh goá, beh khoàⁿ goá choè khi-piàn lêng--ê, goá chiū chio chiū-chó; bô tit-tiòh chiok-hok. ¹³I ê lâu-bú kóng, Goá ê kiáⁿ ah, lí chio ê chiū-chó kúi tī goá; choè lí thiaⁿ goá ê oē, khí liáh lâi hō goá. ¹⁴I chiū khí liáh lâi hō i ê lâu-bú; lâu-bú chiū chú hó ê chu-bī, chiàu lâu-pē só kah-ì--ê. ¹⁵Lī-pek-ka koh hiahⁿ toā-kiáⁿ Í-sò siu tī i ke-lâi ê súi-saⁿ, kâ i ê soé-kiáⁿ Ngá-kok chhêng. ¹⁶Koh êng soaⁿ-iûⁿ-á phê pau Ngá-kok ê chhiú, kap i âm-kún kng-kút ê ūi. ¹⁷Chiū chiong só chú ê hó chu-bī kap piáⁿ, hē tī i ê kiáⁿ Ngá-kok ê chhiú. ¹⁸Ngá-kok kàu in lâu-pē hia, kóng, Goá ê pē ah; i kóng, Goá tī chia; goá ê kiáⁿ; lí sī chī-chui? ¹⁹Ngá-kok tùi i ê lâu-pē kóng, Goá sī lí ê toā-kiáⁿ Í-sò; goá í-keng chiàu lí só hoan-hù goá--ê khí kiáⁿ; chhiáⁿ lí khí-lâi chē, chiaⁿ goá só phah-tiòh--ê, hó thang kâ goá chiok-hok. ²⁰Í-sat tùi i ê kiáⁿ kóng, Goá ê kiáⁿ, lí cháiⁿ-iûⁿ chiaⁿ khoài tit-tiòh? I kóng, In-ūi lí ê Siông-tè Iâ-hô-hoa hō goá hó cho-gū lâi tit-tiòh. ²¹Í-sat kâ Ngá-kok kóng, Goá ê kiáⁿ ah, lí kūn-oá--lâi, goá beh bong lí, khoàⁿ lí chin-chiàⁿ sī goá ê kiáⁿ Í-sò, á m̄-sī. ²²Ngá-kok chiū óa-kūn i ê lâu-pē Í-sat; i chiū bong i kóng, Siaⁿ, sī Ngá-kok ê siaⁿ; chhiú, sī Í-sò ê chhiú. ²³Í-sat hun-piat boē bêng, in-ūi i ê chhiú ū m̄ng, chhin-chhiūⁿ i ê hiaⁿ Í-sò ê chhiú; chiū kâ i chiok-hok. ²⁴Koh kóng, Lí chin-chiàⁿ sī goá ê kiáⁿ Í-sò mah? I kóng, Goá sī. ²⁵Í-sat kóng, Phâng-lâi hō goá, goá beh chiaⁿ goá ê kiáⁿ só tit-tiòh ê iá-bī, hó thang kâ lí chiok-hok. Chiū phâng hō i, i chiū chiaⁿ; iáh phâng chiú hō i, i chiū lim. ²⁶I ê lâu-pē Í-sat tùi i kóng, Goá ê kiáⁿ chìn-chêng lâi chim goá. ²⁷I chiū chìn-chêng, chim

i ê lâu-pē; i ê lâu-pē phīⁿ-tiòh i ê saⁿ ê phang-bī, chiū kā i chiok-hok kóng:

Goá ê kiáⁿ ê phang-bī,

Chhin-chhiūⁿ Iâ-hô-hoa sù-hok ê chhân ê phang-bī;

²⁸Goān Siōng-tè siūⁿ-sù lí thiⁿ-téng ê kam-lō;

Sè-chiūⁿ ê pui-toē,

Gō·kak kap sin ê chiú chin-choē;

²⁹Chèng peh-sīⁿ hók-sāi lí,

Liát-kok kūi-pài lí,

Lí choē lí hiaⁿ-tī ê chú,

Lí ê lâu-bú ê kiáⁿ kūi-pài lí;

Chiū-chó[·] lí--ê siū chiū-chó[·],

Chiok-hok lí--ê tit-tiòh hok-khì.

³⁰Í-sat kā Ngá-kok chiok-hok bēng-pék, Ngá-kok tú-tú tui i ê lâu-pē Í-sat hia chhut-lâi, i ê hiaⁿ Í-sò phah-lâh tò--lâi. ³¹I iah chú hó ê bī-sò[·], phang-lâi hō[·] i ê lâu-pē, kóng, goá ê pē ah, chhiáⁿ khi-lâi chiah kiáⁿ só[·] phah--tiòh-ê, hó thang kā goá chiok-hok. ³²I ê lâu-pē Í-sat kā i kóng, Lí sī chī-chhiū? I kóng, Goá sī lí ê kiáⁿ, chiū-sī lí ê toā-kiáⁿ, Í-sò. ³³Í-sat toā-kiáⁿ, ngiáuh-ngiáuh-chhoah, kóng, He sī chī-chhiū, lí bē lâi ê tãi-seng, phang i só[·] phah--tiòh-ê lâi hō[·] goá; goá chiah i, kā i chiok-hok? i tek-khak beh tit-tiòh hok-khì. ³⁴Í-sò thiaⁿ-kìⁿ lâu-pē ê oē, khui-siaⁿ kiò-khó[·] toā-khàu; tui i ê lâu-pē kóng, Goá ê pē ah, goá, lí iah tiòh kā goá chiok-hok. ³⁵Í-sat kóng, Lí ê sió-tī ēng khiú-kè lâi, chhiúⁿ lí ê hok-hūn. ³⁶Í-sò kóng, I miâ-choē Ngá-kok, kiám bô chin háp mah? i khi-phiàn goá nng-pái; chēng chhiúⁿ goá toā-kiáⁿ ê bēng-hūn; lí khoàⁿ, taⁿ i koh chhiúⁿ goá ê hok-hūn. Koh kóng, Kiám bô lâu chit-ê thang kā goá chiok-hok mah? ³⁷Í-sat in Í-sò kóng, Goá í-keng līp i choē lí ê chú, iah chiong i ê chēng hiaⁿ-tī hō[·] i choē lô·pók;

iah ēng gō·kak sin-chiú iúⁿ-chhi i; goá ê kiáⁿ ah, taⁿ goá iáu oē kā lí choē sím-mih? ³⁸Í-sò kā i ê lâu-pē kóng, Pē ah, lí ê chiok-hok kiám chí-ū chit-pái mah? Goá ê pē ah, goá, lí iah tiòh kā goá chiok-hok. ³⁹Í-sò khui-siaⁿ thi-khàu. I ê lâu-pē Í-sat in i, kóng:

Lí só[·] khiā-khi--ê, beh ū sè-chiūⁿ ê pui-toē, Iah ū thiⁿ-téng ê kam-lō;

⁴⁰Lí beh oá-khò to-kiám tō·oah, koh beh hók-sāi lí ê sió-tī;

Kàu lí hùn-heng ê sī,

Beh tui lí ê âm-kún kùn-khui i ê gū-taⁿ.

⁴¹Í-sò in-tui i ê lâu-pē kā Ngá-kok chiok hok-khì, chiū oàn-hūn Ngá-kok; sim-lâi kóng, Ūi lâu-pē teng-iu ê sī kūn--lah; kàu hit-sī, goá beh thài-sí goá ê sió-tī Ngá-kok. ⁴²Ū lāng chiong i ê toā-kiáⁿ Í-sò ê oē kā Lī-pek-ka kóng; i chiū chhe lāng khi kiò i ê soē-kiáⁿ Ngá-kok lâi, kā i kóng, Lí ê hiaⁿ Í-sò beh thài lí, lâi siau i ê hūn-khì. ⁴³Taⁿ goá ê kiáⁿ, lí tiòh thiaⁿ goá ê oē; khi-lâi, cháu khi Hap-lân, goá ê hiaⁿ Lâh-pan hia; ⁴⁴kap i tiám kúi-jit, theng-hāu lí ê hiaⁿ siū-khì siau. ⁴⁵Kàu lí ê hiaⁿ siū-khì soah, boē kì-tit lí tui i só[·] choē ê sū, hit-sí goá chiū chhe lāng chhoā lí tui hia tò--lâi. Goá siáⁿ-sù chit-jit sit-lòh lín nng-lāng?

⁴⁶Lí-pek-ka kā Í-sat kóng, Goá in-tui chiah ê Hek-lāng ê cha-bó·-kiáⁿ, liân sīⁿ-miā to m-ài. Siat-sú Ngá-kok iā chhoā chit só·-chāi ê cha-bó·-kiáⁿ choē bó·, chhin-chhiūⁿ Hek-lāng ê cha-bó·-kiáⁿ hit-khoán, goá oah ū siáⁿ lô·ēng?

28 Í-sat kiò Ngá-kok lâi, kā i chiok-hok, iah hoan-hù i kóng, Lí m-thang chhoā Ka-lâm ê cha-bó·-gín-á choē bó·. ²Lí khi-lâi, khi Pa-tàn-a-lân, kàu lí ê goā-kong Pí-thó·-lī ê ke; tī lí ê bú-kū Lâh-pan cha-bó·-kiáⁿ ê tiong-kan, chhoā chit-ê choē bó·. ³Goān choân-lēng ê

Siōng-tè sù-hok lí, hō· lí siⁿ-thoàⁿ chin-choē, chiaⁿ-choē choē-choē chók. ⁴Koh chiong só· èng-ún A-pek-láh-hán ê hok-khì hō· lí, kap lí ê hō·-è; hō· lí sêng-chiap lí só·-kià-ku ê toē, chiū-sī Siōng-tè só· hō· A-pek-láh-hán--ê. ⁵Í-sat chhe Ngá-kok khi; i chiū khi Pa-tàn-a-lân; kàu A-lân lêng Pí-thó·-lī ê kiáⁿ Láh-pan hia; i sī Ngá-kok Í-sò· ê bú-kū. ⁶Í-sò· khoàⁿ-kìⁿ Í-sat ká Ngá-kok chiok-hok, koh chhe i khi Pa-tàn-a-lân, beh tùi hia chhoā-bó·; iáh khoàⁿ-kìⁿ chiok-hok i ê sī, hoan-hù i kóng, M̄-thang chhoā Ka-lâm ê cha-bó·-gín-á choē bó·; ⁷koh khoàⁿ-kìⁿ Ngá-kok thiaⁿ pē-bú ê oē, khi Pa-tàn-a-lân; ⁸Í-sò· chiū chai Ka-lâm ê cha-bó·-gín-á, i ê lâu-pē Í-sat m̄-tèng-ì; ⁹Í-sò· chiū khi Í-sit-má-lī hia, tī i hiah ê bó· í-goā, koh chhoā Má-hap-láh choē-bó·; i sī A-pek-láh-hán ê kiáⁿ Í-sit-má-lī ê cha-bó·-kiáⁿ, Nī-pâi-iok ê sió-bē.

¹⁰Ngá-kok lī-khui Piát-sī-pa, òng Hap-lân khi. ¹¹Kàu chit só·-chāi, in-ūi jít lóh, chiū tī-hia hiok-mī; tùi hiah ê chiok-thâu ê tiong-kan, thèh chit-tè choē chím-thâu, tī-hia khùn. ¹²Bāng-kìⁿ ū thui khiā tī toē--nih, thui-téng tú-thiⁿ; ū Siōng-tè ê sù-chiá tī thui-nih teh chiūⁿ-lòh. ¹³Iâ-hô-hoa khiā tī thui-téng, kóng, goá sī Iâ-hô-hoa lí ê chó· A-pek-láh-hán ê Siōng-tè, iáh sī Í-sat ê Siōng-tè. Goá beh chiong lí hiān-chāi só· khùn ê toē siúⁿ-sù lí, kap lí ê hō·-è. ¹⁴Lí ê hō·-è beh chhin-chhiūⁿ toē-chiūⁿ ê thô·-soa; lí beh tùi tang, sai, lâm, pak lāi hoat-tián; toē-chiūⁿ bān-chók beh in-ūi lí kap lí ê hō·-è tit-tiòh hok-khì. ¹⁵Goá iáh kap lí tī-teh, lí bô-lūn khi tah-lóh, Goá beh pó-hō· lí; iáh beh chhoā lí tò-lāi chit só·-chāi, lóng bô pàng-sak lí, kàu Goá chiáⁿ tùi lí só· kóng--ê. ¹⁶Ngá-kok khùn-chhiūⁿ kóng, Iâ-hô-hoa chin-chiáⁿ tī-chia, goá keng-jian m̄-

chai. ¹⁷Chiū kiaⁿ kóng, Chit só·-chāi kàu chiah thang kiaⁿ! m̄-sī pát-hāng, che sī Siōng-tè ê chhù, che sī thiⁿ ê m̄ng. ¹⁸Ngá-kok chá-chá khi--lāi, chiong i choē chím-thâu ê chiok khiā choē thiāu; tò iū tī téng-bīn. ¹⁹Chiū miā hit só·-chāi kiò Pek-ték-lī, chit ê siáⁿ pún miā Lō·su. ²⁰Ngá-kok hē-goān kóng, Siōng-tè nā kap goá tī-teh, tī goá só· kiáⁿ ê lō· pó-hō· goá, koh hō· goá ū m̄h thang chiáh, ū saⁿ thang chhēng, ²¹hō· goá an-jian tò-lāi goá ê pē ê chhù, chiū Iâ-hô-hoa tek-khak choē goá ê Siōng-tè. ²²Goá só· khiā choē thiāu ê chiok beh choē Siōng-tè ê chhù; kìⁿ-nā Lí só· siúⁿ-sù goá ê, goá beh chiong cháp-hūn ê chit-hūn hiān hō· Lí.

29 Ngá-kok khi-sin, kàu tang-hng ê lêng ê toē; khoàⁿ-kìⁿ chhân--nih ū chit káu chíⁿ, ū saⁿ tīm iūⁿ tó tī chíⁿ-piⁿ, in-ūi lêng hō· iūⁿ-kūn lim, lóng sī ēng hit ê chíⁿ ê chúi; chíⁿ-chhùi ēng toā chiok khām. ³Pēng-sī iūⁿ-kūn chū-chip tī-hia, lêng chiū chiong chiok-thâu soá lī chíⁿ-chhùi, hō· iūⁿ lim chúi; chiah koh chiong chiok-thâu soá kàu goān-ūi. ⁴Ngá-kok tùi in kóng, Hiaⁿ-tī ah, tùi tah-lóh lāi? in kóng, Goán tùi Hap-lân lāi. ⁵M̄ng in kóng, Ná-hók ê sun Láh-pan, lín bat i mah? ⁶kóng, Pat--i. Koh tùi in kóng, I pēng-an mah? kóng, Pēng-an. Lí khoàⁿ, i ê cha-bó·-kiáⁿ Láh-kiat chhoā i ê iūⁿ-kūn teh lāi. ⁷Kóng, Jít iáu koāiⁿ, cheng-siⁿ chū-chip ê sī bē kàu, m̄-tát--tiòh hō· iūⁿ lim chúi, koh khi chhī. ⁸In kóng, Goán boē-oē, tiòh theng-hāu choē-choē tīm lóng chū-chip, lêng soá chiok lī-khui chíⁿ-chhùi, chiah thang hō· iūⁿ lim. ⁹Ngá-kok teh kap in kóng-oē ê sī, Láh-kiat chhoā in lâu-pē ê iūⁿ lāi; in-ūi sī i teh kò. ¹⁰Ngá-kok khoàⁿ-kìⁿ bú-kū Láh-pan ê cha-bó·-kiáⁿ Láh-kiat, kap bú-kū Láh-pan ê iūⁿ-kūn, chiū chin-chēng

chiong chiòh soá lī chíⁿ-chhùi, hō· in bú-kū Láh-pan ê iūⁿ-kūn lim. ¹¹Ngá-kok kā Láh-kiat chim-chhùi, khui-siaⁿ khàu. ¹²Ngá-kok koh kā Láh-kiat kóng i sī in lâu-pē ê goē-seng, sī Lī-pek-ka ê kiáⁿ; Láh-kiat chiū cháu-khì kā in lâu-pē kóng. ¹³Láh-pan thiaⁿ-kìⁿ goē-seng Ngá-kok ê siau-sit, chiū cháu-khì ngiá-chih--i, phō--i, kap i chim-chhùi; chhoā i kàu in tau; Ngá-kok chiong it-chhè ê sū-chêng kā Láh-pan kóng. ¹⁴Láh-pan kā Ngá-kok kóng, Lí sít-chāi sī goá ê kut-jiók. I chiū kap i toà chít-géh-jít. ¹⁵Láh-pan kā Ngá-kok kóng, Lí sui-jiân sī goá ê chhin-chhek, kiám thang pèh-pèh choè goá ê kang; chhiáⁿ kā goá kóng, lí beh sím-mih kang-chiⁿ. ¹⁶Láh-pan ū nng̃ ê cha-bó·-kiáⁿ, toā-ê miâ-kiò Lī-a, soè--ê miâ-kiò Láh-kiat. ¹⁷Lī-a bák-chiu khah-su, Láh-kiat siⁿ-choè hó-khoàⁿ. ¹⁸Ngá-kok thiàⁿ Láh-kiat, chiū kóng, Goá goān ūi-tiòh lí soè ê cha-bó·-kiáⁿ Láh-kiat, kā lí choè-kang chhit-nī. ¹⁹Láh-pan kóng, Chiong i kè hō· lí, khah-hó hō· pát-lâng; lí kap goá toà. ²⁰Ngá-kok chiū ūi-tiòh Láh-kiat kā i choè kang chhit-nī; in-ūi chhim-thiàⁿ i, khoàⁿ-choè kúi-nā jít. ²¹Ngá-kok tui Láh-pan kóng, Jít-kí í-keng moá, kiū lí chiong goá ê bó· hō· goá, goá thang kap i tâng-pâng. ²²Láh-pan chū-chíp hit só·-chāi ê chêng-lâng, pān iân-siáh chhiáⁿ in. ²³Kàu jít àm, Láh-pan chiong i ê cha-bó·-kiáⁿ Lī-a, sàng lāi hō· i; Ngá-kok chiū kap i tâng-pâng. ²⁴Láh-pan chiong i ê lú-pī Sek-phàⁿ hō· i ê cha-bó·-kiáⁿ Lī-a choè lú-pī. ²⁵Kàu thiⁿ-kng, chít-ē khoàⁿ-kìⁿ sī Lī-a, chiū tui Láh-pan kóng, Lí kā goá choè--ê, sī sím-mih? Goá kā lí choè-kang, kiám-m̃-sī ūi-tiòh Láh-kiat mah? lí siáⁿ-sū phiàn goá? ²⁶Láh-pan kóng, Bē kè toā--ê tãi-seng kè soè--ê, tī goán chia bô lâng án-ni choè. ²⁷Lí kap chit-ē tiòh moá

chhit-jít; goán chiū chiong hit-ê iáh kè hō· lí; lí ūi-tiòh i koh kā goá choè kang chhit-nī. ²⁸Ngá-kok chiū chiàu án-ni kiáⁿ; kap chit-ē moá chhit-jít; i chiū chiong i ê cha-bó·-kiáⁿ, Láh-kiat, hō· i choè-bó·. ²⁹Láh-pan chiong i ê lú-pī Phek-láh, hō· i ê cha-bó·-kiáⁿ Láh-kiat choè lú-pī. ³⁰Ngá-kok iáh kap Láh-kiat tâng-pâng, koh thiàⁿ Láh-kiat iáⁿ-kè Lī-a; chiū koh kā Láh-pan choè-kang chhit-nī.

³¹Iâ-hô-hoa khoàⁿ Lī-a bô tek-thióng, chiū hō· i hoài-in; tók-tók Láh-kiat bô. ³²Lī-a hoài-in siⁿ-kiáⁿ, chiū kā i hō-miâ Liû-piân; in-ūi kóng, Iâ-hô-hoa khoàⁿ-kìⁿ goá ê khó·-chêng; taⁿ goá ê tiōng-hu beh thiàⁿ goá. ³³I koh hoài-in siⁿ kiáⁿ, kóng, Iâ-hô-hoa thiaⁿ-kìⁿ goá bô tek-thióng, só·-í koh hō· goá chit ê kiáⁿ; chiū kā i hō-miâ Se-biân. ³⁴Koh hoài-in siⁿ kiáⁿ, kóng, Goá kā tiōng-hu siⁿ saⁿ ê kiáⁿ, i beh kap goá kiát-liân; miâ kiò Lī-bī. ³⁵Koh hoài-in siⁿ kiáⁿ; kóng Chit-ē goá beh o-ló Iâ-hô-hoa; só·-í kiò i ê miâ Iû-tāi; chiū thêng bô koh siⁿ.

30 Láh-kiat khoàⁿ pún-sin bô kā Ngá-kok siⁿ kiáⁿ, chiū oàn-tò· i ê toā-chí; tui Ngá-kok kóng, Lí tiòh kiáⁿ hō· goá; nā bô, goá beh sí. ²Ngá-kok siū-khì Láh-kiat; kóng, Hō· lí bô siⁿ--ê, sī Siōng-tè; goá kiám sī thoè I mah? ³Láh-kiat kóng, Lí khoàⁿ goá ê lú-pī Phek-láh tī chia; lí khì kap i tâng-pâng, hō· i siⁿ kiáⁿ phō tī goá ê kha-thâu-u; goá iá chiū thang tui i tit-tiòh kiáⁿ. ⁴Láh-kiat chiū chiong i ê lú-pī Phek-láh hō· i choè-bó·; Ngá-kok chiū kap i tâng-pâng. ⁵Phek-láh hoài-in, kā Ngá-kok siⁿ chit ê kiáⁿ. ⁶Láh-kiat kóng, Siōng-tè kā goá phòⁿ-toàn, iáh thiaⁿ goá ê siaⁿ, hō· goá ū kiáⁿ; só·-í kiò i ê miâ choè Tàn. ⁷Láh-kiat ê lú-pī Phek-láh koh hoài-in, kā Ngá-kok siⁿ tē-jī ê kiáⁿ; ⁸Láh-kiat kóng, Goá kap goá ê

toā-chí hui-siông ê saⁿ-chiⁿ, iáh tit-tiòh khah-iâⁿ; chiū kiò i ê miâ choè Ná-hut-tha-lī. ⁹Lī-a khoàⁿ pún-sin theng-hioh bô siⁿ, chiū chiong i ê lú-pī, Sek-phàⁿ, hō· Ngá-kok choè bó·. ¹⁰Lī-a ê lú-pī Sek-phàⁿ kā Ngá-kok siⁿ kiáⁿ. ¹¹Lī-a kóng, Kai-chài! chiū kiò i ê miâ choè Ka-tek. ¹²Lī-a ê lú-pī, Sek-phàⁿ, koh kā Ngá-kok siⁿ tē-jī ê kiáⁿ. ¹³Lī-a kóng, Goá ū hok-khì! chiaⁿ ê cha-bó·-gín-á lóng beh chheng goá ū hok-khì; chiū kiò i ê miâ choè A-siat. ¹⁴Koah-béh ê sí, Liū-piān khi chhân--nih, tit-tiòh hong-ka, thèh-lâi hō· i ê lâu-bú Lī-a. Láh-kiat tùi Lī-a kóng, Chhiáⁿ chiong lí ê kiáⁿ ê hong-ka hō· goá. ¹⁵Lī-a tùi i kóng, Lí chhiúⁿ-toát goá ê tiōng-hu, kiám-sī sió-khoá sū; lí koh chhiúⁿ-toát goá ê kiáⁿ ê hong-ka mah? Láh-kiat kóng, Ūi-tiòh lí ê kiáⁿ ê hong-ka, só·-í kin-mī i thang kap lí saⁿ-kap khùn. ¹⁶Kàu àm, Ngá-kok tùi chhân--nih tò-lâi; Lī-a chhut-khì ngiā-chih i, kóng, Lí tiòh kap goá saⁿ-kap khùn; in-ūi goá sít-chāi ēng goá ê kiáⁿ ê hong-ka chhiáⁿ lí. Hit-mī i chiū kap i saⁿ-kap khùn. Siōng-tè ún-chún Lī-a, i chiū hoai-īn, kā Ngá-kok siⁿ tē-gō· ê kiáⁿ. ¹⁸Lī-a kóng, Siōng-tè hō· goá kang-chīⁿ, in-ūi goá chiong lú-pī hō· goá ê tiōng-hu; tùi án-ni kā i hō-miâ Í-sat-ka. ¹⁹Lī-a koh hoai-īn, kā Ngá-kok siⁿ tē-lák ê kiáⁿ. ²⁰Lī-a kóng, Siōng-tè siúⁿ-sù goá hó ê siúⁿ-sù; goá ê tiōng-hu beh kap goá toà, in-ūi goá kā i siⁿ lák ê kiáⁿ; tùi án-ni kā i hō-miâ Sepò-lún. ²¹Āu-lâi siⁿ chít ê cha-bó·-kiáⁿ, kā i hō-miâ kiò Tí-ná. ²²Siōng-tè siáu-liām Láh-kiat, Siōng-tè ún-chún i, hō· i oē siⁿ kiáⁿ. ²³I chiū hoai-īn siⁿ kiáⁿ; kóng, Siōng-tè tū--khì goá ê kiàn-siáu; ²⁴chiū kā i hō-miâ Iok-sek, kóng, Goān Iâ-hô-hoa koh ke-thiⁿ goá chít ê kiáⁿ.

²⁵Láh-kiat siⁿ Iok-sek liáu-āu, Ngá-kok tùi

Láh-pan kóng, Chhiáⁿ chhe goá khi, hō· goá tò-khì goá ê pún só·-chāi, pún-toē; ²⁶chhiáⁿ lí chiong goá hók-sāi lí só· tit-tiòh ê bó·-kiáⁿ hō· goá, iōng-ún goá khi; goá cháiⁿ-iūⁿ hók-sāi lí, lí lóng chai. ²⁷Láh-pan kā i kóng, Goá nā tī lí ê bīn-chēng tit-tiòh un-tián, chhiáⁿ lí kap goá toà; in-ūi goá chhim-chai Iâ-hô-hoa sù goá hok-khì, sī ūi-tiòh lí ê iân-kò·. ²⁸Koh kā i kóng, Chhiáⁿ lí tiáⁿ-tiòh lí ê kang-chīⁿ, goá chiū hō· lí. ²⁹Ngá-kok kā i kóng, Goá hók-sāi lí cháiⁿ-iūⁿ, lí ê cheng-siⁿ tī goá ê chhiú-thâu cháiⁿ-iūⁿ, sī lí só· chai. ³⁰Goá bē lâi ê tãi-seng, lí só·-ū--ê chin-chió, taⁿ chiū toā hoat-tát; Iâ-hô-hoa ēng hok-khì tè goá ê kha lâi hō· lí; taⁿ goá beh sím-mih sī ūi goá ê ke kiàn-ti sán-giáp? Láh-pan kóng, Goá tiòh hō· lí sím-mih? Ngá-kok kóng, Lí iáh m̄-bián hō· goá sím-mih; ū chít-hāng sū, lí nā èng-sēng, chiū goá iū-goān chhī lí ê iūⁿ-kūn lâi kò-siú. ³²Kin-á-jít goá beh piàn-sùn lí ê iūⁿ-kūn, chiong mī-iūⁿ-tiōng kìⁿ-ū tiám--ê, ū pan--ê, kap o·sek--ê, í-kíp soaⁿ-iūⁿ-tiōng kìⁿ-ū pan--ê, ū tiám--ê, lóng poah-chhut; chiong-lâi chit-khoán--ê choè goá ê kang-chīⁿ. ³³Í-āu lí lâi khoàⁿ goá ê kang-chīⁿ, hit tiōng-kan nā soaⁿ-iūⁿ bô tiám bô pan--ê, mī-iūⁿ bô o·sek--ê, chiū sng sī goá thau--ê; ēng án-ni lâi chēng-bēng goá ê kong-tō. ³⁴Láh-pan kóng, Hó, goá goān chiàu lí ê oē kiáⁿ. ³⁵Tng hit-jít, chiū chiong ū hūn ū pan ê soaⁿ-iūⁿ-káng, ū tiám ū pan, kàiⁿ pēh ê soaⁿ-iūⁿ-bú, í-kíp o·sek ê mī-iūⁿ, lóng poah-chhut lâi kau hō· i hiah ê kiáⁿ. ³⁶I hō· ka-kī kap Ngá-kok saⁿ-lī ū saⁿ-jít ê lō·-chām; Ngá-kok chiū kò· Láh-pan kī-ū ê iūⁿ. ³⁷Ngá-kok thèh chhiⁿ ê iōng-chhiū, hēng-chhiū, png-chhiū, nng ê kī, chiong phē pak chiáⁿ pēh-hūn, hō· kī-lâi pēh--ê lō·-chhut. ³⁸Chiong pah-phē ê kī, chhah tī iūⁿ lim-chúi ê chúi-kau kap chúi-chô, hō· i kap

iūⁿ saⁿ-tùi; iūⁿ lâi lim ê sî, kang-bú kau-háp; ³⁹iūⁿ tī ki ê tùi-bīn kau-háp, chiūⁿ siⁿ ū-hūn--ê, ū-tiám--ê, ū-pan--ê. ⁴⁰Ngá-kok chiong iūⁿ-á poah-chhut, hō· Láh-pan ê iūⁿ kap chiah ê ū-hūn kap o·sek ê iūⁿ saⁿ-tùi; chiong ka-kī ê iūⁿ lēng-goā pàng tī chit só·chāi, bô hō· i kap Láh-pan ê iūⁿ chham-chhap. ⁴¹Tú-tiòh iūⁿ-kūn-tiong íong-chòng-ê kau-háp ê sî, Ngá-kok chiū ēng chhiū-ki chhah tī chúu-kau-lāi; hō· iūⁿ tī chhiū-ki ê tùi-bīn kau-háp. ⁴²Tú-tiòh iūⁿ-kūn ê sán--ê, chiū bô chhah chhiū-ki; tùi án-ni sán--ê kui Láh-pan, íong-chòng--ê kui Ngá-kok. ⁴³Tùi án-ni i toā hoat-tát, tit-tiòh choē-choē iūⁿ-kūn, lú-pī, lô-pók, lók-tô, kap lū.

31 Ngá-kok thiaⁿ-kìⁿ Láh-pan cheng-kiáⁿ ū oē kóng, Lán lâu-pē só·-ū--ê, Ngá-kok lóng chhiúⁿ-khì, koh tùi lán ê lâu-pē tit-tiòh chit-ê it-chhè ê ēng-kng. ²Ngá-kok khoàⁿ-kìⁿ Láh-pan kìⁿ-tiòh i, bô chhin-chhiūⁿ chiòng-chēng ê bīn-sek. ³Iâ-hô-hoa tùi Ngá-kok kóng, Lí tiòh tò--khì lí ê pē-kong ê toē, kàu lí ê chhin-chòk hia; Goá beh kap lí tī-teh. ⁴Ngá-kok chhe lāng kiò Láh-kiat kap Lī-a kàu soaⁿ-iá, kàu iūⁿ-kūn hia; ⁵tùi in kóng, Goá khoàⁿ-kìⁿ lín lâu-pē kìⁿ-tiòh goá, bô chhin-chhiūⁿ chiòng-chēng ê bīn-sek; chóng-sī goá ê pē ê Siōng-tè sī-siōng kap goá tī-teh. ⁶Lín iáh chai goá chīn goá ê lát choē lín lâu-pē ê kang. ⁷Lín lâu-pē phiàn goá, chap-pái koé-oāⁿ goá ê kang-chīⁿ; chóng-sī Siōng-tè bô íong-ún i hāi goá. ⁸I nā kóng, Ū-tiám--ê kui lí choē kang-chīⁿ, chiū iūⁿ-kūn só· siⁿ--ê lóng ū-tiám; i nā kóng, Ū-hūn--ê kui lí choē kang-chīⁿ, chiū iūⁿ-kūn só· siⁿ--ê lóng ū-hūn. ⁹Án-ni Siōng-tè chiong lín lâu-pē ê cheng-siⁿ chhiúⁿ-lâi hō· goá. ¹⁰Iūⁿ kau-háp ê sî, goá bāng-tiong kiáh-bák chit-ê khoàⁿ, khoàⁿ-kìⁿ phah iūⁿ-bú ê iūⁿ-káng, lóng

sī ū-hūn--ê, ū-tiám--ê, ū hoe-pan--ê; ¹¹Siōng-tè ê sù-chiá tī hit bāng-tiong kiò goá kóng, Ngá-kok; goá kóng, Goá tī chia. ¹²I kóng, Lí kiáh-bák khoàⁿ, phah iūⁿ-bú ê iūⁿ-káng, lóng sī ū-hūn--ê, ū-tiám--ê, ū hoe-pan--ê; hoān-nā Láh-pan tùi lí só· choē--ê, Goá lóng khoàⁿ-kìⁿ. ¹³Goá sī Pek-ték-lī ê Siōng-tè, lí tī-hia bat ēng iū boah thiāu, tùi Goá hē-goān. Taⁿ lí tiòh khí-lâi, lí-khui chit só·chāi, tò-khì pún-toē. ¹⁴Láh-kiat kap Lī-a in i kóng, Tī goán lâu-pē ê ke, kiám iáu ū goán thang tit ê ke-hé kap sán-giáp mah? ¹⁵Goán kiám-m̄-sī hō· i khoàⁿ-choē goā-lāng mah? in-tūi i boē goán, thun-chiáh goán ê kè-chīⁿ; ¹⁶Siōng-tè tùi goán lâu-pē chhiúⁿ-chhut it-chhè ê chāi-bút, hiah ê chiū-sī goán kap goán kiáⁿ ê. Taⁿ kìⁿ-nā Siōng-tè só· tùi lí kóng--ê, choē lí khì kiáⁿ. ¹⁷Ngá-kok chiū khí-lâi, hō· i ê kiáⁿ kap bó· lóng khiá lók-tô. ¹⁸Koh toà it-chhè ê cheng-siⁿ, kap só· chek-chū ê chāi-bút, só· tit-tiòh ê cheng-siⁿ, sī tī Pa-tàn-a-lân só· tit-tiòh-ê; beh khì Ka-lâm toē, khì i ê lâu-pē Í-sat hia. ¹⁹Hit-sī Láh-pan khì chián iūⁿ-m̄ng; Láh-kiat thau-thèh in lâu-pē ke-lāi ê ngó·-siōng. ²⁰Ngá-kok poē A-lân lāng Láh-pan, thau-cháu khì, bô kā i kóng. ²¹Chiū toà it-chhè só·-ū--ê tô-cháu; i khí-sin kè hit ê Hô, ñg Ki-liát soaⁿ khì.

²²Kàu tē-saⁿ jlt, ū lāng kā Láh-pan kóng, Ngá-kok cháu-khì lah. ²³I chiū chhoā i ê hiaⁿ-tī saⁿ-kap khì tui-jip; lèk-kè chhit-jlt ê lô·chām, kàu Ki-liát soaⁿ chiah jip-tiòh. ²⁴Mi--sī bīn-bāng-tiong, Siōng-tè kàu A-lân lāng, Láh-pan hia; kā i kóng, Lí tiòh sió-sim, m̄-thang kap Ngá-kok kóng-hó kóng-pháiⁿ. ²⁵Láh-pan tui-tiòh Ngá-kok, Ngá-kok tī hit ê soaⁿ í-keng tah pò·-pīⁿ; Láh-pan kap i ê cheng hiaⁿ-tī, iáh tī Ki-liát soaⁿ tah pò·-pīⁿ. ²⁶Láh-pan kā Ngá-kok kóng, Lí só· choē sī sīm-

mih sū, lí siáⁿ-sū poē goá, chiong goá chiah ê cha-bó·-kiáⁿ chhoā--khì, chhin-chhiūⁿ ēng to-kiàm chhiúⁿ-liáh chit-iūⁿ? ²⁷Lí siáⁿ-sū àm-chiⁿ cháu, thau-cháu iáh bô ká goá kóng; hō· goá thang ēng hoaⁿ-hí, chhiūⁿ-koa, phah-kó·, toāⁿ-khim, sàng lí tò-khì? ²⁸Koh bô iông-ún goá kap goā-sun, cha-bó·-kiáⁿ chim-chhiūⁿ? lí taⁿ só· kiáⁿ sī chin gōng. ²⁹Goá ê chhiú pún ū lát thang hāi lín; tók-tók lín lâu-pē ê Siōng-tè chā-mi ká goá kóng, Lí tiòh sió-sim, m̄-thang kap Ngá-kok kóng-hó kóng-pháiⁿ. ³⁰Taⁿ lí sui-jiân loan-bō· lí ê lâu-pē ê ke, put-tek-put tiòh khi, siáⁿ-sū thau-théh goá ê sîn-bêng? ³¹Ngá-kok ìn Láh-pan kóng, In-ūi goá kiaⁿ, sim-lāi siūⁿ, kóng, Kiaⁿ-liáu lí chiong lí ê cha-bó·-kiáⁿ tui goá chhiúⁿ--khì. ³²Lūn-kàu lí ê sîn-bêng, lí tui sím-mih lāng chhiau-tiòh, i chiū tiòh sí; tng lán cheng hiaⁿ-tī ê bīn-chêng, lí jīm-khoàⁿ, tī goá chia ū sím-mih mih sī lí-ê, thang théh--khì. In-ūi Ngá-kok m̄-chai Láh-kiat ū thau-théh--in. ³³Láh-pan chiū jip Ngá-kok ê pò·-pīⁿ, Lí-a ê pò·-pīⁿ, kap n̄ng ê lú-pī ê pò·-pīⁿ, lóng chhiau-bô; chiū tui Lī-a ê pò·-pīⁿ chhut-lāi, jip Láh-kiat ê pò·-pīⁿ. ³⁴Láh-kiat í-keng chiong ngó·-siōng khng tī lók-tô ê oaⁿ-ē, lâi chē tī hit téng-bīn. Láh-pan tī i ê pò·-pīⁿ-lāi sì-koè bong, lóng chhiau-bô. ³⁵Láh-kiat tui i ê lâu-pē kóng, Keng-kí tú-á kàu, boē-oē khi-lāi tī lí ê bīn-chêng; kiū goá ê chú bôh-tit siū-khì. Láh-pan sì-koè chhē ngó·-siōng, chhiau lóng bô. ³⁶Ngá-kok chiū siū-khì, kap Láh-pan kè-kàu; tui Láh-pan kóng, Goá ū hoān-tiòh sím-mih kè-sit, ū sím-mih choē-ok, lí keng-jiân jip goá chiah-kín? ³⁷Lí piàn-bong goá it-chhē ê ke-si, ū chhiau-tiòh lín tau sím-mih ke-si chhut lâi? thang hē tī goá ê hiaⁿ-tī ê bīn-chêng; hō in tī lán n̄ng-lāng ê tiong-kan phoàⁿ-toàn. ³⁸Goá kap lí toà chí jī-cháp nī,

lí ê mi-iūⁿ-bú, m̄-bat ū lâu-the; lí iūⁿ-kūn-tiong ê iūⁿ-káng, goá bē-bat chiáh--i. ³⁹Hō· iá-siū siong-hāi--ê, goá bô toà-lāi hō· lí; goá pún-sin chē-giáh; bô lūn jlt--sī siū-thau, mī-sī siū-thau, lí lóng tui goá thó-pê. ⁴⁰Goá jlt--sī hō· jlt phak, mī--sī hō· sng tàng, lóng boē-kò·-tit khùn, goá siōng-siōng sī án-ni. ⁴¹Goá chí jī-cháp-nī tī lí ê ke, ūi-tiòh lí n̄ng ê cha-bó·-kiáⁿ, ká lí choē-kang cháp-si nī; ūi-tiòh lí ê iūⁿ-kūn lāk nī; lí cháp-pái koé-oāⁿ goá ê kang-chiⁿ. ⁴²Nā m̄-sī ū goá ê pē ê Siōng-tè, chiū-sī A-pek-láh-hán ê Siōng-tè, koh sī Í-sat só· kiaⁿ-ùi--ê, kap goá tī-teh; lí taⁿ ún-tàng hō· goá kang-chhiú khi. Siōng-tè khoàⁿ-kìⁿ goá ê khó·-chêng, kap goá ê lô-lók, chiah tī chā-mi chek-pī lí. ⁴³Láh-pan ìn Ngá-kok kóng, Chiah ê cha-bó·-kiáⁿ sī goá ê cha-bó·-kiáⁿ; chiah ê gín-á sī goá ê gín-á; chiah ê iūⁿ-kūn iáh sī goá ê iūⁿ-kūn; hoān-nā lí só· khoàⁿ-kìⁿ--ê, lóng sī goá ê; goá ê cha-bó·-kiáⁿ, kap in só· sīⁿ ê gín-á; kin-á-jlt goá oē ká in choē sím-mih? ⁴⁴Taⁿ lâi, lán n̄ng-lāng thang lâi líp-iok, tī lí goá ê tiong-kan choē cheng-kù.

⁴⁵Ngá-kok chhú chiòh, khiā choē thiāu. ⁴⁶Ngá-kok tui chiah ê hiaⁿ-tī kóng, Lín tiòh khiòh chiòh-thâu; in chiū chiong chiòh-thâu khiòh lâi thiáp kui-tui; tãi-ke chiū tī hit tui ê pīⁿ-á chiáh. ⁴⁷Láh-pan miâ i kiò I-ka-ní-sat-khap-tō·-tha; Ngá-kok miâ i kiò Ka-lūi-tek. ⁴⁸Láh-pan kóng, Kin-á-jlt chit ê chiòh-tui choē lí goá tiong-kan ê cheng-kù. In-ūi án-ni, miâ i kiò Ka-lūi-tek; ⁴⁹iā kiò-choē Bí-su-pa; chiū-sī kóng, Lán tãi-ke lī-piát í-āu, goān Iā-hô-hoa tī lí goá ê tiong-kan kàm-chhat. ⁵⁰Lí nā khó·-chhó· goá ê cha-bó·-kiáⁿ, koh tī goá ê cha-bó·-kiáⁿ í-goā lēng-goā chhoā-bó·, sui-jiân bô lāng kap lán tī-teh, ū Siōng-tè tī lí goá ê tiong-kan choē kan-cheng. ⁵¹Láh-

pan koh tui Ngá-kok kóng, Lí khoàⁿ chit tui chiòh, lí khoàⁿ chit ki thiāu; chiū-sī goá só· hē tī lí goá ê tiong-kan--ê. ⁵²Chit tui chiòh choè kan-chèng, chit ki thiāu choè kan-chèng; goá bô beh kè chit tui chiòh khi hāi lí, lí iā m̄-thang kè chit tui chiòh kap thiāu, lâi hāi goá. ⁵³Goān A-pek-láh-hán ê Siōng-tè, Ná-hók ê Siōng-tè, in lāu-pē ê Siōng-tè, tī lí goá ê tiong-kan phoàⁿ-toàn. Ngá-kok chiū kí in lāu-pē Í-sat só· kiaⁿ-ùi ê Siōng-tè lâi chiū-choā. ⁵⁴Ngá-kok tī soaⁿ--nih hiàn-chè, chhiáⁿ i hiah ê hiaⁿ-tī lâi chiáh; in chiáh-liáu, chiū tī soaⁿ--nih hioh-mī. ⁵⁵Láh-pan thau-chá khí-lâi, kap i ê goā-sun, kap i ê cha-bó·-kiáⁿ chim-chhui, kā in chiok-hok; chiū khí-sin tò--khi ka-kī ê só·-chāi.

32 Ngá-kok koh kiāⁿ i ê lō·, Siōng-tè ê sù-chiá tú-tiòh i. ²Ngá-kok khoàⁿ-kìⁿ in, chiū kóng, Che sī Siōng-tè ê kun-tui; só·-í miā hit só·-chāi kiò Má-khap-liām.

³Ngá-kok chhe lāng tãi-seng khi Se-jīⁿ ê toē, Í-tong ê chhân kìⁿ i ê hiaⁿ Í-sò. ⁴Hoan-hù in kóng, Lín kā goá ê chú Í-sò kóng, Lí ê lô·-pók Ngá-kok án-ni kóng, Goá tī Láh-pan hia kià-ku, toà kàu kin-á-jit. ⁵goá ū gū, lū, iūⁿ-kūn, lô·-pók, lú-pī; taⁿ chhe lāng lâi pò goá ê chú, ài tit tī lí ê bīn-chèng tit-tiòh un-tián. ⁶Só· chhe ê lāng tò--lâi Ngá-kok hia kóng, Goán kàu lí ê hiaⁿ Í-sò hia, i tú-tú teh lâi beh ngiā-chih lí; koh ū sī-pah lāng kap i lâi. ⁷Ngá-kok toā kiaⁿ koh peh-pak; chiong hiah-ê kap i saⁿ-kap tī-teh ê lāng, kap iūⁿ-kūn, gū-kūn, lók-tô, pun choè n̄ng tui; ⁸kóng, Í-sò nā lâi kong-kek chit-tui, chhun-ê hit-tui iáu thang tô-cháu. ⁹Ngá-kok koh kóng, Goá ê chó·, A-pek-láh-hán ê Siōng-tè, goá ê pē Í-sat ê Siōng-tè, Iá-hô-hoa ah, Lí bat tui goá kóng, Tò-khi lí ê pún-toē pún-chók, Goá beh

hó khoán-thāi lí. ¹⁰Lí tui lí ê lô·-pók só· si it-chhè ê chū-ài kap it-chhè ê sêng-sit, chiū chī-bī-soè ê, goá iā boē kham-tit tit-tiòh; goá chêng kiáh goá ê koáiⁿ-á, kè chit ê Iok-tàn hô; taⁿ goá í-keng chiāⁿ-choè n̄ng-tui. ¹¹Kiū Lí kiū goá thoat-lī goá ê hiaⁿ Í-sò ê chhiú; in-ūi goá kiaⁿ i, kiaⁿ-liáu i lâi thāi-sí goá kap in bú-kiáⁿ. ¹²Lí iā bat kóng, Goá tek-khak beh hó khoán-thāi lí; hō· lí ê hō·-è chhin-chhiūⁿ hái-piⁿ ê soa, choē kàu boē-sng-tit. ¹³Hit-mī Ngá-kok hioh tī-hia; chiū tī i só· ū ê mih ê lāi-bīn, keng-chhut lé-mih, beh sàng i ê hiaⁿ Í-sò; ¹⁴soaⁿ-iūⁿ-bú n̄ng-pah chia, soaⁿ-iūⁿ-kang jī-cháp chia, mī-iūⁿ-bú n̄ng-pah chia, mī-iūⁿ-kang jī-cháp chia; ¹⁵lók-tô-bú kap chiáh-ni ê kiáⁿ saⁿ-cháp chia, gū-bú sī-cháp chia, gū-káng cháp chia, lū-bú jī-cháp chia, lū-kiáⁿ cháp-chia. ¹⁶Kok-iūⁿ lēng-goā chit-kūn, kau-tài lô·-pók; kā lô·-pók kóng, Lín tãi-seng goá khi, hō· ták-kūn ū saⁿ-lī. ¹⁷Koh hoan-hù choè-thâu--ê, kóng, Goá ê hiaⁿ Í-sò tú-tiòh lí ê sī, nā m̄ng lí kóng, Lí sī sīm-mih lāng ê? beh khi tah-lòh? lí thâu-chèng hiah-ê chī-chui ê? ¹⁸lí tiòh kóng, Sī lí ê lô·-pók Ngá-kok ê; sī beh sàng goá ê chú Í-sò ê lé-mih; hiān-chāi i pún-sin iah tī goán ê āu-bīn. ¹⁹Koh hoan-hù tē-jī tē-saⁿ, kap it-chhè koáⁿ kui-kūn cheng-siⁿ ê lāng, kóng, Lín tú-tiòh Í-sò ê sī, iah tiòh chiàu án-ni kā i kóng. ²⁰Koh lín iah tiòh kóng, Lí ê lô·-pók Ngá-kok tī goán ê āu-bīn. In-ūi Ngá-kok ka-kī phah-sng kóng, Goá ēng tī goá thâu-chèng khi ê lé-mih lâi koé i ê hūn; jiān-āu goá kìⁿ-tiòh i ê bīn, kiám-chhái i chiap-láp goá. ²¹Tui án-ni, lé-mih seng kiāⁿ; hit-mī Ngá-kok hioh tī tui-tiong.

²²I mī--sī khí-lâi, chhoā i n̄ng ê bó·, n̄ng ê lú-pī, kap cháp-it ê kiáⁿ, lóng kè Ngá-pók ê tō·-thau. ²³Tãi-seng hō· in kè-khoe; hoan

só·-ū--ê iáh hō· in kè. ²⁴Chí-ū chhun Ngá-kok ka-kī tī-teh; ū chít-lâng lâi kap i saⁿ-ián, kàu tī thiⁿ-phú-kng. ²⁵Hit-lâng khoàⁿ boē iāⁿ--i; chiū siàn Ngá-kok ê toā-thúi-khū; saⁿ-ián ê sī, Ngá-kok ê toā-thúi-khū choáh-tiòh. ²⁶Hit-lâng kóng, Thiⁿ beh kng lah, tiòh pàng goá khì. Ngá-kok kóng, Lí nā bô ká goá chiok-hok, m̄ pàng lí khì. ²⁷Hit-lâng kóng, Lí miâ choē sím-mih? i kóng, Goá miâ choē Ngá-kok. ²⁸Hit-lâng kóng, Lí ê miâ bô beh koh kiò Ngá-kok, beh kiò-choē Í-sek-liát; in-ūi lí kap Siōng-tè kap lêng tàu su-iāⁿ, lóng tit-tiòh khah-iāⁿ. ²⁹Ngá-kok m̄ng i kóng, Chhiáⁿ chiong lí ê miâ ká goá kóng. hit lêng in kóng, Mih-sái m̄ng goá ê miâ? chiū tī-hia ká i chiok-hok. ³⁰Ngá-kok miâ Hit só·-chāi kiò Piān-í-lī, in-ūi kóng, Goá tng-thâu tui-bīn kīⁿ-tiòh Siōng-tè, goá ê siⁿ-miâ iáu tit-tiòh pó-choân. ³¹Jit tú-á chhut, Ngá-kok keng-kè Piān-í-lī; i ê toā-thúi í-keng pái. ³²Só·-í chiah ê Í-sek-liát lêng bô chiáh toā-thúi-thâu ê kun, kàu tī kin-á-jit; in-ūi hit-lâng siàn Ngá-kok thúi-khū ê toā-kun.

33 Ngá-kok kiáh-bák khoàⁿ; khoàⁿ-kīⁿ Í-sò lâi; koh ū sī-pah lêng kap i lâi. I chiū chiong hiah ê gín-á pun-khui, kau hō· Lī-a, kau hō· Láh-kiat, kau hō· n̄ng ê lú-pī. ²Chiong lú-pī kap in ê kiáⁿ pài tī thâu-chêng, Lí-a kap i ê kiáⁿ pài tī āu-bīn, Láh-kiat kap Iok-sek pài tī lō·-bé. ³I pún-sin tī in ê thâu-chêng kè--khì, liân-liân chhit-pái phak tī toē-nih, chiah óa-kūn i ê hiaⁿ. ⁴Í-sò cháu-lâi ngiá-chih i, chiong i phō--teh, koh lám i ê âm-kún, chim i; n̄ng-lâng chiū thi-khau. ⁵Í-sò kiáh-bák khoàⁿ-kīⁿ hū-jîn-lâng kap gín-á, chiū kóng, Chiah-ê kap lí tâng-kiāⁿ--ê sī chī-chūi? Ngá-kok kóng, Chiah ê gín-á sī Siōng-tè si-un hō· lí ê lô·-pók--ê. ⁶Tui hit-tiáp n̄ng ê

lú-pī, kap in ê gín-á, chìn-chêng lâi pài. ⁷Lī-a kap i ê gín-á iáh chìn-chêng lâi pài; lō·-bé Iok-sek kap Láh-kiat iáh chìn-chêng lâi pài. ⁸Í-sò kóng, Goá só· tú-tiòh kui-kūn ê cheng-siⁿ, lí sī sím-mih ì-sù? Ngá-kok kóng, Sī beh tī goá ê chú ê bīn-chêng tit-tiòh un-tián. ⁹Í-sò kóng, Sió-tī ah, goá-ê í-keng kàu-giáh, lí-ê iū-goân kui lí. ¹⁰Ngá-kok kóng, Bôh án-ni, goá nā tī lí ê bīn-chêng tit-tiòh un-tián, kiū lí tui goá ê chhiú siu goá ê lé-mih; in-ūi goá kīⁿ-tiòh lí ê bīn, chhin-chhiūⁿ kīⁿ-tiòh Siōng-tè ê bīn, lí iáh chiap-láp goá; ¹¹kiū lí siu goá toā--lâi hō· lí ê lé-mih; in-ūi Siōng-tè un-tián goá, hō· goá chhiong-chiok; pek--i, jiân-āu siu. ¹²Í-sò kóng, Lán khí-sin lâi khì, goá choē-thâu kiāⁿ. ¹³Ngá-kok tui i kóng, goá ê chú chai chiah ê gín-á n̄ng-chiáⁿ, gū-iūⁿ iáh tú-á siⁿ; nā choē chít-jit koáⁿ, kui-kūn lóng beh sí. ¹⁴Kiū goá ê chú tī lô·-pók ê thâu-chêng kiāⁿ, goá beh chiàu tī goá bīn-chêng kui-kūn cheng-siⁿ ê lèk-liōng, iáh chiàu gín-á ê lèk-liōng, bān-bān chìn-chêng, kiāⁿ kàu Se-jíⁿ, kàu goá ê chú hia. ¹⁵Í-sò kóng, Iōng-ún goá chiong tē goá ê lêng lâu kúi-ê kap lí choē-tīn. Ngá-kok kóng, Mih-sái án-ni? tī goá ê chú ê bīn-chêng tit-tiòh un-tián chiū hó. ¹⁶Hit-jit Í-sò khí-sin, chiàu goân-lō· tò--khì Se-jíⁿ. ¹⁷Ngá-kok kiāⁿ kàu Sò·kat, tī-hia ūi pún-sin khí-chhū, ūi cheng-siⁿ tah chháu-liâu; só·-í miâ hit só·-chāi choē Sò·kat.

¹⁸Ngá-kok tui Pa-tàn-a-lân tò--lâi ê sī, pêng-an kàu Ka-lâm toē ê Sī-kiām siāⁿ; tī siāⁿ ê bīn-chêng tah pò·-pīⁿ. ¹⁹Ēng chít-pah tē gūn, tui Sī-kiām ê lāu-pē Hap-boat ê kiāⁿ-sun, boé i tah pò·-pīⁿ hit tē toē; ²⁰tī-hia khí chít chō toāⁿ, ká i hō miâ kiò I-lī I-lô-i Í-sek-liát.

34 Lī-a ká Ngá-kok só· siⁿ ê cha-bó·-kiáⁿ,

Tí-ná, chhut-khì beh kìⁿ hit só·-chāi ê cha-bó·-gín-á. ²Hit só·-chāi ê bók-pek Hi-bī lāng Hap-boat ê kiáⁿ Sī-kiām khoàⁿ-kìⁿ i; chiū khiú--i, kap i saⁿ-kap khùn, lēng-jiók i. ³I ê sim loan-bō· Ngá-kok ê cha-bó·-kiáⁿ Tí-ná; thiàⁿ chit ê cha-bó·-kiáⁿ, ēng hó-oē an-ùi i. ⁴Sī-kiām kā i ê lāu-pē Hap-boat, kóng, Kiū lí kā goá phēng chit ê cha-bó·-gín-á choè-bó·. ⁵Ngá-kok thiaⁿ-kìⁿ i phah lâ-sâm i ê cha-bó·-kiáⁿ Tí-ná; hit-sī i hiah ê kiáⁿ kap i ê cheng-siⁿ tī soaⁿ--nih; Ngá-kok chēng-chēng bô choè siaⁿ, thēng-hāu in tò-lái. ⁶Sī-kiām ê lāu-pē, Hap-boat, chhut-lái kìⁿ Ngá-kok, beh kap i kóng-oē. ⁷Ngá-kok hiah ê kiáⁿ thiaⁿ-kìⁿ chit ê tãi-chì, chiū tùi soaⁿ-nih tò-lái, ták-ê m̄ kam-goān, chấp-hun siū-khì; in-ūi Sī-kiām tī Í-sek-liát choè chhut kiàn-siàu ê tãi-chì, kap Ngá-kok ê cha-bó·-kiáⁿ saⁿ-kap khùn; che pún sī m̄ eng-kai choè ê sū. ⁸Hap-boat kap in chham-siōng kóng, Goá ê kiáⁿ Sī-kiām ê sim him-bō· lín ê cha-bó·-gín-á; kiū lín chiong i hō· goá ê kiáⁿ choè-bó·. ⁹Lín kap goán tãi-ke kiát-chhin; lín thang chiong lín ê cha-bó·-kiáⁿ hō· goán, lín iah thang chhoā goán ê cha-bó·-kiáⁿ. ¹⁰Lín kap goán saⁿ-kap khiā-khì; toē tī lín ê bīn-chēng, lín toà chia khiā, choè seng-lí, kiàn-tì sán-giáp. ¹¹Sī-kiām tùi cha-bó·-gín-á ê lāu-pē kap i ê hiaⁿ-tī kóng, Goān tī lí ê bīn-chēng tit-tiōh un-tián; lín só· tùi goá kóng--ê goá beh hō· lín. ¹²Chhut-chāi lín beh tùi goá thó joā-choē phēng-kim, kap lé-mih, goá tek-khak chiàu lín só· kóng--ê hō· lín; chí-ū ài lín ēng cha-bó·-gín-á hō· goá choè-bó·. ¹³Ngá-kok hiah ê kiáⁿ, in-ūi Sī-kiām phah lâ-sâm in ê sió-bē Tí-ná, chiū ēng kan-chà ê oē lāi in Sī-kiām, kap i ê lāu-pē, Hap-boat, tùi in kóng, ¹⁴Chiong goán ê sió-bē hō· bô siū kat-lé ê lāng choè-bó·, che ê tãi-chì goán boē-choè-

tit; in-ūi he sī goán ê kiàn-siàu. ¹⁵Lín só· ū ê ta-po·-lāng, nā lóng siū kat-lé chhin-chhiūⁿ goán chit-iūⁿ, ū chí chit-hāng chiah thang èng-ún lín; ¹⁶goán chiū chiong goán ê cha-bó·-kiáⁿ hō· lín, goán iah chhoā lín ê cha-bó·-kiáⁿ; goán chiū kap lín saⁿ-kap toà, chiāⁿ-choè chit ê peh-siⁿ. ¹⁷Siat-sú lín m̄-thiaⁿ goán ê oē lāi siū kat-lé, goán chiū toà goán ê sió-bē lāi khi. ¹⁸Hap-boat kap i ê kiáⁿ Sī-kiām, hoaⁿ-hí in ê oē. ¹⁹Hit ê siàu-liân lāng choè chit ê tãi-chì, lóng bô iân-chhiân; in-ūi i thiàⁿ Ngá-kok ê cha-bó·-kiáⁿ; koh i tī in lāu-pē ê ke tē-it chun-kùi. ²⁰Hap-boat, kap i ê kiáⁿ Sī-kiām, lāi kàu pún-siāⁿ ê m̄ng-kháu, kā pún-siāⁿ ê lāng kóng, Chiah ê lāng kap lán hô-hó; m̄-tát--tiōh chún in tī chit ê toē khiā-khí, choè seng-lí; koh chit ê toē iah khui-khoah, oē iōng-ún--tit in; lán thang chhoā in ê cha-bó·-kiáⁿ choè-bó·, iah thang chiong lán ê cha-bó·-kiáⁿ kè hō· in. ²²Tók-tók tiōh ū chit-hāng, hiah ê chiah beh ún lán, kap lán khiā-khí, chiāⁿ-choè chit ê peh-siⁿ; chiū-sī lán tiong-kan só· ū ê ta-po·-lāng lóng tiōh siū kat-lé, chhin-chhiūⁿ in siū kat-lé chit-iūⁿ. ²³I ê gū, chài-sán, kap it-chhè ê cheng-siⁿ, kiám bô lóng kui tī lán mah? chí-ū tiōh ún--in, in chiū beh kap lán toà. ²⁴Kìⁿ-nā tùi siāⁿ-m̄ng chhut-lái ê lāng lóng thiaⁿ-thàn Hap-boat kap i ê kiáⁿ Sī-kiām ê oē; tùi án-ni kìⁿ-nā tùi siāⁿ-m̄ng chhut-lái ê ta-po·-lāng lóng siū kat-lé. ²⁵Kàu tē-saⁿ jlt, chēng-lāng tng teh thàng-thiàⁿ ê sí, Ngá-kok n̄ng ê kiáⁿ, chiū-sī Tí-ná ê hiaⁿ Se-biān kap Lī-bī, lóng kiáh-to, thàn lāng bô tiuⁿ-tī, lāi kàu siāⁿ-lāi, thài-sí lóng-chóng ê ta-po·-lāng. ²⁶Iā ēng to thài-sí Hap-boat kap i ê kiáⁿ Sī-kiām; chhoā Tí-ná tùi Sī-kiām ê chhù chhut-lái, chiū khi. ²⁷Ngá-kok hiah ê kiáⁿ, ūi-tiōh in sió-bē siū phah lâ-sâm, chiū

lâi kàu siū-thâi ê lâng hia, chhiúⁿ-kiap in ê siâⁿ. ²⁸Chhiúⁿ in ê iūⁿ-kûn, gû-kûn, kap lû; í-kíp siâⁿ-lâi kap chhân--nih só· ũ ê. ²⁹Koh chiong in it-chhè ê hê-mih chíⁿ-châi, it-chhè ê gín-á kap hū-jîn-lâng, í-kíp ták tè chhù só· ũ--ê, lóng chhiúⁿ, liáh chiū khì. ³⁰Ngá-kok kâ Se-biân kap Lī-bī kóng, Lín liân-lūi goá, hō· goá tī chit só·-châi khiā-khí ê peh-siⁿ ê tiong-kan, chiū-sī tī Ka-lâm lâng kap Pí-lī-sé lâng ê tiong-kan ũ chhàu-miâ. Koh goá ê lâng-giáh chió; in tek-khak chū-chíp lâi kong-kek goá, phah goá; goá kap choân-ke ê lâng lóng oē biát-bô. ³¹In kóng, I kiám thang khoán-thâi goán sió-bē chhin-chhiūⁿ chhiong-ki mah?

35 Siōng-tè kâ Ngá-kok kóng, Khí--ah, chiūⁿ-khì Pek-ték-lī, toà tī-hia. Koh tiōh tī-hia kâ Siōng-tè khí chit chō toāⁿ, chiū-sī lí siám-pī lí ê hiaⁿ Í-sò ê bīn ê sī, tui lí chhut-hiân--ê, hit-ê. ²Ngá-kok chiū kâ choân-ke í-kíp it-chhè kap i tī-teh ê lâng kóng, Lín tiōh tū-khì lín tiong-kan goā-pang ê siōng-tè; iah tiōh ka-kī chheng-khì, oāⁿ lín ê i-chiūⁿ. ³Lán tiōh khí-lâi, chiūⁿ-khì Pek-ték-lī; tī-hia goá beh kâ Siōng-tè khí chit chō toāⁿ; chiū-sī tī goá tú-tiōh hoân-lân ê jlt, ún-chún goá ê kī-tó, tī goá só· kiáⁿ ê lō· kap goá tī-teh, hit-ê. ⁴In chiū chiong in chhiú-lâi só· ũ īⁿ-pang ê sîn-bêng, kap in ê hī-kau, lóng hō· Ngá-kok; Ngá-kok chiong hiah-ê tãi tī Sī-kiám hit-ūi ê siōng-chhiū-kha. ⁵In chiū khí-sin, Siōng-tè hō· sī-chiū-ūi ê siâⁿ ê lâng lóng chin kiaⁿ; in chiū bô tui-jip Ngá-kok ê cheng-kiáⁿ. ⁶Ngá-kok, í-kíp it-chhè kap i choè-tīn ê lâng, kàu Ka-lâm toē ê Lō·su, chiū-sī Pek-ték-lī. ⁷I tī-hia khí chit chō toāⁿ, chiū kâ hit só·-châi hō-miâ, kiò I-lék-pek-ték-lī; in-ūi i siám-pī i ê hiaⁿ ê sī, Siōng-tè tī-hia tui i chhut-hiân. ⁸Lī-pek-ka ê ni-bú Tí-phò-lat sí; chiū bài-chòng tī

Pek-ték-lī ê ē-bīn, siōng-chhiū-kha; só·-í kiò i ê miâ A-lūn-pa-kó·.

⁹Ngá-kok tui Pa-tàn-a-lân tò--lâi, Siōng-tè koh tui i chhut-hiân, sù-hok hō· i. ¹⁰Siōng-tè koh kâ i kóng, Lí miâ sī Ngá-kok; taⁿ í-āu lí ê miâ bô koh kiò Ngá-kok, beh miâ kiò Í-sek-liát; chiū kiò i ê miâ Í-sek-liát. ¹¹Siōng-tè koh kâ i kóng, Goá sī choân-lêng ê Siōng-tè; lí tiōh siⁿ-thoàⁿ choē-choē; chiong-lâi ũ chit-kok, koh ũ choē-choē kok, tui lí lâi siⁿ, koh ũ kun-ông tui lí siⁿ-chhut. ¹²goá só· hō· A-pek-lâh-hán kap Í-sat ê toē, Goá beh hō· lí, iah beh chiong chit ê toē hō· lí ê hō·-è. ¹³Siōng-tè chiū tui kap i kóng-oē ê só·-châi chiūⁿ-khì. ¹⁴Ngá-kok chiū tī Siōng-tè kap i kóng-oē ê só·-châi, khiā chit ki thiāu, chiū-sī chiòh-thiāu; tī hit téng-bīn koân-tiân tò-iū. ¹⁵Ngá-kok chiū chheng Siōng-tè kap i kóng-oē ê só·-châi, miâ choè Pek-ték-lī. ¹⁶In tui Pek-ték-lī khí-sin; lī-khui Í-hoat-tha iáu ũ chit chām ê lō·; Lâh-kiat tit-beh siⁿ līm-sán kan-lân. ¹⁷Tng i kan-khó· siⁿ ê sī, khioh-chiá tui i kóng, M̄-bián kiaⁿ, lí taⁿ beh koh tit-tiōh chit ê kiáⁿ. ¹⁸I khui beh tng, līm-chiong ê sī, chiū kiò i ê kiáⁿ ê miâ Piân-gô-nî; i ê lāu-pē kâ i hō-miâ Piân-ngá-bín. ¹⁹Lâh-kiat sí, bài-chòng tī khi Í-hoat-tha ê lō·; Í-hoat-tha chiū-sī Pek-lī-hêng. ²⁰Ngá-kok khiā thiāu tī i ê bōng-téng; chit ê thiāu chiū-sī Lâh-kiat ê bōng-pâi; kàu kin-á-jit iáu tī-teh. ²¹Í-sek-liát koh khí-sin khì, tī Í-tek-tâi tah pò·-pīⁿ. ²²Í-sek-liát toà tī hit só·-châi ê sī, Liū-piân khì kap i ê lāu-pē ê soè-i, Phek-lâh, saⁿ-kap khùn; Í-sek-liát iah thiaⁿ.

²³Ngá-kok kiōng ũ chấp-jī ê kiáⁿ, Lī-a ê kiáⁿ, chiū-sī Ngá-kok ê toā-kiáⁿ Liū-piân, í-kíp Se-biân, Lī-bī, Iū-tâi, Í-sat-ka, Se-pò-lūn; ²⁴Lâh-kiat ê kiáⁿ, chiū-sī Iok-sek, Piân-ngá-bín; ²⁵Lâh-kiat ê lú-pī Phek-lâh só· siⁿ ê kiáⁿ,

chiū-sī Tàn kap Ná-hut-tha-lī; ²⁶Lī-a ê lú-pī Sek-phàⁿ só· siⁿ ê kiáⁿ Ka-tek, A-siat; che sī Ngá-kok tī Pa-tàn-a-lân só· siⁿ ê kiáⁿ. ²⁷Ngá-kok lâi kìⁿ i ê lâu-pē Í-sat tī Bân-lī, kàu Ki-liát-a-pa, chiū-sī Hi-pek-lún, A-pek-láh-hán kap Í-sat bat kià-ku ê só·-chāi.

²⁸Í-sat hióng-siū chit-pah poeh-cháp hē; ²⁹Í-sat nî-hè lâu, jīt-chí móa-chiok, khui tng lâi sí, tò--khì i ê liát-chó· hia; i nng ê kiáⁿ Í-sò, Ngá-kok, ká i bài-chòng.

36 Í-sò chiū-sī Í-tong, i ê sè-hē kì tī ē-toé. Í-sò chhoā Ka-lâm toē ê cha-bó·-gín-á choē-bó·; chiū-sī Hek-lâng Í-lún ê cha-bó·-kiáⁿ A-tāi, kap Hi-bī lêng chè-piān ê cha-bó·-sun, A-ná ê cha-bó·-kiáⁿ, A-hô-lī-pa-má. ³Koh chhoā Í-sit-má-lī ê cha-bó·-kiáⁿ, Nî-pai-iok ê chí-bē, Pa-sit-boat. ⁴A-tāi ká Í-sò siⁿ Í-lī-hoat; Pa-sit-boat siⁿ Liū-jīm; ⁵A-hô-lī-pa-má siⁿ Iā-o·-si, Ngá-lân, Khó-láh; che lóng sī Í-sò ê kiáⁿ, tī Ka-lâm toē siⁿ--ê. ⁶Í-sò toà i ê bó·, kiáⁿ, cha-bó·-kiáⁿ, kap ke-lāi lóng-chóng ê lêng, í-kíp gū, iūⁿ, kap it-chhè ê cheng-siⁿ, it-chhè ê chài-bút, chiū-sī i tī Ka-lâm toē só· tit-tiōh--ê, khi pát só·-chāi, lī-khui i ê sió-tī Ngá-kok. ⁷In-ūi nng-lâng só·-ū--ê chin-choē, boē thang saⁿ-kap khiā; koh in-ūi in ê gū, iūⁿ choē, só· kià-kha ê só·-chāi boē iōng-ún--tit. ⁸Tui án-ni Í-sò toà tī Se-jīm soaⁿ. Í-sò chiū-sī Í-tong.

⁹Í-sò ê sè-hē kì tī ē-toé: Í-sò chiū-sī Se-jīm soaⁿ Í-tong lêng ê chó·; ¹⁰Í-sò chiah ê kiáⁿ ê miā kì tī ē-toé, Í-sò ê bó· A-tāi ê kiáⁿ Í-lī-hoat, Í-sò ê bó· Pa-sit-boat ê kiáⁿ Liū-jīm. ¹¹Í-lī-hoat ê kiáⁿ; Thē-bān, O-boat, Sé-pho, Ka-thán, Ki-láp-su; ¹²Tēng-láp sī Í-sò ê kiáⁿ Í-lī-hoat ê soé-î, i ká Í-lī-hoat siⁿ A-má-lék; che sī Í-sò ê bó· A-tāi ê kiáⁿ-sun. ¹³Liū-jīm ê kiáⁿ Ná-hap, Siā-láh, Sa-má, Bí-sat; chiah-ê sī Í-sò ê bó· Pa-sit-boat ê kiáⁿ-sun. ¹⁴Í-sò ê

bó· A-hô-lī-pa-má sī Chè-piān ê cha-bó·-sun, A-ná ê cha-bó·-kiáⁿ; i ká Í-sò siⁿ Iā-o·-si, Ngá-lân, Khó-láh.

¹⁵Í-sò ê kiáⁿ só· siⁿ choē chók-tiúⁿ--ê, kì tī ē-toé; Í-sò ê toā-kiáⁿ Í-lī-hoat ê kiáⁿ, ū Thē-bān chók-tiúⁿ, O-boat chók-tiúⁿ, Sé-pho chók-tiúⁿ, Ki-láp-su chók-tiúⁿ, ¹⁶Khó-láh chók-tiúⁿ, Ka-thán chók-tiúⁿ, A-má-lék chók-tiúⁿ; chiah-ê sī tī Í-tong toē, Í-lī-hoat só· siⁿ ê chók-tiúⁿ, sī A-tāi ê kiáⁿ-sun. ¹⁷Í-sò ê kiáⁿ-sun Liū-jīm ê kiáⁿ, ū Ná-hap chók-tiúⁿ, Siā-láh chók-tiúⁿ, Sa-má chók-tiúⁿ, Bí-sat chók-tiúⁿ; che sī tī Í-tong toē, tui Liū-jīm só· chhut ê chók-tiúⁿ, lóng sī Í-sò ê bó· Pa-sit-boat ê kiáⁿ-sun. ¹⁸Í-sò ê bó· A-hô-lī-pa-má ê kiáⁿ, ū Iā-o·-si chók-tiúⁿ, Ngá-lân chók-tiúⁿ, Khó-láh chók-tiúⁿ; che sī tui Í-sò ê bó·, A-ná ê cha-bó·-kiáⁿ A-hô-lī-pa-má, só· chhut ê chók-tiúⁿ. ¹⁹Chiah-ê sī Í-sò ê kiáⁿ-sun, koh chiah-ê sī in ê chók-tiúⁿ; Í-sò chiū-sī Í-tong.

²⁰Hit só·-chāi ê pún-toē lêng, chiū-sī Hô-lī lêng Se-jīm ê kiáⁿ-sun, kì ē-toé; chiū-sī Lô-tan, Sok-pa, Chè-piān, A-ná, Tí-sūn, Í-chhat, Tí-san; ²¹chiah-ê sī tui Í-tong toē ê Hô-lī lêng, Se-jīm kiáⁿ-sun-tiong só· chhut ê chók-tiúⁿ. ²²Lô-tan ê kiáⁿ sī Hô-lī, Hi-bān; Lô-tan ê chí-bē sī Tēng-láp. ²³Sok-pa ê kiáⁿ sī A-lék-būn, Má-ná-hat, Í-pa-liók, Sī-pho, O-lâm. ²⁴Chè-piān ê kiáⁿ; A-ngá, A-ná; tng-sí teh chhi in lâu-pē Chè-piān ê lū, tī khòng-iá chhē-tiōh un-choān--ê, chiū-sī chit ê A-ná. ²⁵A-ná ê kiáⁿ sī Tí-sūn; A-ná ê cha-bó·-kiáⁿ sī A-hô-lī-pa-má. ²⁶Tí-sūn ê kiáⁿ sī Him-tàn, I-sī-pan, Ek-lân, Ki-lân. ²⁷Í-chhat ê kiáⁿ sī Phek-hán, Sat-hoan, A-kan. ²⁸Tí-san ê kiáⁿ sī O·-su, A-lân. ²⁹Tui Hô-lī lêng só· chhut ê chók-tiúⁿ, kì tī ē-toé; chiū-sī Lô-tan chók-tiúⁿ, Sok-pa chók-tiúⁿ, Chè-piān chók-tiúⁿ, A-ná

chòk-tiúⁿ, ³⁰Tí-sūn chòk-tiúⁿ, Í-chhat chòk-tiúⁿ, Tí-san chòk-tiúⁿ. Chiah-ê sī tùi Hô-lī làng só· chhut ê chòk-tiúⁿ, lóng tī Se-jīⁿ toē choè chòk-tiúⁿ.

³¹Tng Í-sek-liát làng bē ū kun-ông tī-lí ê tãi-seng, tī Í-tong toē choè ông lāi tī-lí--ê kī tī ē-toé. ³²Pí-jīⁿ ê kiáⁿ, Pí-láh, tī Í-tong choè ông; i ê kiaⁿ-siáⁿ miâ kiò Têng-hap-pa. ³³Pí-láh sí-liáu, Pho-su-láh làng Siā-láh ê kiáⁿ, Iok-pa, soà-chiap i choè ông. ³⁴Iok-pa sí, Thê-bān toē ê làng Hô-san soà-chiap i choè ông. ³⁵Hô-san sí, Pí-tát ê kiáⁿ Hap-tát, soà-chiap i choè ông; i chiū-sī tī Mô-ap toē thài-iáⁿ Bí-tiān làng--ê. I ê kiaⁿ-siáⁿ miâ kiò A-bī-tek. ³⁶Hap-tát sí, Má-sū-lī-ka làng Song-láh soà-chiap i choè ông. ³⁷Song-láh sí-liáu, Hô-pīⁿ ê Lī-hô-pek làng Sò-lô soà-chiap i choè ông. ³⁸Sò-lô sí, A-kek-pho ê kiáⁿ, Pa-lék-hap-lām, soà-chiap i choè ông. ³⁹A-kek-pho ê kiáⁿ Pa-lék-hap-lām sí, Hap-tát soà-chiap i choè ông; i ê kiaⁿ-siáⁿ miâ-kiò Pa-o·; i ê bó· miâ-kiò Bí-hi-tha-piat, sī Bí-sat-háp ê cha-bó·-sun, Má-tek-liát ê cha-bó·-kiáⁿ.

⁴⁰Tùi Í-sò só· chhut ê chòk-tiúⁿ, chiàu in ê chong-chòk, só·-chāi, miâ-jī, kī tī ē-toé; chiū-sī Têng-láp chòk-tiúⁿ, A-lék-oá chòk-tiúⁿ, Iā-thiap chòk-tiúⁿ; ⁴¹A-hô-lī-pa-má chòk-tiúⁿ, Í-láh chòk-tiúⁿ, Pí-lùn chòk-tiúⁿ; ⁴²Ki-láp-su chòk-tiúⁿ, Thê-bān chòk-tiúⁿ, Bí-pí-sat chòk-tiúⁿ; ⁴³Má-ki-tiáp chòk-tiúⁿ, Í-lān chòk-tiúⁿ; chiah-ê sī Í-tong ê chòk-tiúⁿ, chiàu in khiā-khí ê só·-chāi, tī só· tit-tiòh choè-giáp ê toē. Chit-ê sī Í-tong làng ê chò·, chiū-sī Í-sò.

37 Ngá-kok khiā-khí Ka-lām toē, chiū-sī i ê lâu-pē kià-kha ê só·-chāi. ²Ngá-kok ê sè-hē kī tī ē-toé. Iok-sek chấp-chhit hē kap i hiah ê hiaⁿ saⁿ-kap kò iūⁿ; i sī chit ê gín-á kap i ê lâu-pē ê soè-î Phek-láh ê kiáⁿ, Sek-phàn

ê kiáⁿ, siông-siông choè-tīn; Iok-sek chiong i hiah ê hiaⁿ ê pháiⁿ phín-hēng kā in lâu-pē kóng. ³Taⁿ Í-sek-liát thiàⁿ Iok-sek khah iāⁿ-kè tī thiàⁿ i ê chēng-kiáⁿ, in-ūi Iok-sek sī i nī-lāu siⁿ--ê; i kā i choè chit niá chhái-sek ê saⁿ. ⁴Iok-sek hiah ê hiaⁿ khoàⁿ-kìⁿ lâu-pē thiàⁿ Iok-sek, kè-thâu tī thiàⁿ in; chiū oàn-hūn Iok-sek, boē-oē kap i kóng hô-bók ê oē.

⁵Iok-sek bāng-kìⁿ chit ê bāng, kā i hiah ê hiaⁿ kóng; in chiū koh-khah oàn-hūn i. ⁶Iok-sek tùi in kóng, Chhiáⁿ lín thiaⁿ goá só· bāng-kìⁿ ê bāng. ⁷Lán tī hūn--nih hā gō·kak; goá só·-hā--ê khi-lāi khiā, lín só·-hā--ê ūi-lūi lāi pài goá só· hā--ê. ⁸I ê hiaⁿ in kóng, Chóng-bô lí chin-chiàⁿ beh choè goán ê ông mah? chin-chiàⁿ beh koán-hat goán mah? In chiū ūi-tiòh i ê bāng, kap i ê oē, koh-khah oàn-hūn i. ⁹Āu-lāi i koh bāng-kìⁿ chit ê bāng, iah kā i ê hiaⁿ kóng, Lí khoàⁿ, goá iū-koh bāng-kìⁿ chit ê bāng; ū jīt, gēh, kap chấp-it liáp chhiⁿ teh pài goá. ¹⁰Iok-sek kā i ê lâu-pē kap i ê hiaⁿ kóng; in lâu-pē chiū chek-pī i, kóng, Lí só· bāng-kìⁿ chit ê bāng sī cháiⁿ-iūⁿ? chóng-bô goá kap lín lâu-bú lín hiaⁿ-tī, lóng beh phak-teh pài lí mah? ¹¹I ê hiaⁿ lóng oàn-tò· i; i ê lâu-pē ēng chiah ê oē kī tī sim-lāi.

¹²Iok-sek ê hiaⁿ khi Sī-kiām, chhi lâu-pē ê iūⁿ. ¹³Í-sek-liát tùi Iok-sek kóng, Lín hiaⁿ kiám m̄-sī tī Sī-kiām chhi iūⁿ mah? Lí lāi, goá beh chhe lí khi in hia. ¹⁴I in kóng, Goá tī-chia. I kā i kóng, Lí khi khoàⁿ lín hiaⁿ ū pēng-an á-bô, iūⁿ-kūn ū pēng-an á-bô; tò--lāi kā goá kóng. Chiū chhe i chhut Hi-pek-lūn ê soaⁿ-kok; i chiū khi kàu Sī-kiām. ¹⁵Ū làng tng--tiòh i tī soaⁿ--nih bē-lō·; chiū m̄ng i kóng, Lí teh chhē sím-mih? ¹⁶I kóng, Goá teh chhē goá ê hiaⁿ; chhiáⁿ kā goá kóng, in tī tah-lòh teh chhi iūⁿ. ¹⁷Hit-làng kóng, In í-keng lī

khui chia; in-ūi goá thiaⁿ-kìⁿ in teh kóng, Lán lâi-khì To-tan. Iok-sek chiū khì jip i ê hiaⁿ, tú-tiòh in tī To-tan. ¹⁸In hng-hng khoàⁿ-kìⁿ i, i iáu-bē kiáⁿ kàu in hia, in chiū saⁿ-kap kè-bô· beh hāi-sí i. ¹⁹Tāi-ke saⁿ-kap kóng, Lí khoàⁿ, choè-bāng--ê lâi--lah. ²⁰Hò--lâi, taⁿ lán kā i thāi-sí, hiat tī chit ê ta-chíⁿ; chiaⁿ lâi kóng ū pháiⁿ-siū chiaⁿ--i; lán chiaⁿ khoàⁿ i ê bāng chiong-lâi cháíⁿ-iūⁿ. ²¹Liū-piān thiaⁿ-kìⁿ, chiū kiū i thoat-lī in ê chhiú; kóng, Lán m̄-thang hāi i ê sīⁿ-miā. ²²Liū-piān koh tui in kóng, M̄-thang hō· i lâu-huih; thang kā i hiat tī chit ê không-iá ê ta-chíⁿ, m̄-thang hē chhiú hāi i; ì-sū sī beh kiū i thoat-lī in ê chhiú, hō· i tò--khì i ê lâu-pē hia. ²³Iok-sek kàu i ê hiaⁿ hia, hit-tiáp in chiū thng Iok-sek ê goā-saⁿ, chiū-sī i seng-khu hit-niá chhái-sek ê saⁿ; chiū liáh i, hiat-lòh chíⁿ, hit ê chíⁿ sī ta--ê, lâi-bīn bô chúi.

²⁵In chē-teh chiaⁿ-piáⁿ; kiáh-bák khoàⁿ, khoàⁿ-kìⁿ chit-tīn Í-sit-má-lī lāng tui Kì-liát lâi; ēng lók-tô pē huiⁿ-liáu, jú-huiⁿ, bút-iòh, beh toà lóh--khì Ai-kíp. ²⁶Iū-tāi tui chiaⁿ ê hiaⁿ-tī kóng, Lán thāi-sí lán ê sió-tī, khng-bát i ê huih, ū sīm-mih lī-ek? ²⁷Lán lâi kā i boē hō· Í-sit-má-lī lāng; m̄-thang hē-chhiú hāi i; in-ūi i sī lán ê sió-tī, lán ê kut-jiók. Hiaⁿ-tī thiaⁿ--i. ²⁸Ū hiah ê Bí-tiān ê seng-lí lāng tui hia kè, i ê hiaⁿ chiū kā Iok-sek tui chíⁿ-lâi puih--khí-lâi, chiong i boē hō· Í-sit-má-lī lāng, tit-tiòh jī-cháp ê gūn. Hiah ê lāng chiū toà Iok-sek khì Ai-kíp. ²⁹Liū-piān tò-túg--lâi chíⁿ-piⁿ, khoàⁿ-kìⁿ Iok-sek bô tī chíⁿ-lâi, chiū thiah-līh ka-kī ê saⁿ. ³⁰Tò--khì sió-tī hia, kóng, Gín-á bô--khì lah; iā goá nih, goá beh tah-lòh khì? ³¹In chiū thāi chit chiaⁿ soaⁿ-iūⁿ-káng, chiong Iok-sek hit niá saⁿ ùn-huih; chiū chhe lāng thēh hit niá chhái-sek ê saⁿ khì

in lâu-pē hia, kóng, Goán chhē-tiòh chit-niá, chhiáⁿ lí jīm-khoàⁿ sī lí ê kiáⁿ ê goā-saⁿ á m̄-sī. ³³I jīm-tit, chiū kóng, Che sī goá ê kiáⁿ ê goā-saⁿ, ū pháiⁿ-siū kā-chiáh--i; Iok-sek tek-khak hō· i thiah-chhiú. ³⁴Ngá-kok chiū thiah-līh saⁿ, io hā moa-pò·, ūi i ê kiáⁿ ai-siong choē-choē jīt. ³⁵I ê kiáⁿ kap i ê cha-bó·-kiáⁿ lóng khí-lâi an-ùi i; i m̄-khéng siū an-ùi; kóng, Goá tek-khak ai-siong lóh im-hú, kàu goá ê kiáⁿ hia. I ê lâu-pē ūi-tiòh i thī-khau. ³⁶Bí-tiān lāng toà Iok-sek kàu Ai-kíp, chiong i boē hō· Hoat-ló ê jīm-sín, sī-oē-tiúⁿ, Pho-thē-hoat.

38 Hit-sī Iū-tāi lī-khui i ê hiaⁿ-tī, lóh--khì kàu chit ê A-tō·-lān lāng, miā choē Hi-lāh ê ke; ²Iū-tāi tī-hia khoàⁿ-kìⁿ chit ê Ka-lām lāng, miā-kiò Su-a ê cha-bó·-kiáⁿ; chiū chhoā i, kap i tâng-pāng. ³I chiū hoai-m̄ siⁿ-kiáⁿ; Iū-tāi chiū kā i hō miā choē Jīⁿ. ⁴I koh hoai-m̄ siⁿ-kiáⁿ; lâu-bú kā i hō miā Gô-lām. ⁵I iū-koh siⁿ-kiáⁿ, kā i hō-miā Sī-lāh; i siⁿ Sī-lāh ê sí, Iū-tāi tú-á tī Kì-sek. ⁶Iū-tāi kā i ê toā-kiáⁿ Jīⁿ chhoā-bó·, miā-kiò Tha-má. ⁷Iū-tāi ê toā-kiáⁿ Jīⁿ kiáⁿ-pháiⁿ tī Iā-hô-hoa ê bīn-chēng; Iā-hô-hoa chiū hō· i sí. ⁸Iū-tāi kā Gô-lām kóng, Lí tiòh kap lí ê hiaⁿ-só tâng-pāng, tui i lâi chīn lí choē sió-tī ê pún-hūn, kā lí ê hiaⁿ līp hō·-sū. ⁹Gô-lām chai só· siⁿ ê kiáⁿ bô kui tī i ka-kī; só·-í tâng-pāng ê sí, ūi-siat tī toē--nih, bián-tit hō· i ê hiaⁿ ū hō·-sū. ¹⁰I ê só·-choē, Iā-hô-hoa khoàⁿ choē pháiⁿ; hō· i iā sí. ¹¹Iū-tāi sim-lāi kóng, Kiaⁿ-liáu Sī-lāh iáh sí, chhin-chhiūⁿ i nng ê hiaⁿ chit-iūⁿ; chiū tui i ê sim-pū Tha-má kóng, Lí khì toà lín lâu-pē ê ke chiú-koáⁿ, thēng-hāu goá ê kiáⁿ Sī-lāh tióng-sēng. Tha-má chiū tò--khì, toà tī in lâu-pē ê ke.

¹²Kè kú-kú, Iū-tāi ê bó· Su-a ê cha-bó·-kiáⁿ sí; Iū-tāi siū an-ùi; chiū kap i ê pēng-iú A-

tō·lân lāng Hi-lāh chiūⁿ-khì Tēng-ná, kàu i chián iūⁿ-m̄ng ê lāng hia. ¹³Ū lāng ká Tha-má kóng, Lín ta-koáⁿ chiūⁿ-khì Tēng-ná, chián i ê iūⁿ ê m̄ng. ¹⁴Tha-má khoàⁿ-kìⁿ Sī-lāh í-keng tióng-sēng, iáu bô chhoā i choè-bó·; chiū thng i chiú-koáⁿ ê saⁿ, ēng phè tà-bīn, koh moa sin-thé; chē tī Tēng-ná ê lō·, I-ná-in m̄ng-kháu. ¹⁵Iū-tāi khoàⁿ-kìⁿ i, liáh-choè sī chhiong-ki, in-ūi i ū tà-bīn. ¹⁶Chiū oat-khì lō·-piⁿ chiū-kūn i; kóng, Lāi, hō· goá kap lí saⁿ-kap khùn; in-ūi m̄-chai sī i ê sim-pū; in kóng, Lí beh kap goá khùn, beh ēng sím-mih hō· goá? ¹⁷Iū-tāi kóng, Goá tui iūⁿ-kūn-lāi liáh chit chiah soaⁿ-iūⁿ-á, kià--lāi hō· lí. Kóng, Lí beh ēng mih hō· goá choè chún-tng, theng-hāu lí kià-lāi mah? ¹⁸Iū-tāi kóng, Goá tióh sím-mih hō· lí choè chún-tng? I chiū kóng, Lí ê in, lí ê toà, kap lí chhiú--nih ê koáiⁿ-á; chiū hō· i, kap i khùn; i chiū tui Iū-tāi hoai-m̄. ¹⁹Tha-má khí-lāi khi; thng i ê phè, iū-goân chhēng i chiú-koáⁿ ê saⁿ. ²⁰Iū-tāi thok i ê pēng-iú A-tō·lân lāng sàng chit chiah soaⁿ-iūⁿ-á, beh tui hit ê hū-jîn-lāng ê chhiú thēh chún-tng; chhē i boē tióh. ²¹Chiū m̄ng hit só·-chāi ê lāng kóng, I-ná-in lō·-piⁿ ê chhiong-ki tī tah-lóh? in kóng, chit-ūi bô chhiong-ki. ²²I tò--khì kìⁿ Iū-tāi kóng, Goá chhē i bô; hit-ūi ê lāng iáh kóng, Chit-ūi bô chhiong-ki. ²³Iū-tāi kóng, Kù-chāi i thēh-khì, bián-tit lán kiàn-siàu; lí khoàⁿ, goá í-keng chiong chit chiah soaⁿ-iūⁿ-á sàng i, lí keng-jian chhē i bô. ²⁴Iok-liók kè saⁿ-gèh-jit, ū lāng ká Iū-tāi kóng, Lí ê sim-pū Tha-má choè chhiong-ki; koh in-ūi kiāⁿ-im, soà ū sin-im. Iū-tāi kóng, Ká i thoa--chhut-lāi sio. ²⁵Tha-má hō· lāng thoa--chhut-lāi ê sī, chiū chhe lāng khi kìⁿ i ê ta-koáⁿ kóng, Chiah ê mih sī chī-chūi ê, goá chiū-sī tui i lāi hoai-m̄. ²⁶Koh kóng, Chhiáⁿ lí jīm, khoàⁿ chit ê in

kap toà kap koáiⁿ-á sī chī-chūi ê. Iū-tāi jīm-tit, chiū kóng, I pí goá khah ū-gī; in-ūi goá bô chiong i kè hō· goá ê kiáⁿ Sī-lāh; tui hit-tiáp Iū-tāi bô koh chhin-kūn i. ²⁷Tha-má tit-beh siⁿ ê sī, chai i pak-tó·-lāi sī siang-ê. ²⁸Teh siⁿ ê sī, chit ê gín-á chhun chit ki chhiú chhut-lāi; khioh-chiá thēh āng-soàⁿ pāk tī i ê chhiú kóng, Chit-ê sī tāi-seng chhut-ê. ²⁹Āu-lāi i ê chhiú kiu--jip-khì; tē-jī-ê chhut-si; khioh-chiá kóng, Lí siáⁿ-sū chōng--chhut-lāi? chit ê piak-phoà sī ūi-tióh lí; só·-í ká i hō-miā choè Hoat-lék-su. ³⁰Āu-lāi hit-ê, chhiú pāk āng-soàⁿ--ê, iáh siⁿ--chhut-lāi; chiū hō· i ê miā choè Siā-lāh.

39 Iok-sek hō· lāng toà lóh-khì Ai-kip; ū chit ê Ai-kip lāng, sī Hoat-ló ê jīm-sin sī-oē-tiūⁿ Pho-thē-hoat, tui hiah-ê toà i lāi ê Í-sit-má-lī lāng ê chhiú boē-khì. ²Iā-hô-hoa kap i saⁿ-kap tī-teh, hō· i ták-hāng heng-thong; toà tī i ê chú-lāng Ai-kip lāng ê ke. ³I ê chú-lāng khoàⁿ-kìⁿ Iā-hô-hoa kap i saⁿ-kap tī-teh; koh Iā-hô-hoa hō· i ê chhiú só· choè--ê lóng heng-thong. ⁴Iok-sek chiū tī chú-lāng ê bīn-chēng tit-tióh un-tián, lāi hók-sāi i; chú-lāng siat-lip i koán-lí i ê ke, chiong it-chhē só·-ū--ê kau i ê chhiú. ⁵Tui chú-lāng siat-lip i koán-lí ke-sū, kap i it-chhē só·-ū--ê, Iā-hô-hoa ūi-tióh Iok-sek ê iān-kò·, sù-hok tī hit ê Ai-kip lāng ê ke; kìⁿ-nā ke-lāi kap chhân--nih it-chhē só·-ū--ê, lóng tit-tióh Iā-hô-hoa sù-hok. ⁶I chiong it-chhē só·-ū--ê, lóng kau Iok-sek ê chhiú; tū-khì i só· chiah ê mih í-goā, pát-hāng só·-ū--ê, lóng m̄-chai. Iok-sek súi koh hó-siⁿ-choè.

⁷Chiah ê tāi-chì í-āu, Iok-sek ê chú-bú chù-sin khoàⁿ--i, kóng, Lāi kap goá khùn. ⁸Iok-sek m̄-thàn, tui i ê chú-bú kóng, Lí khoàⁿ, ke-lāi ū sím-mih tī goá ê chhiú, goá ê chú-lāng lóng m̄-chai; i í-keng chiong só·-ū--ê kau tī goá ê

chhiú; tī chí ke-lāi bô chít-ê pí goá khah-toā; ⁹lí í-goā, i bô chít-hāng bô kau goá, in-ūi lí sī i ê bó; goá cháiⁿ-iūⁿ thang kiāⁿ chit ê toā-pháiⁿ, lâi tek-choē Siōng-tè? ¹⁰Āu-lâi i tak-jit kap Iok-sek kóng-oē; Iok-sek bô thiaⁿ i ê oē; bô kap i khùn, iáh bô kap i choè-tui. ¹¹Ū chít-jit, Iok-sek jip chhù pān i ê tãi-chì; ke-lāi ê lāng bô chít-ê tī chhù-lāi. ¹²Hū-jîn-lāng chiū khiú i ê saⁿ kóng, Lí lâi kap goá khùn; Iok-sek chiong saⁿ pàng tī i ê chhiú, cháu chhut-khì goā-bīn. ¹³Hū-jîn-lāng khoàⁿ-kìⁿ Iok-sek chiong saⁿ pàng tī i chhiú--nih, koh cháu-chhut goā-bīn; ¹⁴chiū kiò ke-lāi ê lāng lâi, tui in kóng, Lín khoàⁿ--teh, i toà chít ê Hi-pek-lâi lāng jip-lâi lán ê ke beh hì-lāng lán; i lâi goá chia, beh kap goá khùn, goá chiū toā-siaⁿ hoah; ¹⁵i thiaⁿ-kìⁿ goá chhut-siaⁿ hoah, chiū chiong i ê saⁿ pàng tī goá chia, cháu-chhut goā-bīn. ¹⁶Hū-jîn-lāng chiong Iok-sek ê saⁿ siu tī i hia, theng-hāu i ê chú-lāng tò-lâi. ¹⁷Chiū tui i kóng-khí chiah ê sū; kóng, Lí só toà-lâi lán chia, hit ê Hi-pek-lâi ê lô-pók, kau goá chia, beh hì-lāng goá; goá chhut-siaⁿ hoah, i chiong i ê saⁿ pàng tī goá chia, cháu-chhut goā-bīn. ¹⁹Chú-lāng thiaⁿ-kìⁿ i ê bó tui i só kóng ê oē, kóng, Lí ê lô-pók chhin-chhiūⁿ án-ni khoán-thāi goá, i chiū siū-khì. ²⁰Iok-sek ê chú-lāng chiong i koaiⁿ-lòh kaⁿ, chiū-sī ông ê choē-hoan siū koaiⁿ ê só-chāi; tui án-ni Iok-sek tī hit ê kaⁿ-lâi.

²¹Chóng-sī Iâ-hô-hoa kap Iok-sek tī-teh, si-un hō i; hō i tī koán-kaⁿ ê lāng ê bīn-cheng tit-tiòh un-tián. ²²Koán-kaⁿ--ê chiū chiong kaⁿ-lâi só ū ê hoan-lāng lóng kau Iok-sek ê chhiú; in tī-hia só choè ê tãi-chì, lóng sī i teh choè. ²³Kìⁿ-nā Iok-sek chhiú-ē ê tãi-chì, koán-kaⁿ--ê it-khai bô chhap; in-ūi Iâ-hô-hoa kap Iok-sek tī-teh, koh i só choè--ê, Iâ-hô-hoa

lóng hō i heng-thong.

40 Chiah ê tãi-chì í-āu Ai-kíp ông ê chiú-cheng kap tū-pang tek-choē in ê chú Ai-kíp ông. ²Hoat-ló siū-khì i nng ê jîn-sîn, chiū-sī chiú-cheng-tiúⁿ kap tū-pang-tiúⁿ, ³chiong in koaiⁿ tī sī-oē-tiúⁿ hú-lâi ê kaⁿ, chiū-sī Iok-sek siū koaiⁿ ê só-chāi. ⁴Sī-oē-tiúⁿ chiong in kau-tài Iok-sek, i chiū su-hāu in; in chiū tī kaⁿ-lâi ū hiah-kú. ⁵Siū-koaiⁿ tī kaⁿ--ê, Ai-kíp ông ê chiú-cheng kap tū-pang, nng-lāng tang chít-mī kok bāng-kìⁿ chít ê bāng, lóng chiàu tak ê bāng ê ì-gī lâi bāng. ⁶Kau thiⁿ-kng, Iok-sek jip--khì in hia, khoàⁿ-kìⁿ in ū iu-būn ê khoán-sit. ⁷I chiū mng Hoat-ló nng ê jîn-sîn, chiū-sī kap i píⁿ-píⁿ koaiⁿ tī chú-lāng hú-lâi--ê, kóng, Kin-á-jit lín siáⁿ-sū bīn tài-iu-iông? ⁸In kā i kóng, Goán tak-lāng bāng-kìⁿ chít ê bāng, bô lāng thang oan. Iok-sek kā in kóng, Oan-bāng kiám-m-sī chāi tī Siōng-tè mah? chhiá lín kā goá kóng. ⁹Chiú-cheng chiū tui Iok-sek pài-liat i ê bāng, kóng, Goá bāng-tiong khoàⁿ-kìⁿ ū chít chāng phû-tô-chhiū tī goá ê bīn-cheng; ¹⁰chhiū-téng ū saⁿ-ki, chhin-chhiūⁿ ū hoat-gê khui-hoe; i ê pha kiát-chiáⁿ sèk ê phû-tô. ¹¹Hoat-ló ê poe tī goá ê chhiú-lâi, goá chiū theh phû-tô, nh i tī Hoat-ló ê poe-lâi, chiong poe phang kau Hoat-ló ê chhiú. ¹²Iok-sek kā i kóng, Lí ê bāng sī án-ni oan; saⁿ-ki chiū-sī saⁿ-jit; ¹³koh saⁿ-jit, Hoat-ló beh kú-khí lí ê thau, hók-tò lí ê koaⁿ-chit; Hoat-ló ê chiú-poe beh iū-goan hē tī lí ê chhiú, chhin-chhiūⁿ cheng choè i ê chiú-cheng chít-iūⁿ. ¹⁴Lí nā tek-chì ê sī, tiòh kì-liām goá, si-un hō goá; tī Hoat-ló ê bīn-cheng thoè goá kóng chít siaⁿ; kiù goá chhut chít ê kaⁿ. ¹⁵Goá sit-chāi sī tui Hi-pek-lâi lāng ê toē siū-boē--lâi-ê; goá tī chia iáh bô choè-chhut sím-mih, hō in kā goá koaiⁿ-lòh kaⁿ.

¹⁶Tû-pâng khoàⁿ-kìⁿ bāng oân-liáu hó, chiū kā Iok-sek kóng, Goá iah tī goá ê bāng-tiong khoàⁿ, tī goá ê thâu-khak-téng ū saⁿ-kheng pek ê piáⁿ; ¹⁷téng-bīn hit-kheng ū toé Hoat-ló só· chiáh ták-hō pek ê mih; ū chiáu lāi teh goá thâu-khak-téng kheng-lāi ê mih. ¹⁸Iok-sek ìn i kóng, Lí ê bāng sī án-ni oân; saⁿ khia kheng sī saⁿ-jlt; ¹⁹koh saⁿ-jlt, Hoat-ló beh kú-khí lí ê thâu-khak lī-khui lí, tiâu lí tī chhā-nih; beh ū pe-chiáu lāi teh lí sin-khu ê bah. ²⁰Kàu tē-saⁿ jlt, sī Hoat-ló ê siⁿ-jlt, i ūi chheng jīn-sīn pāi-siat iân-siáh; tī chiah ê jīn-sīn ê tiong-kan, thai-kú chiú-chèng, kap tû-pâng; ²¹hō· chiú-chèng-tiúⁿ hòk-tò koaⁿ-chit; i iū-goân phāng-poe tī Hoat-ló ê chhiú; ²²chóng-sī chiong tû-pâng-thâu tiâu--khí-lāi; tú-tú chiàu Iok-sek só· kā ìn oân--ê. ²³Nā-sī chiú-chèng-tiúⁿ bô liām-tiòh Iok-sek, keng-jian boē-kì-tit i.

41 Kè nng-ni ka-nng, Hoat-ló bīn-bāng; bāng-kìⁿ i khiā tī hô-piⁿ, ²khoàⁿ-kìⁿ chhit chiah gū-bú tui hô--nih khí-lāi, súi koh pui; tī lô·tek-á-lāi teh chiáh. ³Tè-āu koh ū chhit chiah gū-bú tui hô--nih khí-lāi, khiap-sì koh sán; kap chheng hiah ê gū tâng-khiā tī hô-piⁿ. ⁴Chiah ê khiap-sì koh sán ê gū-bú it-chīn chiáh hí chhit-chiah súi koh pui ê gū. Hoat-ló chiū chhiⁿ. ⁵I koh khùn, tē-jī pái bīn-bāng; bāng-kìⁿ chit chāng bēh chhut chhit-sūi, phauh koh hó. ⁶Āu-lāi khoàⁿ-kìⁿ koh chhut chhit-sūi, phāⁿ-phāⁿ, koh hō· tang-hong sàu-pháiⁿ. ⁷Chiah ê phāⁿ ê sūi thun hí chhit-sūi phauh koh pá-moá--ê. Hoat-ló chhiⁿ, chiah chai sī bāng--kìⁿ. ⁸Kàu thiⁿ-kng, Hoat-ló sim bô pēng-an; chiū chhe lāng tiâu Ai-klp só· ū ê sūt-sū, phok-sū lāi; Hoat-ló chiū chiong i só· bāng-kìⁿ--ê kā ìn kóng; ìn bô lāng oē kā Hoat-ló oân.

⁹Hit-sī chiú-chèng-tiúⁿ kā Hoat-ló kóng, Goá kin-á-jlt kì-tit goá ê choē. ¹⁰Chheng Hoat-ló siū-khì jīn-sīn, chiong goá kap tû-pâng-thâu koaiⁿ tī sī-oē-tiúⁿ hú-lāi ê kaⁿ. ¹¹Goá kap i, nng-lāng siāng hit-mī ū bāng-kìⁿ, kok chiàu i ê bāng ê ì-gī lāi bāng. ¹²Tī-hia, kap goán tī-teh, ū chit ê Hi-pek-lāi ê siāu-liān lāng, sī sī-oē-tiúⁿ ê lô·pók, goán kā i kóng, i chiū kā goán oân goán ê bāng; sī chiàu goán ták-lāng ê bāng lāi oân. ¹³Āu-lāi tú-tú chiàu i só· kā goán oân--ê lāi chiāⁿ; i hō· goá hòk-chit, hit-lāng siū tiâu lāi sí.

¹⁴Hoat-ló chiū chhe lāng khi tiâu Iok-sek, ìn chiū kín-kín chhoā i chhut-kaⁿ; i chiū chián-hoat, oāⁿ i ê saⁿ, lāi kìⁿ Hoat-ló. ¹⁵Hoat-ló kā Iok-sek kóng, Goá bāng-kìⁿ chit ê bāng, bô lāng oē oân--i; goá thiaⁿ-kìⁿ lāng kóng kàu lí thiaⁿ-kìⁿ bāng chiū oē oân. ¹⁶Iok-sek ìn Hoat-ló kóng, Che m-sī chāi-tī goá; Siōng-tè beh chiong pēng-an chí-sī Hoat-ló. ¹⁷Hoat-ló kā Iok-sek kóng, ¹⁸Goá bāng-kìⁿ goá khiā tī hô-piⁿ, ū chhit chiah gū-bú tui hô--nih khí-lāi, pui koh súi; tī lô·tek-á-lāi teh chiáh; ¹⁹tè-āu koh ū chhit chiah gū-bú khí-lāi, nng-chiāⁿ, chin khiap-sì, koh chin sán; piàn Ai-klp toē, goá m-bat khoàⁿ-kìⁿ kàu chiah pháⁿ. ²⁰Chiah ê sán koh khiap-sì ê gū-bú it-chīn chiáh tāi-seng hí chhit chiah pui ê gū-bú; ²¹thun lóh pak, iáu-boē khoàⁿ-chhut ū thun-lóh khi; hit ê khiap-sì ê khoán iū-goân kap tāi-seng bô koh-iūⁿ; goá chiū chhiⁿ. ²²Goá tī bāng-tiong koh khoàⁿ-kìⁿ chit chāng bēh, chhut chhit-sūi, pá-moá koh hó; ²³āu-lāi koh chhut chhit-sūi, kō·tā, phāⁿ-phāⁿ, koh hō· tang-hong sàu-pháiⁿ; ²⁴chiah ê phāⁿ-phāⁿ ê sūi thun hí chhit sūi hó--ê. Goá kóng hō· sūt-sū thiaⁿ, iā bô lāng oē kā goá koé-bēng.

²⁵Iok-sek kā Hoat-ló kóng, Hoat-ló ê bāng

chiū-sī chit-ê; Siōng-tè só· beh kiāⁿ ê sū, ũ chí-sī Hoat-ló. ²⁶chhit-chiah hó ê gū-bú sī chhit-nî; chhit-sūi hó--ê, iah sī chhit-nî; bāng sī chit-ê. ²⁷Hiah ê tè-āu khí--lâi ê chhit chiah sán koh khiap-si ê gū-bú, sī chhit-nî; hiah ê chhit sūi khang-phāⁿ, koh hō· tang-hong sàu-pháiⁿ--ê, iah sī chhit nî; beh choè chhit nî ê ki-hng. ²⁸Siōng-tè só· beh choè ê sū, ũ hián-bēng tī Hoat-ló; che sī goá tui Hoat-ló só· kóng--ê. ²⁹Lí khoàⁿ Ai-kip piàn-toē beh tú-tiōh toā hó-nî-tang chhit-nî; ³⁰tè-āu, koh beh tú-tiōh ki-hng chhit-nî; sīm-chi tī Ai-kip toē lóng boē kī-tit í-chēng ê hó-siu; choân-toē beh hō· ki-hng só· biát; ³¹in-ūi í-āu ê ki-hng thài siong-tiōng, chiū m̄-chai í-chēng toē-hng ê hó-siu. ³²Lūn-kàu Hoat-ló nng pái ê bīn-bāng, sī in-ūi Siōng-tè chū-tiāⁿ chit ê tãi-chi, koh Siōng-tè beh kín-kín chiāⁿ-i. ³³Só·-í Hoat-ló tiōh keng chit ê ũ chhang-miā, ũ tì-hui ê lāng, phài i tī-lí Ai-kip toē. ³⁴Hoat-ló tiōh án-ni kiāⁿ, koh līp koaⁿ-oân koán-lí chit ê toē; tng chhit-nî hó-nî-tang ê sī, Ai-kip toē só·-siu--ê, gō·-hūn thiu chit-hūn; ³⁵hō· in tī chiong-lâi ê hó-nî-tang, chek-chū it-chhè ê bí-niū; chū-chip ngó·-kok, siu-khng chiāu-kò; tī ták ê siāⁿ choè chiāh-mih, kui tī Hoat-ló ê chhiú-thâu. ³⁶Só· chek-chū ê bí-niū, thang choè Ai-kip toē chiong-lâi chhit-nî ki-hng ê lō·-ēng; bián-tit chit ê toē hō· ki-hng só· biát.

³⁷Hoat-ló kap i it-chhè ê jīn-sin lóng liāh chit ê tãi-chi choè-hó. ³⁸Hoat-ló tui i ê jīn-sin kóng, Lán kiám oē chhè-tiōh chit-ê chhin-chhiūⁿ i chit ê lāng, ũ Siōng-tè ê sin tī i ê lāi-bīn mah? ³⁹Hoat-ló tui Iok-sek kóng, Siōng-tè í-keng chiong chit ê tãi-chi lóng chí-sī lí, khó·-kiàn bô lāng chhin-chhiūⁿ lí ũ chit-hō ê chhang-miā tì-hui. ⁴⁰Lí thang koán-lí goá ê ke; goá ê peh-siⁿ lóng tiōh thiaⁿ lí ê oē, hō·

lí koán-lí; tók-tók tī pó-chō, goá pí lí khah toā. ⁴¹Hoat-ló ká Iok-sek kóng, Goá kú-khi lí koán-hat Ai-kip choân-toē. ⁴²Hoat-ló chiū pak i chhiú--nih choè in ê chhiú-chí, koà tī Iok-sek ê chng-thâu-á, ká i chhēng iū-toē-saⁿ; chiong kim-liān koà tī i ê ām-kún. ⁴³Koh hō· Iok-sek chē i ê tē-jī pān chhia; khui-tō--ê kiò kóng, Kūi; án-ni Hoat-ló siat-līp i tī-lí Ai-kip choân-toē. ⁴⁴Hoat-ló tui Iok-sek kóng, Goá sī Hoat-ló, nā bô lí ũ siaⁿ, tī Ai-kip choân-toē, m̄-chún lāng tāng kha-chhiú. ⁴⁵Hoat-ló khim-sū Iok-sek ê miā kiò Sat-hoat-ná-thek Pa-loē-a; koh chiong An-siāⁿ ê chē-si Pho-thê-hui-lāh ê cha-bó·-kiáⁿ A-se-láp hō· i choè-bó·. Iok-sek chiū chhut-sūn Ai-kip toē.

⁴⁶Iok-sek kīⁿ Ai-kip ông Hoat-ló ê sī, hit-ni saⁿ-cháp hē. Iok-sek tui Hoat-ló ê bīn-chēng chhut-khi, piàn kiāⁿ Ai-kip choân-toē. ⁴⁷Chhit-ê hó-nî-tang ê lāi-bīn, toē ê chhut-sán kék-kī hong-sēng. ⁴⁸Iok-sek chū-chip Ai-kip toē chhit ê hó-nî-tang it-chhè ê bí-niū; chiong bí-niū chek-chū tī ták ê siāⁿ; chiu-ūi chhân-toē ê bí-niū, lóng chek-chū tī i ê pún-siāⁿ. ⁴⁹Iok-sek chek-chū gō·-kak kék-choē, chhin-chhiūⁿ hái-piⁿ ê soa, kàu i thēng-chí bô sng; in-ūi sng-boē-liáu. ⁵⁰Ki-hng ê nî bē-kàu í-chēng, An-siāⁿ ê chē-si Pho-thê-hui-lāh ê cha-bó·-kiáⁿ A-se-láp ká Iok-sek siⁿ nng ê kiáⁿ. ⁵¹Iok-sek ká toā kiáⁿ hō miā kiò Má-ná-se; in-ūi i kóng, Siōng-tè hō· goá boē-kī-tit goá it-chhè ê khùn-khó·, kap goá ê lāu-pē ê choân-ke. ⁵²I ká tē-jī kiáⁿ hō miā Í-hoat-liān; in-ūi i kóng, Siōng-tè hō· goá tī goá siū-khó· ê toē-hng heng-ōng. ⁵³Ai-kip toē chhit-nî hó-nî-tang í-keng oân, ⁵⁴chhit-nî ki-hng chiū lāi, tú-tú chiāu Iok-sek só· kóng--ê; ták-kok lóng ũ ki-hng; tók-tók Ai-kip choân-toē ũ bí-niū.

⁵⁵Kàu Ai-kip choân-toē ũ ki-hng, chēng

peh-siⁿ tui Hoat-ló ai-kiu bí-niū; Hoat-ló tui Ai-kiap ê cheng-lâng kóng, Lín khi chhē Iok-sek, hoān-nā i só· kóng--ê, lín lóng tiòh choè.
⁵⁶Tng-sī ki-hng piàn-moá thiⁿ-ē; Iok-sek khui ták só·-chāi ê chhek-chhng, thiò bí-niū hō· Ai-kiap lāng; tī Ai-kiap toē ki-hng chin siong-tiōng.
⁵⁷Ták-kok ê lāng lóng khi Ai-kiap, kàu Iok-sek hia tiáh ní-niū; in-ūi thiⁿ-ē ki-hng chin siong-tiōng.

42 Ngá-kok khoàⁿ-kìⁿ Ai-kiap ū gō·-kak, Ngá-kok chiū kā i hiah ê kiáⁿ kóng, Lín siáⁿ-sū teh saⁿ-khoàⁿ. ²Koh kóng, Goá thiaⁿ-kìⁿ Ai-kiap ū gō·-kak, lín thang lóh-khi hia, ūi lán tiáh tām-pòh, hō· lán thang tō·-oáh, bián sí.
³Tui án-ni Iok-sek chấp ê hiaⁿ lóng lóh Ai-kiap, khi tiáh bí-niū. ⁴Chóng-sī Iok-sek ê sió-tī Piān-ngá-bín, Ngá-kok bô chhe i kap in hiaⁿ saⁿ-kap khi; in-ūi i kóng, Kiaⁿ-liáu i tú-tiòh hāi. ⁵Lái tiáh bí-niū ê lāng ê tiong-kan, Í-sek-liát hiah ê kiáⁿ iah ū lái, in-ūi Ka-lâm toē iah ū ki-hng. ⁶Tng-sī tī-lí Ai-kiap toē ê sī Iok-sek; thiò bí-niū hō· hit só·-chāi ê cheng peh-siⁿ--ê, iah sī i; Iok-sek hiah ê hiaⁿ lái, phak-lóh toē pài i. ⁷Iok-sek khoàⁿ-kìⁿ i hiah ê hiaⁿ, oē jīm--tit, ké-choè siⁿ-hūn-lāng, tui in kóng khah-giām ê oē, m̄ng in kóng, Lín tui tah-lóh lái? in kóng, Tui Ka-lâm toē lái tiáh bí-niū. ⁸Iok-sek oē jīm-tit in hiaⁿ, in boē jīm--tit i. ⁹Iok-sek kì-tit cheng só· bāng lūn-kàu in-ê hiah ê bāng, chiū tui in kóng, Lín sī cheng-thām, lái thām-thiaⁿ chit só·-chāi ê hu-sít. ¹⁰In tui i kóng, goán ê chú ah, m̄-sī, lí ê lô·-pók lái beh tiáh bí-niū. ¹¹Goán lóng sī chit-lāng ê kiáⁿ, goán sī láu-sít lāng, lí ê lô·-pók m̄-sī cheng-thām. ¹²Iok-sek kā in kóng, M̄-sī án-ni, lín lái sī beh thām-thiaⁿ chit só·-chāi ê hu-sít. ¹³In kóng, Lí ê lô·-pók chấp-jī ê hiaⁿ-tī, sī Ka-lâm toē chit ê lāng ê

kiáⁿ; tē-it-soè--ê, hiān-kim tī goán lāu-pē hia; ū chit-ê bô--khi lah. ¹⁴Iok-sek kā in kóng, Goá tú-á kóng lín sī cheng-thām, chit ê oē sít-chāi bô chhò. ¹⁵Goá kí Hoat-ló ê siⁿ-miā lái chiū-choā, nā lín soah-bé ê sió-tī bô kàu chia, lín boē-tit-thang chhut chit só·-chāi; ēng án-ni lái chhi-giām lín ê hu-sít. ¹⁶Tiòh chhe lín tiong-kan chit-lāng khi chhoā lín ê sió-tī lái, lín chia-ê lóng tiòh koaiⁿ tī chia, cheng-bēng lín ê oē, chai lín sēng-sít á-bô; nā bô, goá kí Hoat-ló ê siⁿ-miā lái chiū-choā, lín it-tēng sī cheng-thām. ¹⁷Tui án-ni Iok-sek chiong in lóng koaiⁿ tī Kaⁿ--nih saⁿ-jít.

¹⁸Kàu tē-saⁿ jít Iok-sek tui in kóng, Goá keng-ūi Siōng-tè; lín chiàu goá ê oē kiáⁿ, chiū oē oáh. ¹⁹Lín nā kó-jian sī láu-sít lāng, lín hiaⁿ-tī-tiong thang lāu chit-ê pāk tī lín hí kaⁿ-lāi; chóng-sī lín thang toà bí-niū tò--khi, kiū lín ke-lāi ê ki-hng, ²⁰chiong lín soah-bé sió-tī chhoā lái goá chia; án-ni lín ê oē chiū ū pîn-kù, lín iā m̄-bián sí. In chiū chiàu án-ni kiáⁿ. ²¹In saⁿ-kap kóng, Lán tui tī lán ê sió-tī sít-chāi ū choē, i ai-kiu lán ê sī, lán khoàⁿ-kìⁿ i sim-lāi ê kan-khó·, iā m̄-khéng thiaⁿ i; só·-í chit-tiūⁿ ê khó·-lān kàu tī lán. ²²Liū-piān in in kóng, Goá kiám m̄-sī tui lín kóng, m̄-thang hāi hit ê gín-á lái chhú-choē, tók-tók lín m̄-thiaⁿ? só·-í lâu i ê huìh ê choē, tui lán chia-ê thó. ²³In m̄-chai Iok-sek thiaⁿ oē hiáu--tit; in-ūi tī in tiong-kan ū ēng hoan-ék-koaiⁿ. ²⁴Iok-sek oát-túg-sin lâu bák-sái; koh oát-lái kap in kóng-oē; chiū tī in tiong-kan chhú Se-biān chhut--lái, tī in ê bīn-cheng kā i pāk--teh. ²⁵Iok-sek hoan-hù lāng chiong gō·-kak jip tī in ê khi-kū kàu moá-moá, iā chiong in ták-lāng ê gūn hē tī in ê pò·-tē-lái, lái hēng in, koh ēng lō--nih ê chiáh-mih hō· in; lāng chiū chiàu án-ni lái kā in choè.

²⁶In chiū chiong gō·kak hō· in ê lū chài, chiū lī-khui hia khi. ²⁷Kàu hioh-mī ê só·chāi, in tiong-kan ū chit-lâng tháu-khui i ê pò·tē, beh thèh hō· lū chiáh, chiah khoàⁿ-kìⁿ i ê gūn iū-goân tī--teh, hē tī pò·tē-kháu. ²⁸Chiū kā i ê hiaⁿ-tī kóng, Goá ê gūn hêng tò-tng, lí khoàⁿ, iū-goân tī goá ê pò·tē-lāi; in chiū kiaⁿ kàu bô sim-koaⁿ, ngiáuh-ngiáuh-chhoah, saⁿ-kap kóng, Siōng-tè án-ni khoán-thāi lán sī sím-mih? ²⁹In kàu Ka-lâm toē, kàu in lâu-pē Ngá-kok hia, chiong só· tú-tiòh ê sū lóng kā i kóng, kóng, Hit-lâng, chiū-sī hit só·chāi ê chú, tui goán kóng chin giâm ê oē, liáh goán choē hit só·chāi ê cheng-thām. ³¹Goán kā i kóng, Goán sī láu-sit lêng, goán m̄-sī cheng-thām, ³²goán sī chấp-jī ê hiaⁿ-tī, sī goán lâu-pē ê kiáⁿ; ū chit-ê bô--khi, tē-it-soē-ê hiân-kim kap goán lâu-pē tī Ka-lâm toē. ³³Hit-lâng chiū-sī hit só·chāi ê chú, kā goán kóng, Nā ài hō goá chai lín sī láu-sit lêng, lín hiaⁿ-tī-tiong thang lâu chit-ê tī goá chia, lín chiah-ê thang toà gō·kak tò--khi, kiù lín ke-lāi ê ki-hng; ³⁴chhoā lín soah-bé ê sió-tī lâi goá chia, goá chiū chai lín m̄-sī cheng-thām, sī láu-sit lêng; án-ni goá chiū chiong lín ê hiaⁿ-tī kau hō· lín, lín iā thang tī chit só·chāi boē boē.

³⁵Āu-lâi in piàⁿ in ê pò·tē, bô phah-sng, in ták-lâng ê gūn-pau lóng tī in ê pò·tē-lāi; in kap in lâu-pē khoàⁿ-kìⁿ gūn-pau chiū lóng kiaⁿ-hiāⁿ. ³⁶In ê lâu-pē Ngá-kok kā in kóng, Lín hō· goá sit-lòh goá ê kiáⁿ; Iok-sek bô--khi, Se-biān iā bô--khi, lín koh beh chhoā Piān-ngá-bín khi; chiah ê tãi-chì lóng sī hāi-tiòh goá. ³⁷Liū-piān kā i ê lâu-pē kóng, Goá nā bô chhoā i tò-lâi kau lí, lí thang thāi goá nng ê kiáⁿ; choē lí thang chiong i kau-tài goá, goá tek-khak chhoā i tò--lâi kau lí. ³⁸Ngá-kok

kóng, goá ê kiáⁿ goá bô beh hō· i kap lín khi; i ê hiaⁿ í-keng sí, chí-ū chhun i; i nā tī lín só· kiáⁿ ê lō· tú-tiòh hām-hāi, he! chiū-sī lín hō· goá pèh-thâu-mng chhiⁿ-chhám lōh im-hú.

43 Hit só·chāi ki-hng chin-toā. In tui Ai-klp toà-lâi ê gō·kak í-keng chiah-liáu, in lâu-pē kā in kóng, Lín tiòh khi kā lán tiáh tām-pòh bí-niū lâi. ³Iū-tāi in i kóng, Hit-lâng chhiat-chhiat hoan-hù goán kóng, Lín sió-tī nā bô kap lín saⁿ-kap lâi, lín chiū boē tit-tiòh kìⁿ goá ê bīn. ⁴Lín nā chhe goán sió-tī kap goán saⁿ-kap khi, goán chiū lòh--khi, kā lí tiáh bí-niū. ⁵Lí nā m̄ chhe i khi, goán chiū m̄ lòh--khi; in-ūi hit-lâng kā goán kóng, Lín sió-tī nā bô kap lín saⁿ-kap lâi, lín chiū boē tit-tiòh kìⁿ goá ê bīn. ⁶Í-sek-liát kóng, Lín siáⁿ-sū án-ni hāi goá, kā hit-lâng kóng lín iáu ū sió-tī ah? ⁷In in kóng, Hit-lâng tì-ì mng goán kap goán chhin-chòk ê tãi-chì kóng, Lín lâu-pē iáu tī-teh bô? lín iáu ū hiaⁿ-tī bô? goán chiàu i só· mng--ê kā i kóng; goán thāi-thó oē chai i beh kóng, Tiòh toà lín sió-tī lòh--lâi? ⁸Iū-tāi koh kā i ê lâu-pē Í-sek-liát kóng, Lí chhe gín-á kap goá khi, goán chiū khí-sin khi, thang hō· goán kap lí, í-klp goán ê gín-á, tit-tiòh oáh, bián sí. ⁹Goá kā i pó, lí thang tui goá thó; goá nā bô chhoā i tò-lâi, khiā tī lí ê bīn-chêng, goá goán it-seng tam-tng choē. ¹⁰Lán nā m̄-sī ū iân-chhiân, í-keng tē-jī-pái tò--lâi lah. ¹¹In lâu-pē Í-sek-liát tui in kóng, Nā sī án-ni, lín chiū tiòh án-ni choē; thang chhú chit só·chāi tē-it hó ê thó·sán, jú-hiūⁿ tām-pòh, phang-bit tām-pòh, í-klp hiūⁿ-liáu, bít-ióh, húi-chí, hēng-jín, lóng siu tī khí-kū lâi; toà--khi sàng hit-lâng. ¹²Koh tiòh toà gūn tēng-pē, iáh tiòh chiong lín pò·tē-kháu, i hēng lín ê gūn, toà tò-tng khi hō--i; hit-ê kiám-chhái sī sit-chhò; ¹³iáh chhoā lín sió-tī khí-sin, khi koh kìⁿ hit-

lâng. ¹⁴Tók-tók goān choān-lêng ê Siōng-tè hō· lín tī hit-lâng ê bīn-chêng tit-tiōh lín-bín; chiong lín hit ê hiaⁿ-tī kap Piān-ngá-bín kau lín; goá nā sit-lòh goá ê kiáⁿ, iáh tiōh hō· i sit-lòh chiū-sī. ¹⁵Tùi hit-tiáp in toà hiah ê lé-mih, iáh toà gūn tēng-pē, koh choā Piān-ngá-bín, khí-sin lòh--khì Ai-kíp; khiā tī Iok-sek ê bīn-chêng.

¹⁶Iok-sek khoàⁿ-kìⁿ Piān-ngá-bín kap in saⁿ-kap lâi, chiū tùi koán-ke--ê kóng, Chhoā chiah ê lâng khi chhù--lâi, thâi cheng-siⁿ, pī-pān iân-siáh; in-ūi jít-tàu, chiah ê lâng beh kap goá saⁿ-kap chiah. ¹⁷Hit-lâng chiū chiàu Iok-sek ê oē khi kiáⁿ; choā in hiah ê lâng jip Iok-sek ê chhù. ¹⁸Hiah ê lâng, in-ūi hō· i choā kau Iok-sek ê chhù, chiū kiaⁿ-hiáⁿ; kóng, Chhoā lán kau chia, tek-khak sī in-ūi thâu-chít-pái hêng lán tī pò·-tē-lâi ê gūn, beh chhē lán ê khang-phāng, hē chhiú hāi lán, kiōng-kiōng liáh lán choē lô·-pòk, chhiúⁿ lán ê lú. ¹⁹In chiū oá-kūn Iok-sek ê koán-ke--ê, tī chhù-mūg-kháu kap i kóng-oē, ²⁰kóng, Goá ê chú ah, goán thâu-pái lòh-lâi, sit-chāi sī beh tiáh bí-niū; ²¹āu-lâi kau hioh-mī ê só·-chāi, khui goán ê pò·-tē, bô phah-sùg, goán ták-lâng ê gūn chiok-sò· iū-goān tī ták-lâng ê pò·-tē-kháu; taⁿ goán ū koh toà--lâi; goán lēng-goā ū koh toà gūn beh lâi tiáh bí-niū; ²²goán m̄-chai chī-chui chiong goán ê gūn hē tī goán ê pò·-tē-lâi. ²³Koán-ke--ê kóng, Choē lín an-sim, bián kiaⁿ; sī lín ê Siōng-tè, kap lín lâu-pē ê Siōng-tè, siúⁿ-sù lín chái-pó tī lín ê pò·-tē-lâi; lín ê gūn goá í-keng siu-liáu. Chiū choā Se-biān chhut-lâi hō· in. ²⁴Hit-lâng chiū choā hiah ê lâng jip Iok-sek ê chhù, phāng chú hō· in, in chiū soé kha; koh thêh chháu-liáu chhī in ê lú. ²⁵In chiū pī-pān hiah ê lé-mih, thèng-hāu Iok-sek jít-tàu tò--lâi; in-

ūi in thiaⁿ-kìⁿ beh tī-hia chiah.

²⁶Iok-sek tò--lâi kau chhù, in chiū chiong só· toà--lâi ê lé-mih thêh jip chhù sàng--i; koh phak tī toē--nih pài i. ²⁷Iok-sek m̄ng in pēng-an; koh kóng, Lín ê lâu-pē, chiū-sī lín só· kóng hit ê lâu-lâng, pēng-an mah? i iáu tī--teh mah? ²⁸In in kóng, Lí ê lô·-pòk, goán ê lâu-pē pēng-an, i iáu tī--teh; in chiū àⁿ-thâu pài i. ²⁹Iok-sek kiáh-bák khoàⁿ-kìⁿ i tâng-bú ê sió-tī, Piān-ngá-bín; chiū kóng, Lí só· ká goá kóng soah-bé sió-tī, sī chit-ê mah? Koh kóng, Soé-kiáⁿ, goān Siōng-tè si-un hō· lí. ³⁰Iok-sek thiáⁿ sió-tī ê chêng toā siū kek-tōng; chiū koáⁿ-kín chhē chit-ūi thang thī-khau; jip i ê pāng-keng thī-khau; ³¹āu-lâi soé-bīn chhut-lâi, bián-kióng lún--teh; hoan-hù khui-toh. ³²In chiū ūi Iok-sek lēng-goā pài chit tē toh, ūi hiah ê lâng koh pài chit tē, iáh ūi kap Iok-sek saⁿ-kap chiah ê Ai-kíp lâng lēng-goā pài chit-tē; in-ūi Ai-kíp lâng boē thang kap Hi-pek-lâi lâng saⁿ-kap chiah, che sī Ai-kíp lâng só· iām-òⁿ. ³³Hiah ê lâng chē tī i ê bīn-chêng, toā-soē chiàu in nī-hē ê chhù-sū; hiah ê lâng tãi-ke gōng-ngiáh. ³⁴Iok-sek chiong i bīn-chêng ê chiah-mih, pun hō· in; tók-tók Piān-ngá-bín só· tit-tiōh--ê, pí pát-lâng gō·-pē choē; in chiū lim chiú, kap Iok-sek saⁿ-kap iàn-lók.

44 Iok-sek hoan-hù koán-ke--ê kóng, chiong bí-niū jip moá chiah ê lâng ê pò·-tē, chīn in só· oē toà--ê; koh chiong ták-lâng ê gūn lok tī i ê pò·-tē-kháu. ²Iáh chiong goá ê poe, chiū-sī hit tē gūn-poe, hē tī siàu-liân--ê ê pò·-tē-kháu; i tiáh gō·-kak ê gūn iáh soà hē--teh. Koán-ke--ê chiū chiàu Iok-sek só· kóng ê oē khi kiáⁿ. ³Thiⁿ chit-ē kng, chiū chhe hiah ê lâng kap in ê lú khi. ⁴In chhut siáⁿ kiáⁿ bô joā-hūg, Iok-sek ká koán-ke--ê kóng, Khí--lâi, khi tui-jip hiah ê lâng, tui-tiōh, chiū ká in

kóng, Lín siáⁿ-sū ēng pháiⁿ pò hó ah? ⁵Che kiám m̄-sī goá ê chú-lâng lim-chiú ê poe mah? Kiám m̄-sī i chiam-pok teh ēng--ê mah? lín án-ni choè sī pháiⁿ. ⁶Koán-ke--ê tui-tiòh in, chiong chiaⁿh ê oē kā in kóng. ⁷In in kóng, goá ê chú siáⁿ-sū kóng chit hō oē? lí ê lô-pók toàn-toàn bô choè chit-hō sū. ⁸Lí khoàⁿ, goán chêng tī pò-tē-kháu só· khoàⁿ-kìⁿ ê gûn, siōng-chhiáⁿ tùi Ka-lâm toē toà--lâi hêng lí; goán thái-thó oē tùi lí chú-lâng ê ke thau-thêh kim-gûn ah? ⁹Lí ê lô-pók ê tiong-kan, bô-lûn tī sím-mih lâng hia chhiau--tiòh, chiū hō· i sí, goán iah beh choè goá ê chú-lâng ê lô-pók. ¹⁰Koán-ke--ê kóng, Taⁿ chiū chiàu lín ê oē kiáⁿ; tī sím-mih lâng hia chhiau--tiòh, hit-lâng chiū choè goá ê lô-pók; kî-û--ê lóng bô choè. ¹¹Tùi hit-tiáp in ták-lâng koáⁿ-kín chiong pò-tē siá tī thô-kha, ták-lâng tháu-khui in ê pò-tē. ¹²Koán-ke--ê chiū chhiau, tùi toā--ê khí, kàu soē--ê chí; hit ê poe keng-jân tī Piān-ngá-bín ê pò-tē-lâi chhiau--tiòh. ¹³In chiū thiah-lih in ê saⁿ, ták-lâng chiong in ê mih hō· lû chàì, tò--khì siáⁿ-lâi. ¹⁴Iû-tâi kap i ê hiaⁿ-tī kàu Iok-sek ê chhù, Iok-sek iáu tī-hia, in chiū tī i ê bîn-chêng phak-lòh toē. ¹⁵Iok-sek kā in kóng, Lín só-choè--ê sī sím-mih sū? lín kiám m̄-chai, chhin-chhiūⁿ goá chit-hō ê lâng oē chiam-pok mah? ¹⁶Iû-tâi kóng, Goán tùi goá ê chú beh kóng sím-mih? iáu ū siáⁿ oē thang kóng? goán thái oē ka-kī sò-bêng ah? Siōng-tè í-keng cha-chhut lí ê lô-pók ê choē-koà, goán kap hit-ê tī i ê chhiú chhiau tiòh poe--ê, lóng sī goá ê chú ê lô-pók. ¹⁷Iok-sek kóng, Goá toàn-toàn bô beh án-ni choè; Tī sím-mih lâng ê chhiú chhiau tiòh poe, hit-lâng chiū tiòh choè goá ê lô-pók; lín chiaⁿ-ê thang pêng-an chiūⁿ khì lín lâu-pē hia.

¹⁸Iû-tâi oá-kūn i kóng, Goá ê chú ah, kiû lí iōng-ún lí ê lô-pók kóng chit-kù-oē hō· goá ê chú thiaⁿ, bôh-tit siū-khì lí ê lô-pók; in-ūi lí kap Hoat-ló chit-iūⁿ. ¹⁹Goá ê chú bat m̄ng lí chiaⁿh ê lô-pók kóng, Lín ū lâu-pē, ū hiaⁿ-tī bô? ²⁰Goán kā goá ê chú kóng, Goán ū lâu-pē, í-keng nî-lâu; iáu ū i nî-lâu só· siⁿ chit ê soah-bé kiáⁿ; i ê hiaⁿ í-keng sí, i ê lâu-bú kan-ta pàng i chit-ê, koh i ê lâu-pē chin thiáⁿ--i. ²¹Lí kā lí ê lô-pók kóng, Chhoā i lòh--lâi goá chia, hō· goá chhin-bák khoàⁿ-kìⁿ i. ²²Goán kā goá ê chú kóng, Gín-á boē-oē lī-khui i ê lâu-pē; nā lī-khui i ê lâu-pē, lâu-pē tek-khak sí. ²³Lí kā lí ê lô-pók kóng, Lín ê soah-bé sió-tī nā bô kap lín saⁿ-kap lòh--lâi, lín chiū boē-tit koh kìⁿ goá ê bîn. ²⁴Goán chiūⁿ kàu lí ê lô-pók, goán lâu-pē hia, chiū chiong goá ê chú ê oē kā i kóng. ²⁵Goán ê lâu-pē kóng, Lín koh khì kā lán tiáh tām-pòh bí-niû lâi. ²⁶Goán chiū kóng, Goán boē-oē lòh-khì; goán ê soah-bé sió-tī nā kap goán saⁿ-kap khì, goán chiū beh lòh--khì; in-ūi soah-bé sió-tī nā bô kap goán saⁿ-kap khì, goán tek-khak boē-tit kìⁿ hit-lâng ê bîn. ²⁷Lí ê lô-pók, goá ê lâu-pē, kā goán kóng, Lín chai goá ê bó· kā goá siⁿ n̄ng ê kiáⁿ; ²⁸chit-ê lī-khui goá chhut-khì, goá kóng i tek-khak sī hō· iá-siū thiah-chhùi; kàu-taⁿ goá iáu m̄-bat khoàⁿ-kìⁿ; ²⁹taⁿ lín koh chiong chit-ê chhoā-khì, lī-khui goá; nā i tú-tiòh hām-hāi, chiū-sī lín hō· goá pèh-thâu-m̄ng chhiⁿ-chhám lòh im-hú. ³⁰Goán lâu-pē ê siⁿ-miā kap chit ê gín-á ê siⁿ-miā siⁿ saⁿ-liân; taⁿ goá tò--khì lí ê lô-pók goá ê lâu-pē hia; nā gín-á bô kap goán saⁿ-kap tī-teh, goán ê lâu-pē khoàⁿ bô gín-á, i chiū tek-khak sí. ³¹che chiū-sī goán hō· lí ê lô-pók, goán ê lâu-pē, pèh-thâu-m̄ng chhiⁿ-chhám lòh im-hú. ³²In-ūi lí ê lô-pók bat tùi goá ê lâu-pē pó chit ê gín-á, kóng, Goá nā

bô chhoā i tò--lâi kau lí, goá goān tī lâu-pē ê bīn-chêng it-seng tam-tng choē. ³³Taⁿ kiū lí iōng-ún lí ê lô·-pók tiàm--teh, thoè chit ê gín-á choē goá ê chú ê lô·-pók; hō· gín-á kap i hiah ê hiaⁿ saⁿ-kap chiūⁿ--khì. ³⁴Nā gín-á bô kap goá saⁿ-kap khì, goá thái-thó oē chiūⁿ--khì kīⁿ goá ê lâu-pē ah? kiaⁿ-liáu goá khoàⁿ--kīⁿ goán lâu-pē só· tú-tiòh ê chai-ē.

45 Iok-sek tī hiah-ê khiā i sin-piⁿ ê làng ê bīn-chêng lún-boē-tiâu; chiū hoah kóng, Chèng-lâng tiòh lī-khui goá chhut-khì. Iok-sek chiong i pún-sin hō· hiaⁿ-tī jīn-tit ê sī, bô chít-lâng khiā tī i ê bīn-chêng. ²I chiū chhut-siaⁿ toā-khàu; Ai-klip lêng thiaⁿ--kīⁿ, Hoat-ló ê ke iáh thiaⁿ--kīⁿ. ³Iok-sek ká i ê hiaⁿ-tī kóng, Goá sī Iok-sek, goá ê lâu-pē iáu tī-teh mah? I ê hiaⁿ-tī boē-oē in, in-ūi tī i ê bīn-chêng lóng kiaⁿ--hiáⁿ. ⁴Iok-sek koh ká i ê hiaⁿ-tī kóng, Chhiáⁿ kiáⁿ--oá--lâi. In chiū oá--lâi. I kóng, Goá sī lín ê sió-tī Iok-sek, chiū-sī lín só· boē kàu Ai-klip--ê. ⁵Taⁿ m̄-bián in-ūi boē goá kàu chia lâi iu-būn, lâi ka-kī oàn-hūn; che sī Siōng-tè chhe goá tãi-seng lín lâi, in-ūi beh pó-choân sīⁿ--miā. ⁶Taⁿ tī chit só·-chāi ê ki-hng í-keng nng-nî, iáu ū gō·-nî, bô thang chêng-choh, bô thang siu-sêng. ⁷Siōng-tè chhe goá tãi-seng lín lâi, ūi-tiòh beh ká lín lâu chhun ê chéng-chók tī sè-chiūⁿ; koh beh kiáⁿ I toā ê chín-kiù, pó-choân lín ê oáh-miā. ⁸Án-ni khoàⁿ--khí-lâi, chhe goá kàu chia ê, m̄-sī lín, chiū-sī Siōng-tè; I koh hō· goá chhin-chhiūⁿ Hoat-ló ê pē, choē i choân-ke ê chú, kap koán-lí Ai-klip choân-toē. ⁹Lín tiòh koáⁿ--kín chiūⁿ--khì goá ê lâu-pē hia, ká i kóng, Lí ê kiáⁿ Iok-sek án-ni kóng, Siōng-tè hō· goá choē choân Ai-klip ê chú, chhiáⁿ lóh--lâi goá chia, m̄-thang iân-chhián. ¹⁰Lí kap lí ê kiáⁿ lí ê sun, kap gū-kūn iūⁿ--kūn, í-klip

it-chhè só·-ū--ê, lóng thang lâi tiàm tī Kō-san ê toē, kap goá saⁿ--kūn. ¹¹Goá beh tī-hia hōng-sêng lí; in-ūi iáu ū gō· nî ê ki-hng, bián-tit lí, kap lí ê ke-koàn, kap it-chhè só·-ū--ê lóh-póh. ¹²Hô-hòng lín ê bák-chiu kap goá ê sió-tī Piān-ngá-bín ê bák-chiu lóng khoàⁿ--kīⁿ goá kap lín chhin-chhùi tui lín kóng-oē. ¹³Lín iā tiòh chiong goá tī Ai-klip it-chhè ê êng-kng kap lín só· khoàⁿ--kīⁿ ê sū, lóng ká goá ê lâu-pē kóng; koh tiòh koáⁿ--kín chiong goá ê lâu-pē poaⁿ--lâi goá chia. ¹⁴Tui án-ni Iok-sek phak tī i ê sió-tī Piān-ngá-bín ê âm-kún thí-khâu; Piān-ngá-bín iā tī i ê âm-kún thí-khâu. ¹⁵I koh kap cheng hiaⁿ-tī chim-chhùi, phō--in thí-khâu; āu-lâi i ê hiaⁿ-tī chiū kap i kóng-oē.

¹⁶Chit ê hong-siaⁿ thoân kàu Hoat-ló ê keng-lâi, kóng, Iok-sek ê hiaⁿ-tī lâi lah. Hoat-ló kap i ê jīn-sin lóng hoaⁿ--hí. ¹⁷Hoat-ló ká Iok-sek kóng, Lí tiòh ká lí ê hiaⁿ-tī kóng, Lín tiòh án-ni kiáⁿ; chiong mih hō· cheng-siⁿ chà; khí-sin khi Ka-lâm toē; ¹⁸chiong lín ê lâu-pē, kap lín ê ke-koàn, lóng poaⁿ--lâi goá chia; goá beh chiong Ai-klip toē ê hó-mih hō· lín, lín iáh thang chiáh chit só·-chāi ê san-tin hái-bī. ¹⁹Taⁿ goá bēng-lēng lí, lín tiòh án-ni choē; tui Ai-klip toē toà chhia khì, chiong lín ê gín-á, kap bó·, kap lín ê lâu-pē, lóng poaⁿ--lâi. ²⁰M̄-thang khoàⁿ--tāng lín ke-lâi ê mih, in-ūi Ai-klip choân-toē ê hó-mih, lóng sī lín ê.

²¹Í-sek-liát ê cheng-kiáⁿ chiū án-ni kiáⁿ. Iok-sek chiàu Hoat-ló ê bēng-lēng hō· in chhia, kap lô·-tiòng tiòh ēng ê chiáh-mih; ²²koh hō· in chít-lâng chít-thò i-hók; tók-tók hō· Piān-ngá-bín gūn saⁿ--pah, i-hók gō·-thò. ²³Sàng in lâu-pē ê mih, kī tī ē-toé; lū-káng chấp-chiah, chà Ai-klip ê hó-mih; lū-bú chấp-chiah, chà gō·-kak kap piáⁿ kap chhài, hō· in lâu-pē lô·--nih thang ēng. ²⁴Iok-sek chiū chhe

i ê hiaⁿ-tī tò--khì, in chiū khí-sin; koh kâ in kóng, Lín m̄-thang tī lō--nih oan-ke. ²⁵In tùi Ai-kíp chiūⁿ--khì, lâi kàu Ka-lâm toē, in lāu-pē Ngá-kok hia. ²⁶Kâ i kóng, Iok-sek iáu tī-teh, koh koán-lí Ai-kíp choân-toē. Ngá-kok sim hūn--khì, in-ūi m̄ sìn in ê oē. ²⁷In chiū chiong Iok-sek tùi in só· kóng ê oē, lóng kâ i kóng; i koh khoàⁿ-kìⁿ Iok-sek só· chhe--lâi beh chàì i ê chhia, in lāu-pē Ngá-kok ê sim oáh--khí-lâi. ²⁸Í-sek-liát kóng, Hó lah; goá ê kiáⁿ Iok-sek iáu tī-teh, thàn goá iáu-bē sí, goá beh khi khoàⁿ--i.

46 Í-sek-liát toà it-chhè só·-ū--ê, khí-sin lâi kàu Piát-sī-pa; chiū hiàn-chè hō· i ê lāu-pē Í-sat ê Siōng-tè. ²Mi-sī Siōng-tè tī ĩⁿ-siōng ê tiong-kan kâ Í-sek-liát kóng, Ngá-kok ah, Ngá-kok ah. I kóng, Goá tī chia. ³Siōng-tè kóng, Goá sī Siōng-tè, chiū-sī lí ê lāu-pē ê Siōng-tè; lí lōh--khì Ai-kíp m̄-sái kiaⁿ; in-ūi Goá beh hō· lí tī-hia chiāⁿ-choè toā-kok. ⁴Goá beh kap lí saⁿ-kap lōh--khì Ai-kíp, Goá iah tek-khak chhoā lí khí-lâi; Iok-sek beh chhiú hoāⁿ lí ê bák-chiu, hō· lí khoeh. ⁵Ngá-kok chiū tùi Piát-sī-pa khí-sin; Í-sek-liát hiah ê kiáⁿ, hō· in ê lāu-pē Ngá-kok, kap in ê kiáⁿ-jī, in ê bó·, lóng chē tī Hoat-ló só· chhe--lâi beh chàì i ê chhia. ⁶Ngá-kok kap i it-chhè ê kiáⁿ-sun, toà in ê cheng-siⁿ, í-kíp tī Ka-lâm toē só· tit-tiōh ê hē-châi, lóng kàu Ai-kíp. ⁷Ngá-kok toà i ê kiáⁿ, sun, cha-bó·-kiáⁿ, cha-bó·-sun, kap i it-chhè ê hō·-è, lóng kàu Ai-kíp.

⁸Í-sek-liát lāng kàu Ai-kíp--ê, Ngá-kok kap i ê kiáⁿ, in ê miâ kì tī ē-toé. ⁹Ngá-kok ê toā-kiáⁿ Liū-piān. ⁹Liū-piān ê kiáⁿ; Hap-lók, Hoat-lō·, Hi-su-lún, Ka-bí. ¹⁰Se-biān ê kiáⁿ; Iā-bó·-lí, Ngá-bín, O-hat, Ngá-kun, Só-hat; iáu ū Ka-lâm toē ê hū-jîn-lāng ê kiáⁿ Sò-lô. ¹¹Lī-bī ê kiáⁿ; Kek-sūn, Kho-hat, Bí-lah-lī.

¹²Iū-tāi ê kiáⁿ; Jīⁿ, Gô-lâm, Sī-láh, Hoat-lèk-su, Siā-láh; tók-tók Jīⁿ kap Gô-lâm sí tī Ka-lâm toē. Hoat-lèk-su ê kiáⁿ; Hi-su-lún, Hap-bó·-lèk. ¹³Í-sat-ka ê kiáⁿ; Tô-láh, Phó·oá, Iok-pek, Sin-lún. ¹⁴Se-pò·-lún ê kiáⁿ; Se-liát, Í-lún, Ngá-lī. ¹⁵Chiah-ê sī Lī-a tī Pa-tàn-a-lân kâ Ngá-kok só· siⁿ ê kiáⁿ; koh ū i ê cha-bó·-kiáⁿ Tí-ná; kiáⁿ-sun lâm-lú kiōng saⁿ-cháp-saⁿ lāng. ¹⁶Ka-tek ê kiáⁿ; Sé-hui-ūn, Hap-ki, Su-nī, Í-su-pún, Í-lī, A-lô-tí, A-liát-lī. ¹⁷A-siat ê kiáⁿ; Im-ná, Ek-si-oá, Ek-si-úi, Pí-lī-a; koh in ê sió-bē Se-láh. Pí-lī-a ê kiáⁿ; Hi-piat, Má-kiat. ¹⁸Che sī Láh-pan hō· i ê cha-bó·-kiáⁿ Lī-a ê lú-pī Sek-phàⁿ só· siⁿ ê kiáⁿ-sun; chiū-sī i kâ Ngá-kok siⁿ--ê; kiōng cháp-lák lāng. ¹⁹Ngá-kok ê bó· Láh-kiat ê kiáⁿ; Iok-sek kap Piān-ngá-bín. ²⁰Iok-sek tī Ai-kíp toē siⁿ Má-ná-se kap Í-hoat-liân; chiū-sī An-siāⁿ ê chē-si, Pho-thē-hui-láh ê cha-bó·-kiáⁿ, A-se-láp, kâ Iok-sek siⁿ--ê. ²¹Piān-ngá-bín ê kiáⁿ; Pí-láh, Pí-kiat, A-sít-piát, Kí-láh, Nái-bān, Í-hi, Lô-sít, Bó·-pêng, Hō·-pêng, A-lèk; ²²che sī Láh-kiat kâ Ngá-kok só· siⁿ ê kiáⁿ-sun, kiōng cháp-si lāng. ²³Tàn ê kiáⁿ, Hō·-sin. ²⁴Ná-hut-tha-lī ê kiáⁿ; Ngá-siat, Ko·-nī, Iā-sek, Sī-léng; ²⁵che sī Láh-pan hō· i ê cha-bó·-kiáⁿ Láh-kiat ê lú-pī Phek-láh só· siⁿ ê kiáⁿ-sun, chiū-sī i kâ Ngá-kok só· siⁿ--ê; kiōng chhit-lāng. ²⁶Hiah ê kap Ngá-kok saⁿ-kap kàu Ai-kíp--ê, tū i ê sim-pū í-goā, kìⁿ-nā tùi i sin-khu só· chhut--ê, kiōng lák-cháp-lák lāng. ²⁷Koh ū Iok-sek tī Ai-kíp só· siⁿ ê kiáⁿ, nng-ê; Ngá-kok ê ke lâi kàu Ai-kíp--ê kiōng chhit-cháp lāng.

²⁸Ngá-kok chhe Iū-tāi choè-thâu khi kìⁿ Iok-sek, thang chhoā in khi Ko-san; in chiū kàu Ko-san ê toē. ²⁹Iok-sek pī-pān i ê chhia; khi Ko-san, ngiā-chih i ê lāu-pē Í-sek-liát; kàu kìⁿ--tiōh bīn, chiū phak tī lāu-pē ê ām-kún, tī

ām-kún--nih khàu kú-kú. ³⁰Í-sek-liát kā Iok-sek kóng, Goá kìⁿ--tiòh lí ê bīn, chai lí iáu oáh--teh, goá taⁿ sí iáh kam-sim. ³¹Iok-sek kā i ê hiaⁿ-tī kap lâu-pē ê ke kóng, Goá beh chiūⁿ-khì thong-ti Hoat-ló, kā i kóng, Goá ê hiaⁿ-tī kap goá ê lâu-pē ê ke, chêng tī Ka-lâm toē--ê, taⁿ lóng lâi kàu goá chia. ³²In sī bók-chiá, in-ūi in sī chhī cheng-siⁿ ê lâng; in chiong iūⁿ-kūn, gū-kūn, kap it-chhè sóⁿ-ū--ê lóng toà--lâi. ³³Hoat-ló tiâu lín ê sī, nā m̄ng lín kóng, Lín choè sím-mih thâu-lō? ³⁴Lín tiòh kóng, Lí ê lôⁿ-pók, tui siàu-liân kàu-taⁿ, goán liân goán ê chóⁿ-kong lóng sī teh chhī cheng-siⁿ; án-ni lín thang lâi khiā tī Ko-san ê toē; in-ūi kìⁿ-nā chhī cheng-siⁿ--ê, lóng sī Ai-kiap lâng sóⁿ iām-chiān.

47 Iok-sek jip--khì kā Hoat-ló kóng, Goá ê lâu-pē kap goá ê hiaⁿ-tī toà in ê iūⁿ-kūn, gū-kūn, kap it-chhè sóⁿ-ū--ê, tui Ka-lâm toē lâi; taⁿ tī Ko-san ê toē. ²Iok-sek tui i ê hiaⁿ-tī ê tiong-kan keng gōⁿ lâng, chhoā in khi kìⁿ Hoat-ló. ³Hoat-ló m̄ng Iok-sek ê hiaⁿ-tī kóng, Lín choè sím-mih thâu-lō? In kā Hoat-ló kóng, Lí ê lôⁿ-pók pún-sin, kap goán ê chóⁿ-kong, lóng sī kòⁿ-iūⁿ ê lâng. ⁴In koh kā Hoat-ló kóng, Ka-lâm toē ki-hng chin siong-tiōng, lôⁿ-pók ê iūⁿ-kūn bô chháu thang chia; sóⁿ-í goán lâi, sī beh kià-kha tī chia; taⁿ kiú lí iōng-ún lí ê lôⁿ-pók tiàm tī Ko-san toē. ⁵Hoat-ló kā Iok-sek kóng, Lí ê lâu-pē kap lí ê hiaⁿ-tī lâi kàu lí chia; ⁶Ai-kiap toē lóng tī lí ê bīn-chêng; hōⁿ lí ê lâu-pē kap lí ê hiaⁿ-tī toà tī kok-lâi tē it hó ê toē; in thang toà tī Ko-san ê toē; lí nā chai in tiong-kan khah ū pún-sū ê lâng, chiū phài in koán-kòⁿ goá ê cheng-siⁿ. ⁷Iok-sek chhoā i ê lâu-pē Ngá-kok jip--khì khiā tī Hoat-ló ê bīn-chêng; Ngá-kok chiū kā Hoat-ló chiok-hok. ⁸Hoat-ló m̄ng Ngá-kok kóng,

Lí it-seng ê nī-jit sī joā-choē ah? ⁹Ngá-kok kā Hoat-ló kóng, goá kià-kha tī sè-kan ê nī-jit sī chit-pah saⁿ-cháp hē. Goá it-seng ê nī-jit iáh chió, iáh kan-khóⁿ, m̄-tát-tiòh goá ê liát-chóⁿ kià-kha tī sè-kan ê nī-jit. ¹⁰Ngá-kok koh kā Hoat-ló chiok-hok; chiū tui Hoat-ló ê bīn-chêng chhut-khì. ¹¹Iok-sek chiàu Hoat-ló ê bēng-lēng, chiong Ai-kiap kok tē-it hó ê toē, chiū-sī Lân-sek ê toē, hōⁿ i ê lâu-pē kap i hiaⁿ-tī khiā-khí, choè sán-giáp. ¹²Iok-sek ēng bí-niū hōng-sēng i ê lâu-pē, kap i ê hiaⁿ-tī, kap i ê lâu-pē choân-ke; lóng chiàu in ê lâng-giáh lâi kiong-kiap in.

¹³Ki-hng chin siong-tiōng, choân-toē lóng bô bí-niū; sīm-chi Ai-kiap toē kap Ka-lâm toē ê lâng, in-ūi ki-hng ê iân-kòⁿ, gō kàu hūn--khì. ¹⁴Iok-sek chū-chíp Ai-kiap toē kap Ka-lâm toē sóⁿ ū ê gūn, chiū-sī in tiáh bí-niū ê gūn; Iok-sek chiū chiong hiah ê gūn toà kàu Hoat-ló ê keng. ¹⁵Ai-kiap toē kap Ka-lâm toē ê gūn lóng ēng-liáu; Ai-kiap cheng-lâng lóng lâi kìⁿ Iok-sek kóng, Goán ê gūn lóng ēng-liáu lah, kiú lí hōⁿ goán bí-niū; goán siáⁿ-sū tiòh sí tī lí ê bīn-chêng? ¹⁶Iok-sek kóng, Nā sī gūn ēng-liáu, lín ê cheng-siⁿ thang khan--lâi; goá ūi-tiòh lín ê cheng-siⁿ beh hōⁿ lín bí-niū. ¹⁷In chiū chiong cheng-siⁿ koáⁿ kàu Iok-sek hia; Iok-sek chiū ēng bí-niū oāⁿ in ê bé, iūⁿ-kūn, gū-kūn, kap lū; hit-nī ūi-tiòh oāⁿ in it-chhè ê cheng-siⁿ, chiū ēng bí-niū iúⁿ-chhī in. ¹⁸Hit-nī í-keng kè; tē-jī nī, in koh lâi kìⁿ Iok-sek, kā i kóng, Goán boē moā--tit goá ê chú, goán ê gūn lóng ēng-liáu, cheng-siⁿ iáh lóng kui tī goá ê chú, goán tī goá ê chú ê bīn-chêng, tui goán ê sin-thé kap goán ê chhân-toē í-goā, bô chhun chit-hāng. ¹⁹goán siáⁿ-sū lâng sí, toē pha-hng, tī lí ê bák-chiu-chêng ah? kiú lí ēng bí-niū boē goán kap goán ê toē; goán kap goán

ê toē choē Hoat-ló ê lô·-ēng; koh ēng chéng-chí hō· goán, hō· goán tit-tiōh oáh, bián sí, thó·-toē iáh bián pha-hng.

²⁰Tùi án-ni Iok-sek ùi Hoat-ló boé Ai-klip só· ū ê toē; Ai-klip lāng in-ūi hō· ki-hng só· pek, ták-lāng lóng boē i ê chhân-toē; hiah ê toē chiū lóng kui tī Hoat-ló. ²¹Iok-sek chiàu chiah ê siāⁿ-ip chhian-soá Ai-klip ê peh-siⁿ tùi Ai-klip chit-pēng kàu tī hit-pēng. ²²Tòk-tók chè-si ê toē Hoat-ló bô boé-i; in-ūi chè-si ū tùi Hoat-ló tit-tiōh tiāⁿ-tiōh ê niū; in chiah Hoat-ló só· hō· in ê niū; só·-í in bô boē in ê toē. ²³Iok-sek kā peh-siⁿ kóng, Goá kin-á-jit ùi Hoat-ló boé lín kap lín ê toē; khoàⁿ ah, tī chia ū chéng-chí hō· lín, lín thang khi choh-chhân; ²⁴kàu siu-sēng ê sī, lín tiōh chiong gō·-hūn-chit lāp hō· Hoat-ló; si-hūn kui lín, choē chhân--nih ê chéng-chí, iáh choē lín kap lín ke-lāi lāng ê chiah-mih, í-klip lín ê gín-á ê chiah-mih. ²⁵In kóng, Lí ū kiù goán ê siⁿ-miā; goán goán tī goá ê chú ê bīn-chēng tit-tiōh un-tián, goán beh choē Hoat-ló ê lô·-pók. ²⁶Án-ni Iok-sek ùi Ai-klip ê toē, siat-lip tiāⁿ-tiōh ê lē, kàu tī kin-á-jit; Hoat-ló tit-tiōh gō·-hūn ê chit-hūn; tòk-tók chè-si ê toē bô kui Hoat-ló.

²⁷Í-sek-liát lāng khiā-khi Ai-klip kok, Kosan ê toē, in tī-hia kiàn-tì sán-giap, koh siⁿ-thoàⁿ kék-kī choē. ²⁸Ngá-kok tiàm tī Ai-klip toē cháp-chhit nī. Ngá-kok it-seng ê nī-jit sī chit-pah sì-cháp-chhit hē. ²⁹Í-sek-liát sí ê jit kūn lah; i chiū kiò i ê kiáⁿ Iok-sek lâi, kā i kóng, Goá nā tī lí ê bīn-chēng tit-tiōh un-tián, chhiáⁿ lí hē chhiú tī goá ê toā-thúi-ē, ēng chú-ài kap sēng-sit khoán-thāi goá; m̄-thang bài-chòng goá tī Ai-klip. Goá kap goá ê pē-kong tâng-khùn ê sī, lí tiōh chiong goá toà chhut Ai-klip, bài-chòng tī in bài-chòng ê toē. Iok-sek kóng, Goá beh chiàu lí ê oē lâi kiáⁿ.

³¹Ngá-kok kóng, Lí tiōh tùi goá chiū-choā; i chiū tùi i chiū-choā. Tùi án-ni Í-sek-liát oà chhng-thâu kèng-pài Siōng-tè.

48 Chiah ê tãi-chì liáu-āu, ū lāng kā Iok-sek kóng, Lín lāu-pē phoà-pīⁿ lah; i chiū chhoā i n̄ng ê kiáⁿ Má-ná-se, Í-hoat-liân, saⁿ-kap khi. ²Ū lāng thong-ti Ngá-kok kóng, Lí khoàⁿ, lí ê kiáⁿ Iok-sek lâi beh chhē lí; Í-sek-liát chiū bián-kióng khi-lâi, chē tī bīn-chhng. ³Ngá-kok kā Iok-sek kóng, Choân-lēng ê Siōng-tè bat tī Ka-lâm toē ê Lô·su tùi goá chhut-hiân, sù-hok goá; ⁴kā goá kóng, Goá beh hō· lí siⁿ-thoàⁿ choē-choē, chiāⁿ-choē choē-choē peh-siⁿ; iáh beh chiong chit ê toē siúⁿ-sù lí ê hō·-è, choē éng-oán ê giáp. ⁵Goá bē kàu Ai-klip lí chia ê tãi-seng, lí tī Ai-klip toē só· siⁿ n̄ng ê kiáⁿ, Í-hoat-liân Má-ná-se, sī goá-ē, chhin-chhiūⁿ Liū-piān Se-biān sī goá-ē chit-iūⁿ. ⁶Tī in í-āu, lí só· siⁿ ê kiáⁿ, chiū-sī lí ê; in thang kui tī in n̄ng ê hiaⁿ ê miā-ē, tit-tiōh giáp. ⁷Lūn-kàu goá, goá tùi Pa-tàn lâi ê sí, Láh-kiat sí tī goá ê bák-chiu-chēng, tī Ka-lâm toē, tī lô·--nih ê tiong-kan, lī-khui Í-hoat-tha iáu ū chit-chām; goá chiū kā i bài-chòng tī Í-hoat-tha ê lô· (Í-hoat-tha chiū-sī Pek-lī-hēng).

⁸Í-sek-liát khoàⁿ-kìⁿ Iok-sek n̄ng ê kiáⁿ, chiū kóng, Che sī chī-chūi? ⁹Iok-sek kā in lāu-pē kóng, Che sī goá ê kiáⁿ, Siōng-tè tī chia siúⁿ-sù goá-ē. Kóng, Chhiáⁿ lí chhoā in oá-kūn goá; goá beh kā in chiok-hok. ¹⁰Í-sek-liát nī-lāu, bák-chiu hoe boē khoàⁿ-kìⁿ; Iok-sek chhoā in kūn-oá i ê bīn-chēng, i chiū kā in chim-chhùi phō in. ¹¹Í-sek-liát kā Iok-sek kóng, Goá bô phah-sng oē kìⁿ-tiōh lí ê bīn; taⁿ Siōng-tè koh hō· goá khoàⁿ-tiōh lí ê kiáⁿ. ¹²Iok-sek chiong n̄ng ê kiáⁿ tùi i n̄ng ê kha-thâu-u-tiong chhoā--chhut-lâi; pún-sin

chiū phak-lòh toē pài. ¹³Āu-lâi Iok-sek koh khan in n̄ng-ê, chiàⁿ-chhiú khan Í-hoat-liân òng Í-sek-liát ê tò-chhiú, tò-chhiú khan Má-ná-se òng Í-sek-liát ê chiàⁿ-chhiú, chhoā in kün-oá i. ¹⁴Í-sek-liát chhun chiàⁿ-chhiú hoāⁿ Í-hoat-liân ê thâu-khak, i sī tē-jī-ê, koh phah-chhe ēng tò-chhiú hoāⁿ Má-ná-se ê thâu-khak, Má-ná-se pún sī toā-kiáⁿ. ¹⁵I chiū kā Iok-sek chiok-hok kóng, Goān goá ê chó· A-pek-láh-hán, kap goá ê pē Í-sat só· kiáⁿ tī I bīn-chêng ê Siōng-tè, chiū-sī it-seng pó-iúⁿ goá kàu tī kin-á-jit ê Siōng-tè, kiù-siók goá thoat-lī it-chhè ê hoān-lān, hit ê Sù-chiá, sù-hok hō· chí n̄ng ê gín-á; goān in kui tī goá ê miā-ē, kap goá chó· A-pek-láh-hán, goá ê pē Í-sat, ê miā-ē; koh goān in tī sè-kài-tiong siⁿ-thoàn chin-choē. ¹⁷Iok-sek khoàⁿ i ê lāu-pē ēng chiàⁿ-chhiú hoāⁿ tī Í-hoat-liân ê thâu-khak, bô hoaⁿ-hí; chiū tháⁿ i ê lāu-pē ê chhiú, beh tui Í-hoat-liân ê thâu-khak soá kàu Má-ná-se ê thâu-khak. ¹⁸Iok-sek kā i ê lāu-pē kóng, Goá ê pē ah, m̄-sī án-ni; chit-ê sī toā-kiáⁿ, kiù lí ēng chiàⁿ-chhiú hoāⁿ i ê thâu-khak. ¹⁹I ê lāu-pē m̄-thàn kóng, Goá chai, goá ê kiáⁿ, goá chai; i iah beh chiàⁿ-choē chit-chók, iah beh khoah-toā; chóng-sī i ê sió-tī chiong-lâi pí i khah-toā; i ê sió-tī ê hō·-è beh chiàⁿ-choē choē-choē chók. ²⁰Tng hit-jit chiū kā in chiok-hok kóng, Í-sek-liát lāng beh kí lí lâi chiok-hok lāng kóng, Goān Siōng-tè hō· lí chhin-chhiūⁿ Í-hoat-liân, chhin-chhiūⁿ Má-ná-se chit-iūⁿ; tui án-ni līp Í-hoat-liân tī Má-ná-se ê tãi-seng. ²¹Í-sek-liát koh kā Iok-sek kóng, Goá beh sí lah; chóng-sī Siōng-tè beh kap lí tī-teh, beh chhoā lín tò--khì lín liát-chó· ê toē. ²²Goá chêng ēng goá ê keng, goá ê to, tui A-mô-lī lāng ê chhiú chhiúⁿ-lâi hit tè-toē, goá taⁿ hō· lí, pí lí ê hiaⁿ-tī tit-tiòh khah-ke.

49 Ngá-kok kiò i hiah ê kiáⁿ lâi kóng, Lín lóng chū-chip, goá beh chiong lín jít-āu só· oē tú-tiòh ê sū kā lín kóng.

²Ngá-kok chiah ê kiáⁿ, lín tiòh chū-chip lâi thiaⁿ,

Tiòh thiaⁿ lín lāu-pē ê oē.

³Liū-piān ah, lí sī goá ê toā-kiáⁿ, goá ê koān-sè, goá ê khui-lát ê khí-thâu,

Ui-giām ê ték-sek--ê, koān-lêng ê ték-sek--ê.

⁴Chóng-sī lí chhin-chhiūⁿ chúi teh-kún, tek-khak boē tit-tiòh ku thâu-ūi;

In-ūi lí peh-chiūⁿ lín lāu-pē ê bīn-chhng;

Hit-sī lí phah lâ-sâm i; i peh-chiūⁿ goá ê pho·.

⁵Se-biān Lī-bī sī hiaⁿ-tī;

In ê to-kiām sī hiong-ok ê khi-kū.

⁶Goá ê sim-sin ah, lí m̄-thang kap in tâng kè-bô·;

Goá ê sin-hūn ah, lí m̄-thang kap in ê hoē-chiong liân-lók.

In-ūi in theng-khí siū-khì, thài-sí lāng,

In chhut-chāi í-sù koah-tng gū-thúi ê toā-kun.

⁷In ê siū-khì sò-pō, thang chiū-chó·;

In ê hūn-khì chân-jím, iah sī thang chiū-chó·;

Goá beh pun-khui in tī Ngá-kok ke,

Sì-soàⁿ in tī Í-sek-liát chók.

⁸Iū-tāi ah, lí ê hiaⁿ-tī beh o-ló lí;

Lí ê chhiú beh chhih tui-ték ê ām-kún;

Lí ê lāu-pē ê kiáⁿ beh phak-pài tī lí ê bīn-chêng.

⁹Iū-tāi sī soē-chiah sai;

Goá ê kiáⁿ ah, lí tui só· jiàu--tiòh ê mih, chiū chiūⁿ-khì;

I khut-lòh, i thìⁿ-kha, chhin-chhiūⁿ sai;

Iáh chhin-chhiūⁿ bú ê sai, chī-chūi káⁿ jiá i?

¹⁰Koân-pèng bô lī-khui Iū-tāi,
Tī-lí--ê bô lī-khui i n̄ng ki kha ê tiong-kan,
Kàu Sī-lô lâi;

Liát-pang lóng beh kui i.

¹¹Pák i ê lū-á tī phû-tô-chhiū,
Pák i ê lū-á-kiáⁿ tī hó ê phû-tô-chhiū;
Ēng phû-tô-chhiú soé i ê i-hók,
Ēng phû-tô-chiap soé i ê i-chiūⁿ.

¹²I ê bák-chiu in-ūi chiú lâi âng,
I ê chhui-khi in-ūi leng lâi pèh.

¹³Se-pò·lūn beh khiā-khi hái-kháu,
Beh choè pha-chūn ê hái-kháu;
I ê kài beh kàu Se-tùn.

¹⁴Í-sat-ka sī íong ê lū,
Tó tī iūⁿ-tiâu ê tiong-kan;

¹⁵I khoàⁿ an-chēng choè hó, khoàⁿ thó·toē choè súi;

Àⁿ keng-thâu taⁿ-teh, chiāⁿ-choè lô-khó· ê lô·pók.

¹⁶Tàn beh phoàⁿ-toàn i ê peh-siⁿ,
Chhin-chhiūⁿ Í-sek-liát chi-phài ê chit-ê.

¹⁷Tàn beh choè lô--nih ê choá,
Lō·tiong ê tók-choá;

Kā siong bé-toē, khiā ê lāng hiàⁿ tui āu-bīn lôh--khì.

¹⁸Iā-hô-hoa ah, goá ū thèng-hāu Lí ê chín-kiù.

¹⁹Ka-tek beh hō· kun-tui tui-pek,
Chóng-sī i beh tui-pek in ê kha-āu-tiⁿ.

²⁰A-siat beh chhut hó ê bí-niū,
Koh chhut ông só· chiáh ê hó-mih.

²¹Ná-hut-tha-lī sī tháu-pàng ê lók-bú,
Chhut hó-thiaⁿ ê oē.

²²Iok-sek sī gâu kiat ké-chí ê chhiū-ki;
I ê chhiū-ki chhun-chhut chhiūⁿ-goā.

²³Siā-chiⁿ ê lāng toā siong-hāi i,

Ēng chiⁿ siā i, khún-pek i;

²⁴Chóng-sī i ê keng iū-goân ân,

I ê chhiú iā tit-tiòh ū lát;

Che sī tui Ngá-kok ê Choân-lêng--ê ê chhiú,
Tui che chiū ū chhut bók-chiá, Í-sek-liát ê chiòh-poāⁿ),

²⁵Iāh tui lí ê pē ê Siōng-tè, I beh pang-chān lí;

Koh tui hit ê Choân-lêng--ê, I beh sù-hok lí;

Beh ēng thiⁿ-téng kàng-lòh ê hok-khì,
Chhim-ian só· khng ê hok-khì,
Í-klp chiáh-leng seng-sán ê hok-khì, lóng beh hō· lí.

²⁶Lí ê lâu-pē só· chiok ê hok-khì,
Iāⁿ-kè goá ê pē-kong só· chiok ê hok-khì,
Tít-kàu éng sè-tāi ê soaⁿ-niá kék-thau ê piⁿ-kài;

Chiah ê hok-khì beh kàng-lòh tī Iok-sek ê thau-khak,

Līm-kàu hit ê kap hiaⁿ-tī tēk-piát-ê ê thau-khak-téng.

²⁷Piān-ngá-bín sī gâu peh-thiah ê chhài-lông;

Chá-khi-sī chiáh i só· jiàu--tiòh-ê,

Ē-hng-sī pun i só· chhiūⁿ--tiòh ê.

²⁸Che it-chhè sī Í-sek-liát ê cháp-jī chi-phài;
che iáh sī in ê lâu-pē tui in só· kóng ê oē, kā in só· chiok-hok--ê; lóng sī chiàu ták-lāng ê hok-hūn, kā in chiok-hok. ²⁹I koh hoan-hū in kóng, Goá beh tò-khì goá ê liát-chó· hia, lín tiòh chiong goá bài-chòng tī Hek-lāng Í-hut-lūn chhân--nih ê hiát, kap goá ê pē-kong siāng só·-chāi; ³⁰chiū-sī tī Ka-lām toē Bān-lī ê bīn-chēng, Bék-pí-lāh chhân--nih ê hiát; hit ê hiát kap chhân sī A-pek-lāh-hán tui Hek-lāng Í-hut-lūn boé choè giáp, lâi choè bōng-toē ê.

³¹Tī-hia bài-chòng A-pek-lāh-hán kap i ê bók

Sat-láh; koh tī-hia bài-chòng Í-sat kap i ê bó· Lī-pek-ka; goá iáh tī-hia bài-chòng Lī-a. ³²Hit khu chhân kap hit lāi-bīn ê hiát, sī tùi Hek-lâng boé--ê. ³³Ngá-kok hoan-hù i hiah ê kiáⁿ bēng-pék, kha kiu-chiūⁿ chhng, chiū khui tng, tò--khì i ê liát-chó· hia.

50 Iok-sek phak tī i ê lāu-pē ê bīn, thī-khàu, chim--i. Iok-sek hoan-hù su-hāu i ê i-seng, ēng huiⁿ-liāu koàn i ê lāu-pē; i-seng chiū ēng huiⁿ-liāu koàn Í-sek-liát. ³Koàn sin-si tiāⁿ-tióh ê lē tióh sì-cháp jít; hit ê sì-cháp jít moá, koh Ai-kíp lāng ūi i thī-khàu chhit-cháp jít.

⁴Ūi-tióh i thī-khàu ê jít í-keng kè, Iok-sek tùi Hoat-ló ke-lāi ê lāng kóng, Goá nā tī lín ê bīn-chēng tit-tióh un-tián, chhiáⁿ lín thong-ti Hoat-ló, kā i kóng, ⁵Goá ê lāu-pē kah goá chiū-choā kóng, Goá beh sí lah, lí tióh chiong goá bài-chòng tī Ka-lâm toē, tī goá ūi pún-sin só· kút ê bōng; taⁿ kiū lí chún goá chiūⁿ--khì bài-chòng goá ê lāu-pē, jiān-āu goá beh tò-túg--lāi. ⁶Hoat-ló kóng, Lí thang chiūⁿ--khì bài-chòng lí ê lāu-pē, chiàu i só· kah lí chiū ê choā. ⁷Tùi án-ni Iok-sek chiūⁿ--khì bài-chòng i ê lāu-pē; kap i saⁿ-kap chiūⁿ--khì ê, ū Hoat-ló ê chēng jīm-sin, kap Hoat-ló ke-lāi ê tióng-ló, kap Ai-kíp kok chēng tióng-ló. ⁸Koh ū Iok-sek choân-ke, kap i hiah ê hiaⁿ-tī, í-kíp i ê lāu-pē ê ke-koàn; chí-ū in ê gín-á, kap iūⁿ-kūn gū-kūn, lóng lâu tī Ko-san toē. ⁹Koh ū chhia kap khiā-bé--ê, hit-tin ê lāng put-chí choē. ¹⁰In kàu Iok-tàn hô goā, A-tát ê gō-kak-tiūⁿ, chiū tī-hia toā thī-khàu, toā ai-siong; Iok-sek ūi-tióh lāu-pē pi-ai chhit-jít. ¹¹Ka-lâm toē khiā-khí ê peh-siⁿ khoàⁿ-kìⁿ A-tát gō-kak-tiūⁿ ê thī-khàu, chiū kóng, Che sī Ai-kíp lāng chit-tiūⁿ ê toā thī-khàu; in-ūi án-ni, hit ê toē miā kiò A-pek-bék-se, sī tī Iok-tàn hô goā. ¹²Ngá-

kok hiah ê kiáⁿ chiū chiàu lāu-pē só· hoan-hù--ê kā i choē; ¹³hiah ê kiáⁿ chiong i ūn kàu Ka-lâm toē, bài-chòng tī Bān-lī ê thau-chēng, Bék-pí-láh chhân--nih ê hiát, hit ê hiát kap chhân sī A-pek-láh-hán tùi Hek-lâng Í-hut-lūn boē choē giáp, lāi choē bōng-toē ê. ¹⁴Iok-sek bài-chòng in lāu-pē í-āu, chiū kap chēng hiaⁿ-tī, í-kíp it-chhè kap i chiūⁿ-khì bài-chòng in lāu-pē ê lāng, lóng tò-túg Ai-kíp.

¹⁵Iok-sek hiah ê hiaⁿ khoàⁿ in lāu-pē í-keng sí, chiū kóng, Kiám-chhái Iok-sek beh oàn-hūn lán, chiàu lán chēng khoán-thāi i lóng-chóng ê pháiⁿ, it-chīn pò-èng lán. ¹⁶In chiū thok lāng khì kìⁿ Iok-sek kóng, Lí ê lāu-pē bē sí ê tãi-seng, hoan-hù kóng, ¹⁷Lín tióh tùi Iok-sek án-ni kóng, Chēng lí chiaⁿ ê hiaⁿ pháiⁿ khoán-thāi lí, kiū lí sià-bián in ê kè-sit kap choē-ok; taⁿ kiū lí sià-bián lí ê lāu-pē ê Siōng-tè ê lô-pók ê kè-sit. In tùi Iok-sek kóng chiaⁿ ê oē, Iok-sek chiū thī-khàu. ¹⁸I chiaⁿ ê hiaⁿ koh lāi phak tī i bīn-chēng kóng, Goán sī lí ê lô-pók. ¹⁹Iok-sek kā in kóng, M-bián kiaⁿ; goá kiám thoē Siōng-tè mah? ²⁰Chēng lín ê ì-sù sī pháiⁿ, chóng-sī Siōng-tè ê ì-sù sī hó; beh pó-choân choē-choē lāng ê siⁿ-miā, chhin-chhiūⁿ kin-á-jít. ²¹Taⁿ lín m-bián kiaⁿ; goá beh iūⁿ-chhiⁿ lín, kap lín ê kiáⁿ-jī. Tùi án-ni Iok-sek ēng chhin-ài ê oē an-ùi in.

²²Iok-sek kap in lāu-pē ê ke-koàn lóng tiām Ai-kíp; Iok-sek chiaⁿ pah-it hē. ²³Iok-sek tit-tióh khoàⁿ-kìⁿ Í-hoat-liân tē-saⁿ tãi ê sun; Má-ná-se ê sun Má-kiat ê kiáⁿ, Iok-sek iáh phō in tī kha-thau-u. ²⁴Iok-sek tùi i ê hiaⁿ-tī kóng, Goá beh sí lah; chóng-sī Siōng-tè tek-khak khoàⁿ-kò· lín, chhoā lín tùi chit só·-chāi chiūⁿ-khì, kàu I chiū-choā èng-ún hō· A-pek-láh-hán, Í-sat, Ngá-kok ê toē. ²⁵Iok-sek kah Í-sek-liát ê kiáⁿ-sun chiū-choā kóng, Siōng-tè

tek-khak chiàu-kò· lín, lín tiòh chiong goá ê
kut-thâu ūn-chiūⁿ--khì. Lok-sek sí, tú-á pah-
it hē; lāng ēng hiuⁿ-liāu kā i koàn; chiong i
siu-lòh koan, thēng tī Ai-kiap.